



586893

BIBLIOTHECA
UNIV. MAG. FRAT. VIENNENSIS

Mag. St. Or.


I



586893

I

Mag. St. Dr.



E. 9

JURIS
ECCLESIASTICI
ANALYSIS.

PARS PRIOR.

JUS ECCLESIASTICUM PUBLICUM.

VRATISLAVIAE,
TYPIS UNIVERSITATIS 1795.

586 893

I

Bibl Jag

1972 v 103 St. De

LECTORI.

Prodiit Salemii An. MDCCXCIV, auctore Bernardo Boll ordinem Cisterciensium Professo, *Juris Ecclesiastici Analysis*, in qua universa Jurisprudentiæ ecclesiasticæ æconomia, tabellarem in formam redacta, non minus eleganter, quam solide pertractatur. Sed enim nudas id genus, macrasque formulas in memoriæ potius subsidium, quam ad instituendos disciplinarum candidatos valere, res ipsa loquitur. Itaque id dedi operam, ut servato fere Clari auctoris textu, quæ seu necessaria, seu in rem utilia videbantur,

e penu mea suggererem, salva mea aliter sentiendi libertate, sine qua profecto nec disciplinæ integritati, neque discipulorum commodo satis consulitur.

Inde nata est isthæc, quam curavi, *Analysis Juris ecclesiastici* editio; quæ quoniam Salemianam illam mole ac rebus multum superat, in duas tributa est partes, ita ut Pars prior, præter Prolegomena, Jus ecclesiasticum *Publicum*, Pars vero posterior Jus ecclesiasticum *Privatum* complectatur.

Vratislaviæ idibus Sept. MDCCXCV.

MARTINUS PELKA,

Instituti lit. reg. Presbyter in Univ.

Leopold. Prof. p. o.

ORDO

ORDO MATERIARUM.

PROLEGOMENA

CAPUT I.

PRAECOGNITA JURIS ECCLESIASTICI UNIVERSALIS.

	Pag.
§. I. Societas & Ecclesia in genere	1
§. II. Ecclesia christiana in se spectata	5
§. III. Juris & Jurisprudentiæ ecclesiasti- cæ Indolēs, Principia, Adminicula	15
§. IV. Juris sacri Collectiones, Historia litteraria, Auctoritas	22
§. V. Species Legum ecclesiasticarum	31

CAPUT II.

PRAECOGNITA JURIS ECCLESIASTICI
PARTICULARIS GERMANIAE.

	Pag.
§. I. Principia, Adminicula, Historia, Collectiones Juris sacri Germaniæ	38
§. II. Pacta Nationis germanicæ cum Sede romana	44
§. III. Pax Religiosa & Westphalica	52

PARS I.

JUS ECCLESIASTICUM PUBLICUM.

CAPUT I.

HIERARCHIA ECCLESIASTICA, EJUSQUE
DIVERSI GRADUS.

	Pag.
§. I. Jura Romani Pontificis, ceu Primatis Ecclesiæ universalis	59
§. II. Cardinales	73
§. III. Legati & Vicarii Pontificis	80
§. IV.	


§. IV. Patriarchæ, Exarchæ, Primates, Metropolitæ	87
§. V. Episcopi	94
§. VI. Episcopi ac Metropolitæ Germaniæ in specie	101
§. VII. Episcopi titulares, Chorepiscopi, Coadjutores, Vicarii	105
§. VIII. Canonici eorumque Capitula	115
§. IX. Parochi & Curati alii	126
§. X. Clerus & Prælati regulares	135

CAPUT II.

NEXUS ECCLESIAE CUM CIVITATE.

	Pag.
§. I. Fines utriusque Potestatis in genere	149
§. II. Fines utriusque Potestatis circa Re- ligionem	160
§. III. Fines utriusque Potestatis circa Per- sonas ecclesiasticas	175
§. IV. Fines utriusque Potestatis circa Bona ecclesiastica	185
§. V.	

-
- §. V. Fines utriusque Potestatis circa
causas ecclesiasticas. 205
- §. VI. Nexus Ecclesiæ Catholicæ, & Pro-
testanticæ in Germania. 211
-



JURIS ECCLESIASTICI PROLEGOMENA.

CAPUT I.

PRAECOGNITA JURIS ECCLESIASTICI UNIVERSALIS.

§ I.

SOCIETAS ET ECCLESIA IN GENERE.

I. Societas in genere est numerus hominum ad jungendas pro fine quodam communi consequendo vires constanti obligatione devinctorum.

DIVIDITUR

a) in *voluntariam*, quæ mutuo, & libero hominum pacto, & *legalem*, quæ Superioris cujusdam, Dei vel hominis, lege constituitur; a)

A b) in

- b) in *simplicem*, quæ ex personis singularibus, & *compositam*, quæ ex pluribus personis moralibus, seu societatibus integris coalescit; b)
 - c) in *æqualem*, in qua nec Superior existit, nec subditus, & *inæqualem*, in qua unus, pluresve reliquis præstant;
 - d) in *liberam*, quæ nulli alteri, & *subordinatam*, quæ alteri cuidam societati subjicitur;
 - e) in *universalem*, quæ ad omnes omnino homines, aut saltem in omnibus orbis partibus ad quamplurimos se extendit, & *particularem*, quæ ad aliquos tantum, nec in omnibus locis. c)
- a) Societas *legalis* seu *necessaria* talis est, qualem legislator, *volumaria* vero, qualem paciscentes voluere.
 - b) E pluribus societatibus simplicibus oritur ea, quæ *minor*, e compositis vero, quæ *major* passim dicitur.
 - c) Omnis societas tum solum suo in genere *perfecta* erit, cum sufficientia habuerit ad finem media. Conf. Wolff *Inst. Juris Naturæ, & Gentium* P. III. Sect. I. cap. 1.

II. Societas major, ut animorum, quorum varii sensus & affectus sunt, circa media ad finem socialem obtinendum tum eligenda, tum adhibenda stabilis consensus habeatur, carere haud poterit

IMPERIO quod *Potestatem*

- a) *leges ferendi*, aut eas authentice, seu auctoritate vim legis habitura *declarandi*, d)
- b) de

- b) de rebus socialibus *judicandi*,
- c) ac *pœnas* in refractarios *decernendi* impor-
tat. e)

d) Sine legum imperio nec domus ulla, nec civitas
nec gens, nec hominum universum genus stare,
nec rerum natura omnis, nec ipse mundus po-
test. Cicero *lib. III. de leg.*

e) Wolff *cit. loc. §. 846.*

III. Imperii exercitium seu Regimen in
societate voluntaria a sociis, in legali a Superi-
ore determinandum (n. I. not. a.) erit

- a) *plenum*, quod omnes imperii partes (n.
præced.) complectitur: *fin*; *minus plenum*;
- b) *absolutum*, quod nullis conditionibus, aut
pactis restrictum est, sed a solo fine, & so-
cietatis natura mensuram capit: *secus limi-*
totum; f)
- c) *summum*, quod nulli alteri potestati, seu
humano subest imperio: alias *subordinatum*.

f) Originarie imperium in societate voluntaria penes
ipsam societatem universam, in legali penes so-
cietatis auctorem existens absolutum est, tum-
que solam, cum in alios transfertur, pro trans-
ferentium arbitrio diversa ratione limitatur.
Leges, ad quas translati in perii exercitium ad-
stringitur, *fundamentales* sunt, quibus ceu con-
ditione, qua ei delatum est imperium, omnino
tenetur societatis Rector.

IV. Ipsius vero Regiminis forma,
eodem modo stabilienda, erit

- a) *democratica*, si universi ex æquo imperent;

- b) *aristocratica*, si penes aliquos tantum, ceu unam personam moralem —
- c) *monarchica*, si penes unam personam physicam plenum resideat imperium;
- d) *mixta*, si imperium inter unum & plures, vel inter unum & omnes, vel inter omnes & plures fuerit divisum. g)
- g) *Mixta* non ex integris formis simplicibus coalescit, sed ex tribus aut certe duabus aliquid participat.

V. Ecclesiam in genere societatem dicimus hominum eandem religionem profitentium, cujus finis in animarum salute, & connexa eidem Dei Gloria reponitur. h)

Etiā huic, si major sit, competit

- a) verum imperium. i)
- b) si pactitia sit, a sociis,
- c) si legalis, ab institutore determinandum,
- d) sed ex fine utique suo spirituale, & a civili distinctum. k)
- h) Religio hic loci pro determinato Deum colendi, & salutem animæ suæ operandi modo sumitur. Quæ ad religionem pertinent *sacra* vocantur, *interna*, quæ interiorē, *externa*, quæ exteriorē Dei cultum respiciunt.
- i) Imperium hoc ecclesiasticum tum universim tum maxime in statu sacrorum internorum (*imperium in conscientias*) juri naturæ, & cujusvis religionis indoli adversum proinde & Ecclesiam societatem esse in republica sine imperio existentem docuerunt p. h. Lutherum *lib* von der weltlichen Obrigkeit, Samuel Puffendorff,

in tract. de habitu religionis Christ. ad vit. civil.
 Just. Henning Boelmer in diff. pralim ad
 Jus eccles § 4, & tit. de majorit. & obedient.
 Quibus quid Catholici passim respondeant,
 vid. apud Maur. Schenkl Syntagm. J. E.
 Tom. I. § 17.

- k) Imperium ecclesiasticum spirituale, & a civili distinctum esse, ostenditur 1) ex ipso conceptu, & indole sacræ, ac profanæ potestatis, ut quæ sine, mediis, objectis discrepant 2) Ipsi id æquiores ex Protestantibus fatentur cum Wolfio in J. N. P. VIII. §. 64. item 955.

§. II.

ECCLESIA CHRISTIANA IN SE SPECTATA.

I. Christus Dominus 1) ceu Doctor divinitus missus leges naturales authentice declaravit; 2) ceu verus Legislator, cui data est omnis potestas, V. T. ceremonialibus, ac judicialibus abrogatis m) leges novas positivas n) in ordine ad Dei cultum, animarumque salutem o) sancivit; 3) omnes homines ad eas recipiendas, & unanimi consensu servandas obligavit; p) novam ergo religionem (§ I. n. V. not. h.) & societatem ecclesiasticam (ibid. n. V.) instituit.

l) Math. V. 17. 21. XIX. 16. 19.

m) Act. XV. Gal. III. 25. V. 2. Hebr. VII. 12.

n) Joan. III. 5. VI. 54. Luc. XII. 8.

o) Joan. III. 16. VI. 38. 40. XVII. 6. Tit. II. 11. seq.

p) Marc. XVI. 15. 16. Math. ult. 19. 20.

SOCIETAS hæc CHRISTIANA est

- a) *universalis* Math. ult. 19. Marc. XVI. 15.
- b) *legalis*. Marc. XVI. 16. Joan. III. 5.
- c) *perpetua*. Math. ult. 20. Joan. XVI. 16. q)
- q) De veris, atque etiam spuris Ecclesiæ characteribus copiose, atque accuratissime egit Honorat. Tournelius *Curs. Theol. Tom II. quæst. II. art. 1.*

II. Ne vero imperfecta dici hæc societas posset, sacrum in ea stabilivit

IMPERIUM, r)

- a) 'quod *solis* tradidit *Apostolis*, solis urpote, cum eam potestatem traderet præsentibus. Joan. XX. 21.
- b) ut adeo populo nec *commune* sit, nec *subordinatum*. Ego mitto vos. (ibid.) item Act. VI. 3. Ephes. IV. 11.
- c) Ex iis tamen elegit *unum*, Petrum scilicet cum honore, & auctoritate *Primates*, s) ut *capite constituto schismatis tolleretur occasio*. t)
- r) *Imperium* Ecclesiæ a Christo traditum ostendunt
 - 1) aperte scripturæ *S. textus*: nemp: potestatem a) *leges ferendi*, & authenticè *declarandi* Math. XVIII. 18. Joan. XIV. 16. 26. b) *judicandi* Math. XVIII. 15 -- 17. c) *puniendi*. ibid & Joan. XX. 23. 2) *Apostolorum facta* Act. XV. 1. Cor. XI. Gal. I. 8. I. Cor. V. 1. Tim. I. II. Cor. X. XIII. 2.
 - s) Petri singularem prærogativam non honoris tantum, verum etiam jurisdictionis a Christo tributam probant, 1) unitatis conservandæ necessitas. (Conf.

(*Conf. n. præced lit. c.*) 2) ipse obuius verborum Math. XVI. 18 19. Joan XX. 16. 17. Luc. XXII. 32. sensus. 3) facta, juraque Petri. Act. I. 15. XV. 7. Marc. I. 36. Luc VIII. 45; 4) consensus Patrum quorum quidem aliqui, dum non tam Petro, quam Ecclesiæ datas claves adferunt solummodo per hoc volunt, claves Petro pro bono Ecclesiæ concessas, nec ab eo, nisi ut Ecclesiæ capite fuisse gestatas; aut claves eo sensu non tam personæ Petri, quamcum interirent, sed Ecclesiæ traditas, quod hæc perpetuo illius potestatis ac dignitatis habitura sit successores. *Conf. Paul a Rigger Instit. Jurispr Eccles. P. I. § 19 & 24 seq*

2) Verba sunt S. Hieronymi *advers. Iovinian.* lib. I., cui adeo consentiens est uniuersus Patrum chorus, ut summæ temeritatis argumentum esset alium, quam unitatis in Ecclesia conseruationem, instituti a Christo Primatus finem statuere. *Conf. Idem cit. loc. § 30.*

III. In Ecclesia ad finem mundi duratura (n. I. lit. c.) continua datur Imperantium successio, & quidem

1) PETRO in PRIMATU succedere
ROMANOS EPISCOPOS

- a) ex ipso *facto Petri* Romæ aliquamdiu commorantis, ibique martyrio defuncti, primorum Patrum testimoniis, ac monumentis ab omni retro prima Ecclesiæ ætate existentibus comprobato; u)
- b) ex unanimi totius Ecclesiæ ad hæc usque tempora *consensu*; v)
- c) et primorum Romæ Pontificum *gestis* x) evincitur. y)



- u) Sui in urbem Romanam adventus ipse quoque S. Petrus testis est *I. epist. cap. ult. 13.* Mirum itaque extitisse a seculo. XVI. non paucos, qui id Petri factum negarunt. Nomina eorum recenser Mamachius *Orig & antiquit. eccles. Tom V* argumenta repetit Mosheimius *Theol. polem. Cap I Sect. I.* Catholicorum vero responsa indicat Paul. a Rigger *cit. loc. § 31. seq.*
- v) In concilio Florentino utriusque Ecclesiæ Græcæ, & Latinae cont'ntu his verbis decretum perscriptum est: *Definimus sanctam Apostolicam sedem, & Romanam Pontificem in universum orbem tenere primatum, & ipsum Pontificem Romanum successorem esse B. Petri Principis Apostolorum, & verum Christi Vicarium, totiusque Ecclesiæ caput, & omnium Christianorum Patrem, & Doctorem existere; & ipsi in B. Petro pascendi, regendi, gubernandi Ecclesiam universalem a Christo plenam potestatem traditam esse. Quid? quod Concilium Constantiense ipsum, condemnando Wicleffi hanc propositionem: Non est de necessitate salutis credere, Romanam Ecclesiam esse supremam inter alias Ecclesias; & alteram Husii: Romanus Pontifex non est caput Romanae Ecclesiæ: Primatum hunc satis confirmat. Plura Conciliorum & Patrum testimonia vid: apud Natal. Alexandrum *dissert. IV. in hist. eccles. sec. I.**
- æ) Romanorum Pontificum gesta, e quibus Primatus eorundem eruitur retulit idem Nat. Alexander *cit. loc. & Gazzaniga Theol. polem. Tom. II. Sect. VI. cap. 4.*
- y) Quibus constantem hanc de Romano Primatu traditionem convellere se posse contendunt Protestantes, vid. apud Bellarminum *lib. de Rom. Pontif.* aut in compendium redacta apud Rigger *loc. cit. §. 44. seq.*

2) APOSTOLIS vero ita reliqui succedunt

EPISCOPI, 2) ut

- a) plenam, ac *propriam* proxime a Christo accipiant potestatem. „Non ab hominibus — sed per Jesum Christum. Gal. I. 1. a)
- b) sed unitatis causa Primati *subordinatam*; b)
- c) ad Dioceses quidem *quoad exercitium*, vulgo *restrictram*; c)
- d) quo tamen non obstante *universi* seu dispersi, seu in Synodis congregati *universali Ecclesiae praeisse* recte dicuntur, d)
- e) utpote in rebus fidei, morum, & disciplinae jure *suffragii decisivi* gaudentes: visum est Spiritui sancto, & Nobis. Act. XV. 28. e)
- f) & in dogmatis definiendis, siquidem cum suo capite, ac fundamento, Primatu scilicet, uniantur, *infallibiles*. Portae inferi non praevalerunt. Math. XVI. 18. f)

2) *Episcopos* esse Apostolorum *Successores* 1) factae ab Apostolis ordinationes, quarum catalogum rexit Binghamus *Orig. eccles. lib. II. cap. I. § 4* 2) traditio Ecclesiae, cujus testis Tertullianus *de praescript. cap. 37.* 3) Concilium Trident. *Sess. 23. cap. 4. docent.*

a) Conf. Paul. a Rigger *cit loc. §. 20 seq.* Quid vero in Concil. Trident. super deliberationibus hac de re institutis actum sit; vid. Natal Alexandr. *Hist. Eccles. Tom. VIII. diss. 12. §. 2. seq.*

A 5 6) „Hoc

- b) „Hoc optimum, ac valde congruentissimum judicabitur. si ad caput, id est, ad Petri sedem de singulis quibusque provinciis domini referant Sacerdotes“ Synod. Sardic. ad Julium P. anno 347. Conf. S. Irenæus lib III advers. hæreses cap 3.
- c) Secundum illud I. Petr. V. 2. Tit. I. 5. Apocal. II 1. 8. 12. 18. III. 1. 7. 14.
- d) „Episcopatus unus est, cujus a singulis pars in solidum tenetur. S. Cyprian: lib de unit eccles. cujus sententia quis sensus sit, idem ipse S. Cyprianus epist 68 explicat.“
- e) Melchior Canus de locis theolog. lib V. cap. 5. Bossuet in defens. declarat: Cleri Gallicani lib 13 cap 20
- f) Tournelius Curs. Theol. quæst. II art. 3. Conf. Simpertii Schwartzhuber Praktisch-theologisches Religions-Handbuch 2 Band. Anhang. edit. 3.

IV. Universum hoc Ecclesiæ Imperium ex institutione sua

- a) sacrum prorsus est et spirituale. g)
- b) a politico independens. h)
- c) in suo ordine summum (ex defin. §. I. n. III. lit. c.)
- d) intuitu Christi tamen mere administratorum: ut ministros Christi I. Cor. IV. 1.
- e) et cum evangelica plane modestia & caritate ad Christi, & Apostolorum normam exercendum. I. Petr. V. 2. 3. Luc. XXII. 26. seq.
- g) Imperium enim Ecclesiæ, ut cujusvis alterius societatis, fini ejusdem respondeat necesse est; adde Luc. XII. 14. Joan. VI. 15. XVIII. 36.

b) Chri-

b) Christus enim solis Apostolis illud tradidit; (*preced. n. II. lit. a.*) præterea differt natura sua a civili, quod temporalem felicitatem, a quo spiritualis nequaquam dependet, pro scopo habet; nullo ergo pacto humano seculari potestati subordinari potest; id quod ex traditione, atque Principum orthodoxorum verbis factisque uberius demonstratur. Conf Barthel Tom. I. op. 2. *de jure reform. antiq. art. 7.* Adversariorum argumenta non minus solide, ac erudite resolvit Paul. a Rigger *cit. loc. §. 179. seq.*

V. Præter Episcopalem alii quoque in Ecclesia obtinent gradus, & quidem

1) Divina ordinatione dantur

a) *Presbyteri* seu sacerdotes secundi Ordinis, Episcopis ordine, & jurisdictione inferiores. i)

b) *Diavoni* non solum ad profanæ mensæ ministerium, sed ad sacra quoque munia ab Apostolis destinati. Act. VI. k)

i) Presbyteros Episcopis pares esse defendebant post Arium, qui seculo IV. spe episcopatus, quem ambierat, frustratus Episcoporum dignitatem deprimere conabatur, inter ceteros Salmasius *lib. de jomore Trapezitico, deque Episcopis & Presbyteris*: Blondellus *in Apolog. S. Hieronymi*: Buddæus *dissert. de orig. & potestate Episc.* Walchius *in Compend. antiq. Eccl. lib. I. cap. 3.* Primum refutavit Dionysius Petavius *lib. diss. eccles. alterum Natal. Alexander hist. eccles. sec. IV. diss. 44* reliquos Mamachi-
us *Orig. & antiq. eccl. Tom. IV. pag. 316. seq.* ita ut constans jam sit Catholicorum doctrina, Episcopos non modo potestate ordinis, verum etiam jurisdictionis presbyteris esse superiores.

res: quamvis quoad potestatem jurisdictionis id nondum Ecclesia conceptis verbis definivit; imo ipsa Synodus Tridentina, cum *Sess. XXIII can 7*. Episcoporum præminentiam declaravit a verbis *jure divino* de industria abstinuit, inferiorum Canonum, adversus Italos eisdem repugnantes petentibus Gallis, & Hispanis Episcopis. Pallavicini *hist. Concil. Trident. lib. XVIII. cap 14*

k) Conf Natal Alexand. *hist. eccles. sec. I. diff. 7 Tom. III. pag. 143*

2) Ordinatione Ecclesiastica,

- a) *Subdiaconi*, qui Diaconos sublevarent:
- b) *Ordines minores*, de quibus variam apud Orientis, & Occidentis Ecclesias invenies disciplinam. l)
- d) De hisce ordinibus breviter quidem, at pro more suo erudite disseruit Fleury *instit. J. E. P. I. cap. 6, 8.*

VI. Imo & jurisdictionis quædam subordinatio inter Episcopos, aliosque salvo Primatu recti ordinis gratia moribus primum, mox legibus firmata est. Unde

- a) *Patriarchæ, Exarchæ, Primates, Metropolitæ.*
- b) *Archipresbyteri, Primicerii, Archidiaconi &c.*
- c) *Cardinales. Abbates, Generales Ordinum. &c.* insignes obtinere dignitatis, auctoritatisque prærogativas. m)
- n) Suo loco de his omnibus redibit sermo; uberio-
rem

rem interea notitiam quicupit. consulat Bingham: *Orig: Eccles lib II. cap 17* Petr. de Marca *differt de Primatu Thomassin: de veter. & nova Eccles. discipl. P. I.*

VII. Ex his sequentia fluunt

COROLLARIA.

- a) Ecclesiæ genuinum systema non humano arbitrio, ut Protestantes volunt, sed Christi maxime voluntate esse meriendum (§. I. n. I. not. a. & § II. n. I. lit b)
- b) Ecclesiam Christianam non esse collegium æqualium sed societatem inæqualem, perfectam, & liberam. (§ I. n. I. lit. c. d. not. c. §. II. n. II. lit. a b. c. n. IV. lit. b.)
- c) Adeoque eam recte definiri ceu Societatem hominum, qui ejusdem Christianæ religionis professione, et exercitatione sub imperio legitimorum Pastorum, Episcoporum, ac unius summi Primatis ad spiritualem et æternam felicitatem tendere obligantur. n)
- d) Formam Regiminis aristocraticæ speciem præferre, ni melius eam singularem, aut Christo-cratiam dicere malis. o)
- e) Tandem in ea Hierarchiam existere, partim divina, partim humano, quæ tamen divinæ præjudicare nequit, ordinatione constitutam. p)

- n) Ecclesiæ in jure varia est significandi potestas, neque una, & perpetua in scriptoribus appellatio. Conf. Honorat. Tournelius *Curs. Theol. Tom. II. quæst. I. art. 1. §. 2.* ubi eruditissimus hic Theologus varias hujus vocis significationes illustrat, atque varias Ecclesiæ Christianæ definitiones accurato judicio in examen revocat.
- o) *Pure monarchicam* in Ecclesia Christiana regiminis formam defendebat Cardinalis Orsius *de Rom. Pontif. auctorit. lib. VII* cum Bellarmino *de Rom. Pontif. & Mamachio Orig. Eccles. lib. IV.*; verum sententia hæc non probatur. Gersonio *in Tract. de potestat. eccles.* Boisueti *in defens. declarat. Cler. Gallic lib. 13.* & plerisque recentioribus, quorum aliqui ita eam negant, ut nec aristocratico-monarchicam quidem regiminis formam admittant, *Christo-craticam* potius statuendam esse contendentes, utpote quia Christus ipse Spiritu suo Ecclesiæ præsens ipse eam regit, ipse cum ea ad con summationem usque seculi mansurus est.
- p) Per *Hierarchiam* enim ecclesiasticam seriem personarum intelligimus, quæ in Ecclesia aliæ aliis potestate quadam sacra, stabilique, omnibus fidelibus haud communi subordinate sunt: atqui talem personarum seriem in Ecclesia dari (*n. III. V. VI. h. §.*) demonstratum est. Hanc vero Hierarchiam aliam *jurisdictionis*, ordinis aliam, utramque aut divina, aut humana ordinatione constitutam esse, ex indole potestatis sacre aut a Deo, aut ab hominibus certis personis collata intelligitur. Conf. Concil. Trident. *Sess. 23. cap. 6.*

§. III.

JURIS, ET JURISPRUDENTIAE ECCLESIASTICAE INDOLES, PRINCIPIA, ADMINICULA.

I. Complexus illarum legum, quibus Ecclesia a Christo constituta seu Societas visibilis quoad forum praecipue externum dirigitur,

JUS ECCLESIASTICUM vocatur. q)

DIVIDITUR

- 1) in *naturale*, & *positivum*, hoc
 - a) in *divinum*, & *humanum*,
 - b) *scriptum*, & *traditum*.
- 2) in *privatum*, & *publicum*;
- 3) in *universale*, *particulare*, & *speciale*;
- 4) in *antiquum*, *novum*, *novissimum*. r)

q) Differt itaque a *Theologia morali*, quae Christiani hominis officia & leges fori maxime interni; & a *dogmatica*, quae regulam non tam agendorum, quam credendorum exhibet.

r) Conf. Stephanus a Rautenstrauch *Prolegom. Juris Eccles. §. 8 seq.*

II. Habitus leges ecclesiasticas ex suis principiis demonstrandi, interpretandi, ac rite ad casus obvenientes applicandi

JURISPRUDENTIA SACRA audit. s)

1) *Necessaria*

a) *Clericis* ad munia & jura sua dignoscenda; it)

b) &

- b) & laicis caussarum iudicibus ad lites decidendas. u)
- 2) Suo studio jam sat amoena,
 a) ob variam eruditionis gratiam,
 b) ob concinnio rem methodi ordinem. v)
- 3) Jurisprudentia ecclesiastica duabus absolvitur partibus *theoretica* una, *practica* altera; prima in sola cognitione legum consistit, atque adeo *Juris scientia* accepit nomen; altera leges cognitae factis & circumstantiis particularibus applicat, unde *Juris peritia* dicta est. Darjes. *Instit. Jurispr. univ. §. 3. edit. 6.*
- 4) Huc referuntur S. Canones Cap. 2 *dist. 36. C. 1. 4. 6. 7. dist. 28* Concil. Trident. *Sess. 25. C. 21* eadem *Sess. C. 8 16 Sess. 22 C. 1.* quibus omnibus Jurisprudentiae Eccles. studium Clericis commendatur.
- u) In primis quae circa jus patronatus, sponsalitium, decimas, & similia in foro etiam politico discutuntur. Conf. de Martini *de officiis eorum, qui gubernant Civit.*
- v) Van Espen *praefat. ad Tom. V. J. E. Zallwein J. E. Tom I quæst. I. cap. 3 §. 1.* Joseph. Anton. de Rigger *perorat. inaug. de amoenit. studii J. E.*

III. Inter Juris Ecclesiastici Principia numerantur x)

- 1) Jus naturæ; ubi cavendum
 a) ne Deus, aut vita futura negligatur;
 b) ne pro unica Juris hujus regula habeatur;
 c) ne contra legem Christi Ecclesiae applicetur. y)

x) Ne.

c) Necessitatem principiorum demonstrandi in Jurisprudencia ecclesiastica vel ipsa ejus dignitas (*n. preced.*) loquitur. Pro *criterio* eadem cognoscendi hæc præpositio adiungitur: omne illud, ex quo voluntas legislatorum Ecclesiæ cognosci potest, inter principia Jurisprudenciæ ecclesiasticæ est numerandum. Conf. Paul. a Rigger *cit. loc. §. 219. seq.*

γ) Quantum commodi jus naturæ servato hoc moderamine in evolvendis ecclesiasticis legibus adferre possit, erudite ostendit Idem *cit. loc. cap. IX.*

2) Scriptura sacra; 2) in qua

- a) Veteris T. leges tantum morales obligant;
- b) Novi T. præceptis a Christo latis itatui quidquam contrarium nequit;
- c) *Divinæ* tamen leges ab *Apostolico-humanis* probe discernendæ sunt; a)
- d) argumenta vero solida ex sensu maxime litterali, & rite probato petenda.

2) Conf. *diff. die geistlichen Geseze aus der heiligen Schrift hergeleitet. N. d. Franz. übersetzt von Gr. v. Auersberg. Augsb. 1773.*

e) Discrinen illud jam ab Apostolo traditum est I Cor. VII. 10. 12. Ephes. V. 31. atque ad id præmissis valet, ut, quænam leges mutationi, aut abolitioni obnoxia sint, quæ non, determinari possit.

3) Traditiones; inter quas

- a) *genuinæ a spuris,*
- b) *divinæ ab humanis* bene secerni, b)
- c) ac circa illas Ecclesiæ infallibilis judicium cumprimis adtendi debet. c)

b) *Characteres*, quibus traditionem divinam ab humana, genuinam a spuria discernere poteris, vid. apud P. Honoratum a S. Maria in *animadvers. in regulas, & usum cris. lib. 1. diss. III.*

c) Declarata per hoc Ecclesiae iudicium traditione quapiam ceu genuina omnis *questio facti* exulat. Zallwein *Princip. J. E. Tom. I q. II. cap. 3. §. 6.*

4) Scripta SS. Patrum; quorum

a) testimonia, si consentiant, certae veritatis criteria sunt; d)

b) singulorum vero aut paucorum auctoritas haud quidem temere abjicienda est, e)

c) semper tamen ad sobriae critices regulas examinanda. f)

d) Patrum enim chorus universus Ecclesiam *docentem* constituit, errante hac *discentem* quoque errare necessum erit; quod quia cum infallibilitatis privilegio Math. ult. Ecclesiae concessio conciliari nequit, asserendum est: testimonia Patrum consentientia veritatis signum esse.

e) Minime tum, quando de dogmate *practico* testantur Patres.

f) Praecipuas, ex supra citato P. Honorato a S. Maria, aliisque probatis Authoribus excerptas, refert Steph. a Rautenstrauch *cir. loc. §. 102.* Conf. Guilielmi Cave *prolegom. in hist. literar. Scriptor. eccles. Sect. IV. V.*

5) Canones Conciliorum; hic

a) Concilia *generalia* a *particularibus*,

b) decreta eorum *dogmatica* a *disciplinariis*,

c) *ra-*

c) *rationes, consilia* &c. ab ipsis Synodorum generalium *legibus* diversam sortiuntur auctoritatem. g)

g) Conf. Melchior Canus *de loc. theol. lib. V. Zech. Præcognita 3 E. Tit. IX.*

6) Ecclesiæ etiam dispersæ

Consensus; Conſuerudines, & Observantiæ;

Ille

a) parem habet cum Conciliis auctoritatem, h)

b) siquidem verum esse prius constiterit. i)

Hæ

a) divinis legibus haud contrariæ,

b) nec Ecclesiæ bono noxiæ esse debent.

h) Quis enim Ecclesiam ipsam veram, realem, & universalem, cuius modi est ea, quæ per orbem universum diffunditur, minoris fore auctoritatis dixerit, quam quoddam velut compendium totius Ecclesiæ, quale quidem est Concilium? Adde: quod nascentis Ecclesiæ seculis, quibus convenire in Synodum oecumenicam non licebat, solus Ecclesiæ consensus exortis tum hæresibus decretorie condemnandis sufficere existimaretur. Exemplarefert Eusebius *hist. eccles. lib. IV. cap. 7. lib. V. cap. 16*

i) Consensus omnium Ecclesiarum a consensu scholasticorum differt. Olim ex epistolis communicatoriis de Ecclesiæ consensu perfacile constare potuit; hodie ad libros symbolicos, Synodos nationales, provinciales, diœcesanas, nec non Catechismos publicos, ac Ritualia confugiendum est, ut, num verus sit, innotescat.

7) Summorum Pontificum decreta; *k)*
circa quæ adtendendum,

- a) ne ea, quæ ad juris divini interpretationem pertinent, cum disciplinaribus,
- b) aut causis singulares cum iis, quæ universam Ecclesiam spectant, æqua lance ponderentur;
- c) examinandum, an rite sint promulgata, aut recepta;
- d) aut an a singularibus quorundam juribus legitimis suo robore non destituantur.

k) Infra (*P. I. J. E. cap. I.*) potestas leges pro universa Ecclesia ferendi Rom. Pontifici vindicabitur; hic loci id notasse sufficiet: ab antiquissimis plane Ecclesiæ temporibus decreta Romanorum Pontificum inter Ecclesiæ leges numerata fuisse, ut id Collectiones Canonum vetustissimæ, de quibus mox sermo erit, abunde testantur.

8) Juris civilis, aut Principum Constitutiones, *l)* ubi videndum,

- a) an forum suum non excedant,
- b) quantum cum SS. Canonibus consentiant. *m)*

l) „Sicut leges non dedignantur sacros canones imitari, ita & sacrorum statuta canonum Principum constitutionibus adjuvantur. „ de nov. op. mun. c. 1. Quam verum id sit, ex Codice Theodosiano, Justiniano, Capitularibus Regum Francorum, nec non ex recentissimo Codice universali Prusæ non solum *P. II. Tit. XI. seq.* abunde liquet.

m) Horum omnium hætenus enumeratorum Jurisprudentiæ ecclesiasticæ Principiorum cognitio uberius commode ex *Prolegem. J. E. Steph.*
a Rau-

a Rautenstrauch hauriri poterit, utpote quorum explanatio integro cap. III. & IV. continetur. Adde Melchior. Cani *de locis Theol.* Zallwein *Princip. J. E. U. & part. Germ.*

IV. Adminicula Juris sacri proximiora sunt n)

- a) Historia *ecclesiastica* generatim:
- b) Historia *legum ecclesiasticarum*:
- c) Historia *Jurisprudentiæ sacræ litterariæ*:
- d) maxime vero sana in omnibus *Critica*.
- e) Imo Jus naturæ & civile, quæ inter juris sacri principia reposuimus, recte sub alia ratione ejus adminicula dicuntur. o)

n) *Adminiculorum* Juris ecclesiastici nomine veniunt ea, quæ nimirum legum ecclesiasticarum rationem sufficientem haud continent; at in cognitionem principiorum ducunt, eorumque usum expeditiorem & Juris ecclesiastici notitiam pleniorē reddunt, ac solidiorē.

- o) His adnumerant plerique *Geographiam sacram, & Chronologiam, Theologiam* etiam inprimis *dogmaticam*, quarum disciplinarum, uti & Historiæ, atque Critices in Jure ecclesiastico usum exposuit Paul. a Rigger *Inst. J. E. P. I. Sect. III. De necessario Jurisprudentiæ naturalis cum Ecclesiastica nexu, & illius in hac usu* egit Endres diss. singulari *cap. I § 19. seq.* Civile vero jus arētissimo cum Ecclesiastico nexu vel inde intelligitur: quod 1) eadem pene leges frequenter in utroque obveniant, aut varias in alterutro determinationes admittant; 2) eadem non raro materiæ, quæ fori sint alterius, pertractentur in altero; 3) quæ in uno jure desiderantur, repetantur ex altero.

§. IV.

IURIS SACRI COLLECCTIONES, HISTORIA
LITTERARIA, AUCTORITAS.

I. Primis tribus Ecclesiæ seculis nulla exstabat legum ecclesiasticarum Collectio; p) nam

a) Canones, ut dicuntur, Apostolorum,

b) et Constitutiones iisdem adscriptæ incassum tantorum Virorum nomina in fronte gerunt. q)

p) Imo præter scripturas divinas, & præcepta, quæ Apostoli pro re nata, eorumque Successores de ore ad os tradiderunt, perpaucas alias Ecclesiæ leges habuit. Quemadmodum enim ob insignem, qua Christiani tunc fervebant, caritatem lites inter eos exulabant: ita neque legibus multis opus habuit. eximia eorundem probitas, ad quas sancientes neque Synodi satis commode tum poterant convocari.

q) *Canones* vulgo dictos *Apostolicos* in Corp. J. C. *Novellis Leonis Imp.* adjectos legimus. *Constitutiones* Apostolorum ex Fronto Ducæi Commentar. Zonoræ in novissimam suam Conciliorum editionem transtulit Labeus *Tom. I.* Nec illorum, nec harum Apostolos auctores dici posse ostenderunt dudum viri omni ecclesiasticæ eruditionis genere ornatissimi Natal. Alexander *Hist. eccles. Sec. I. diss. 15. 18.* Joan. Doujat *prænot. J. E. lib. III. cap. II.* *Sec.*

II. Postmodum vero multiplicatis variis ex causis legibus occurrunt in Ecclesia Orientali

E a)

- a) *Consequentia Canonum*, post Concilium Constantinopolitanum I. circa annum 385.
- b) *Codex Canonum* universæ Ecclesiæ, post Concil. Chalcedon: anno 451.
- c) *Concordia Canonum*, ut creditur, a Joanne Scholastico adornata circa medium sec. VI.
- d) *Nomocanon* post annum 574, eidem auctori adtributus.
- e) *Nomocanon* Photii circa annum 883.
- f) *Synopses Canonum* Michaelis Pselli circa annum 1071. & Alexii Aristeni circa an. 1130.
- g) *Epitome Canonum* Simeonis Longothetæ circa medium sec. XII. r)

r) Argumentum, dispositionem, auctoritatem harum collectionum vid. apud mox laudatum Doujat. cit. loc. cap. III. — XI.

III. In Ecclesia vero Occidentali, quæ nos propius respicit, tres distinguimus Epochas, quarum celebriores adponimus Collectiones.

1) EPOCHÆ JURIS ANTIQUI CONTINET

- a) *Codicem Canonum* ante Concilium Chalcedonense, a græco diversum, cui & *Canones Sardicenses* insertos fuisse vix dubium est. r)
- b) *Collectionem Canonum* Dionisii Exigui sec. VI. t)
- c) *Synopses* sub variis inscriptionibus varias, scilicet Fulgentii Ferrandi, Marti-

ni Bracarenſis ſec. VI. Creſconii, Iſidori Hiſpalenſis ſec. VII. Hadriani, qui Codicem a ſe compilatum Ingilramno tradidiſſe perperam dicitur, ſec. VIII. a)

d) Iſidori Mercatoris ſeu Peccatoris *collectionem Conciliorum, & Decretalium* ſec. VIII. ad ſinem vergente, cujus ſpuriae merces magni primum habitae, nunc merito rejectae. o)

e) Tandem *Canonum libros*, quos meliori ſtudio compilarunt ſec. X. Regino Prumiensis Abbas; ſec. XI. Burchardus Wormatiensis, & Ivo Carnotensis Episcopi. x)

s) Cum ab Orientalibus pro aſſerenda Episcopo CP. prerogativa in Concilio Chalcedon. *act. 16.* lectus eſſet Canon III. Conſtantinopolit. Synodi, Lucentius Sedis Apoſtolicae Legatus dixit: *Canones huius Synodi in conſtitutionibus ſynodicis non habentur.* Unde conjiciunt, Lucentium habuiſſe codicem a graeco diverſum. Id quoque ex *epiſt. Innocentii ad Theophilum Alexandr.*, quae 21. numeratur in *Concilio Collect. Labeii*, eruitur. Auctus eſt poſtea Codex iſte Canonibus aliorum Conciliorum, ut conſtat ex edit. ejusdem Pariſiſan. 1675. per Paſchaſium Queſnellum ſub titulo *Appendicis ad opera S. Leonis M.* adornata.

r) Conſulatur Van Eſpen *diff. V. de Codice Dio-niſii.* m)

u) De his Synopſibus egit Doujat *loc. cit. cap. XVI. XVII. XVIII. XIX. XXI.* n)

v) Praecipua vero huius juris capita recenset Fleury *diſ. IV. in hiſt. Eccles. Spirituales notas indicat*

cat Steph. a Rautenstrauch *cit. loc. §, 27.*
e quibus tamen nihil prius contra Rom. Pon-
tificis auctoritatem inferri posse eleganter osten-
dit Baronius pluribus *Annal. eccles. locis,*
praesertim an. 165. n. 8, 9.

x) Reginonis opus reperitur in Conciliis Germa-
niae, quae Archiepiscopi Praegentis Joannis
Mauritii sumptu prodire. Tomo II. Bur-
chardum Reginone longe inferiorem se-
quutus est Ivo, paucis additis, & mutatis,
monet Anton. Augustinus in *Tract. de*
Collector. Canonum Cont. Doujat *loc. cit. cap.*
XXII. XXIII. XXVII. XXVIII.

2) Epocha Juris novi commune Ju-
ris Canonici Corpus completitur,
cujus partes sunt

a) *Decretum* Gratiani in tres partes distri-
butum an. 1151.

b) *Decretales* opera S. Raymundi de Pen-
nasfort jussu Gregorii IX. congestae,
ac V. libris distinctae an. 1230.

c) *Decretalium liber VI.* auctore Bonifacio
VIII. an. 1298.

d) *Clementinae* a Clemente V. concinnatae,
& a Joanne XXII. publicatae an. 1317.

e) *Extravagantes* Joannis XXII. circa an.
1340.

f) *Extravagantes Communes*, ubi plurium a
Clemente V. usque ad Sixtum IV.
Pontificum Constitutiones adducuntur,
collectae circa an. 1484. y)

3) Recentioribus Corporis J. Can. editionibus adjun-
gitur *lib. VII. Decretal.* seu Canones sub finem

sec. XVI. privata opera a Petro Mathæzi Jurisconsulto Lugdunensi collecti; item Pauli Lancelotti *Institutiones Juris Canonici*, compendium nempe ad imitationem Juris Civ. adornatum; verum neuter auctoritatem publicam obtinuit. De prioribus Juris novi partibus, uniuscujusque partis auctore, tempore, ordine, auctoritate accuratissime disseruit Doujat *lib. IV. cap. I. usque XXV.*

3) Ad Epocham Juris sacri novissimi pertinent

- a) *Decreta Conciliorum* a sec. XV. celebratorum, maxime Tridentini; 2)
- b) *Bullæ Pontificiæ*, quarum ingentem numerum Bullarium magnum suppeditat. a)
- c) Denique *Curiae Romanae Tribunalium*, & variarum *Congregationum* decisiones, & declarationes. b)
- a) De iis Conciliis hic imprimis sermonem esse, quorum auctoritas extra omne dubium est, sponte sua intelligitur; Talia vero sunt *Constantiense, Florentinum, Lateranense V.* Legi de iis inter ceteros meretur Natalis Alexand. *Hist. eccles. sec. XV. Conf. vero Biner Thesaur. eruditionis P. III.*
- a) Amplissimam *Bullarum Collectionem* orsus est Antonius Carafa Cardinalis, qui epistolas Pontificum a Clemente I. usque ad Gregorium VII. collegit. Hanc locupletavit dein epistolis Pontificum usque ad Innocentium III. adjectis notis criticis, & dissertationibus Petrus Constantius Parisius an. 1721. Primus sub *Bullarii* nomine in unum Corpus omnes Pontificum constitutiones cogere voluit Laep.

Laertius Cherubinus, quod opus ad Pauli III. tempora pertexuit; filius vero ejus Angelus Maria Laertius usque ad Urbani VIII. Pontificatum produxit. Continuarunt illud usque ad Clementem X. & annum 1672. Angelus a Latusca & Joan. Paul. a Roma. Novissime magnum Bullarium Romanum Luxemburgi seu Genevæ an. 1771. prodit, ejusque continuatio, constitutiones Pontificum a Leone M. ad hujus usque seculi medium & ultro in se se complectens.

- b) *Curia Romana* Senatum Summi Pontificis denotat, in quo causæ ad sedem Papalem delatæ expediuntur. Dividitur in plura *Tribunalia*, & *Congregationes*: ad illa pertinent 1) *Consistorium*, 2) *Cancellaria*, 3) *Dataria*, 4) *Poenitentiaria*, 5) *Signatura*, a) *Justitia*, b) *Gratia*, 6) *Rota Romana*; ad has vero. 1) *Congregatio S. Officii*, 2) *Indicis*, 3) *super negotiis Episcoporum*, & *Regularium*, 4) *Rituum*, 5) *immunitatis Ecclesiæ*, 6) *examinis episcoporum*. 7) *Cardinalium Concilii Tridenti: Interpretum*, alique plures, quas Cardinal: de Luca in *Relat. Curiae Rom.* Haunold Pletenberg notit. congregat: & *tribunal. Curiae Rom.* Jacob Cohelius de not. Cardinal. fusius describere.

IV. Historia litteraria Jurisprudentiæ tribus Periodis absolvitur;

- 1^{ma}) undecim prima secula complectitur: hic
- a) scientia ista simplicitate ac puritate sua se facillimam præbuit; c)
 - b) paulo difficilior facta, cum seculo VI. & deinceps varia scripta, *Pannormia*, *Synopses*, *Nomocanones* prodirent; d)

2^{dum})

2^{dam}) a seculo XII. computamus: tum

- a) Jurisprudentia sacra præcipue Bononiæ studium academicum evaluit; e)
- b) Sed per methodum sophisticam a *Decretistis*, & *Decretalistis* glossis ac tractatibus involutum potius, quam excultum. f)

3^{am}) a seculo XVI. ordimur, cum

- a) adhibitis scientiis subsidiariis & Critica juris Canonici notitia a Gallis & Germanis exculsa; g)
- b) ac nostro demum ævo ad insignem etiam non supremam perfectionis gradum evecta est. h)
- c) Paucissimæ enim tum dabantur leges (*preced. n. I.*) omneque studium J. E. forte in condiscendis canonibus ordine fere chronologico congestis acquievit.
- d) *Pannormia* canones, ut ajunt, in extenso, *Synopses* summam, sensumque illorum, *Nomocanones* ecclesiasticas leges una cum civilibus complectebantur in titulos pro argumenti diversitate distributas, adscitis in Oriente sententiis Patrum, in Occidente vero Romanorum Pontificum decretalibus. Hæc coordinatio sæpe operosa artis formam Jurisprudentiæ ecclesiasticæ dederat; inde vero est, quod hujus disciplinæ ortum quidam ad seculum VI. revocent. Conf. Nettelblad: *Int. Hist. litte Jurid.* §. 228.
- e) Confirmato nimirum in usum scholarum Decreto Gratiani per Eugenium III, ac ipso Gratiano cum Reynero Bellapeccora Canonum Professoribus constitutis, qui ad normam juris Cæsarei Jus Eccles. docebant, hancque metho-

methodum per discipulos suos in alias terras diffundebant. *Nettelbladt cit. loc. §. 241.*

f) *Decretista* Gratiani Decreto, *Decretalista* Pontificum Decretalibus dabant operam. Adversarios nati sunt *Legistas* Juri civili contra Canonicum extollendo totos intentos. Inde disputationes subtiles, innumera Glossæ & tractatus methodo scholastica problematica exarati omnem Jurisprudentiam fecerunt arbitrariam. Conf. *Pleury diff. V in hist. eccles.*

g) Hac periodo enati sunt *Humanista*, *Realista*, *Reconcinnatores* legum, & *Methodica*, quorum singuli suis studiis plurimum ad excolendum Jus eccles. contulerunt. Correctum præterea est Decretum auctoritate publica; imo & universum Jus per sapientissima Concilii Tridentini statuta, Jurisque naturalis præcepta, quæ reviviscente litterarum elegantiorum cultu liquidiores in lucem proferri cæperunt, reformatum. His factis sane velut porta aperiabatur, qua in viam sibi monstratam & Galli & Germani, quorum præcipuos recenset Doujat cit. loc. lib. V., feliciter excurrerant.

h) Testantur id opera fere innumera in catalogis libr. & Ephemeridibus litterariis reperiunda. Conf. Ernest. Christiani Westphal *Systematische Anleitung zur Kenntniß der besten Bücher in der Rechtsgelahrtheit.* Leipzig 1774.

V. De usu & auctoritate Juris canonici sequentia statuimus:

1) Corpus Juris canonici

a) auctoritatem suam maxime *receptioni* debet; d)

b) præsertim in Germania nostra, ubi per publicas Imperii Constitutiones ita firmatum

tum est, ut saltem per *aversionem* vim legis communis habeat. *k)*

- c) Nihilominus illi Jus publicum universale, & particulare, Leges ac consuetudines patriæ in negotiis tam publicis, quam privatis præferantur. *l)*

- i) Id de Grariani Decreto valere solummodo asserunt plures, Decretalibus ipsis potiore auctoritatem ex lege nimirum Gregorii IX Pontificis promanantem, vindicantes. Inter hos referuntur Petr. de Marca *lib. III. de Concord. Sacerd. & Imper. cap. 6.* Anton. Augustini: *de Grariani Decreto in epist. Can. poenit: præmissa.* Conf Doujat *cit. loc. lib. IV. cap. 14. 24.* In paulo aliam abiit sententiam Maur. Schenkl *J. E. Syntagma Tom I §. 126* Pehem *J. E. univ. P. I §. 1053.* singularum Corporis E. J. partium auctoritatem singillatim examinant.

- k) Uti an, 1235. a Friedr. II Imp. per *Constit. Moguntinam* apud Senkenberg *Corp. Recess. P. I. Goldast. Reichssagung P. II. cap. 15.* Huc speculi Suevici verba pertinent: *Aus den zweyen Büchern (Decret und Decretalen) nimmt man alle die Rechte der geistlichen und weltlichen Gerichtebedarf. Corp. Jur. Germ. Senkenberg Tom. II. lib. I. cap. 5. item Recess. Spirens. 1529. Ordinatio demum Consilii imper. aul. Tit. VIII. §. 24.*

- l) Conf Mapr. Schenkl *cit. loc. §. 130 131.* Quid vero de auctoritate juris novissimi statuendum sit, vid. Horix *tract. de font. J. Can. §. 42. seq.* Van Espen *diff. in lib. 6. decret. §. 3. 4* item *Jur. Eccles. univ. P. I. tit. XXII. cap. V. Zallwein Tom. II. Q. III. cap. 3. §. 7.*

2) In concursu Juris Civilis Rom. cum Jure Canonico

- a) sæpe in *obscuris* causis unum ex altero sup-
plendum; (§. III. n. III. 8 not. l.)
- b) in causis *mixtis* utrumque in foro suo de-
cidit, aut punit; vel saltem *amice* utraque
potestas componenda; (§. II. n. IV. lit. b.)
- c) in *Collisione* autem aperta Civile Canonico
verisimilius cedit. m)

m) Conf. Endres *diff. politicocanonica de diverso. Ju-
ris Germ. ad Jus Rom. & Can. habitu* §. 14.
Floerke *de prærogativa Jur. can. præ Justinia-
neo. Halæ 1757.*

3) Bullæ vero Pontificum, Decreta Cu-
riæ, aut aliorum Romæ Tribunali-
um legem universalem tunc solum consti-
tuunt; si

- a) *generalia* sint, *non particularia*
- b) locorum juribus particularibus *non in-
festa*,
- c) ac rite insuper *promulgata*. n)

n) De hac Juris novissimi parte, ejus usu, ac authoritate
consultantur supra laudati Van Espen *J. E.
U. P. I. tit. XXI. seq.* Zallwein *loc. cit. cap.
III. seq.*

§. V.

SPECIES LEGUM ECCLESIASTICARUM.

I. Lex Ecclesiæ generatim est propo-
sio obligationem ab Ecclesiæ Imperantibus fa-
ctam

etiam enuntians. Agimus vero hic de legibus Ecclesiastico-humanis.

1) Materia legis ex ipso fine sunt

- a) actiones cum salute *spirituali* connexæ;
- b) adeoque etiam *internæ*. o)

o) Præter argumenta ex scopo Ecclesie (s. I. n. V.) sponte sua promanantia vid. alia Math. XVI. 19. II. Cor. X. 5. Conf. Theol. dogmat. de Leg.

2) Requisita:

- a) ut feratur a *legitima* potestate sacra,
- b) ad communem Ecclesie *utilitatem*,
- c) et *authentice* moraliter omnibus promulgetur. p)

p) Hac de re plura occurrunt apud Van Espen in Tract. de promulgat. legis P. I. cap. II. III. Gibert Corp. J. C. proleg. P. I. tit IX. Petr. de Marca cit loc. lib. II. cap. 15 Conf. vero Vit. Piehler, Schmier, Zech, qui promulgatam Romæ legem ubique obligare, si clausula, ut statim obliget, adjecta fuerit, defendunt, sed adde Maur. Schenkl s. 207. cit. loc.

3) Effectus:

- a) *Obligatio* sub gravi vel levi reatu pro ratione objecti, finis, aut adjunctorum legis; q)
- b) *Irritatio actus*, si contra legem prohibentem præsumatur, non tamen in omni ca-

su. r)

hæretici qui adhibent

c) Poena

c) *Pœna*, ubi inter illam, quæ *latæ*, & eam, quæ *ferendæ* primum sententiæ dicitur, distinguendum. s)

q) ad Rom. XIII. 5. Num itaque leges *mere poenales* in Ecclesia dari queant, dubitant plures egregiæ famæ Doctores. Conf. Schrott *Tit. de Constit. in Inst. J. C.*

r) Id, quod prohibetur, salva lege esse impossibile, atque adeo valere non posse, ipsa ratio sana dicat; confirmat istud 1) *Jus civ. lib. V Cod de leg. his verbis: nullum contractum inter eos videri volumus subsequutum, qui contrahunt, lege contrahere prohibente.* — Ea, quæ lege fieri prohibentur, si fuerint facta, non solum inutilia, sed pro infectis etiam habeantur: licet legislator fieri prohibuerit tantum, nec specialiter dixerit, inutile esse debere, quid factum est. 2) *Jus can. quod C. 13. caus. XXV q. 2. ad imperialem legem provocat, & C. 64 de reg. Jur. in 6. ita habet: quæ contra jus sunt, debent utique pro infectis haberi.* Casus exceptos vid. apud Schrott loc. cit.

s) De discrimine hocce consulatur idem cit. Schrott *Tit. de const. §. 145.*

4) Cessat vero lex

a) *ex toto*, & *respectu omnium*, cessante fine, per abrogationem, revocationem, vel legem contrariam;

b) *ex parte*, per derogationem;

c) *intuitu aliquorum*, per dispensationem. t)

r) Leges, quibus potestas dispensandi coarctatur vid. in Conc. Trident. *Sess. XXV cap. 18. de reform.* Conf. Thomaslin. *de vet. & nov. Eccles. discipl. P. II. lib. III. cap. 24. § 20. Gerson. de reform. Eccles. in Conc. univ. cap. 17.*

II. Rescriptum vocatur solemnis epistola, qua primarius quidam Ecclesiae Rector, imprimis Rom. Pontifex de jure respondet, aut gratiam indulget; unde alia sunt.

- a) Rescripta *justitiae*
- b) alia *gratiae*
- c) alia *mixta*.

r) Requisita:

- a) *absentia* omnis doli in petente,
- b) consuetæ *solemnitates*, & characteres inscriptionis, stili, sigilli &c.
- c) nil contra *jus tertii* quæsitum, aut utilitatem publicam contineant;
- d) & a personis *legitimis* petantur.

2) Effectus.

- a) intuitu *impetrantis* jus saltem *particulare* faciunt.
- b) Rescripta *gratiae* a die *datae*; *justitiae*, a die *præsentatae* valorem sortiuntur:
- c) *posteriora* communiter *prioribus*,
- d) et *specialia* *generalibus* derogant;
- e) quæ vero obiter tantum in iis continentur, jus novum non pariunt.

3) Exspirant

- a) *renuntiatione* licita impetrantis,
- b) *revocatione* concedentis,
- c) *morte* concedentis, impetrantis, personæ, cui exequutio nominatim demandata, aut illius,

illius, contra quem Rescriptum iustitiæ impetratum est, *re adhuc integra.* u)

- u) Conf. Maur. Schenkl *cit. loc. §. 138. seq.* aut qui prolixius hac de re disseruit Engel *Colleg. Jur. Can. de Rescriptis.*

III. Privilegium Jus est singulare permanens, contra Jus commune a Superiore ecclesiastico certæ personæ physicæ vel morali concessum.

DIVIDITUR

- a) in *reale.*
- b) *personale,*
- c) *gratiosum,*
- d) *remuneratorium,*
- e) et *onerosum seu conventionale,*

1) Requisita:

- a) ut a potestate *legitima,*
- b) salvo *bono communi,* & aliorum jure detur,
- b) *nec latius,* quam mens aut verba poscunt, extendatur

2) Effectus:

- a) *ex parte accipientis* jus utendi privilegio;
- b) *ex parte aliorum* obligatio usum non impediendi:
- c) Privilegio tamen loco affixo uti extra eum locum non licet.

3) Cessat

- a) *re aut persona*, cui inhæret *extincta*;
- b) *renuntiatione* licita expressa vel tacita;
- c) Superiore iuste, & specialiter *revocante*;
- d) *accessorium* sublato *principali*. v)

v) Vid. Maur. Schenkl *cit. loc. §. 147 seq.*

IV. *Consuetudo* dicitur *Jus diuturnis populi fidelis moribus*, accedente quodam *potestatis ecclesiasticæ consensu*, introductum.

1) *Requisita*:

- a) *numerus actuum plurium*, ex prudentium tamen *judicio*, & adjunctis determinandus; x)
- b) *animus se se obligandi*;
- c) *tempus saltem decem annorum* *inscio legislatores*, *consensio vero etiam brevius*;
- d) *consensus potestatis legislativæ saltem legalis*;
- e) *conformitas cum recta ratione, justitia, & publica utilitate*. y)

x) Actus hi non *presumi*, sed *probari* debent; de modo eos probandi leg. *Gibert Corp. J. Can. proleg. P. postea Tit. XL. punct. 4.*

y) *Exempla consuetudinum* hac *dote destitutarum*, atque ideo per *Canones reprobatarum* vid. apud *Schrott loc. cit. §. 250.*

2) *Effectus*:

a) *vis legalis*; unde

b) *legem*

b) legem existentem vel authentice *interpretatur*,

c) vel *abrogat*,

d) vel *derogat* eidem. 2)

z) Hinc consequitur consuetudinem posse esse 1) *secundum legem*, 2) *præter legem*, 3) *contra legem*. Vid. Casp. Barthel in annot. ad univers. Jus Can. Tit. de consuetud. n. 18-

3) Cessat

a) posita *lege posteriore*,

b) vel consuetudine *contraria*;

c) si tamen consuetudo sit *particularis*, aut *immemorialis*, per clausulam generalem consuetudines abrogantem non tollitur. d)

a) C. I. de constit. in 6. Reiffenstuel Jus can. lib. I. Decretal. Tom. IV. § 8. n. 188. seq.

V. Observantia strictius accepta est Jus tacito, quorum interest, consensu per facta introductum. b)

Differt a Consuetudine:

a) quod hæc consensu etiam *mere legali* legislatoriae potestatis, illa consensu *saltem tacito* partium coalescat;

b) quod consuetudo *plures*, observantia *pau- ciores*, imo *unicum* quandoque actum requi- rat;

c) quod illa in *privatis* maxime, hæc in *publicis* plurimum negotiis vigeat. c)

b) C. I. de constit. in 6.

C 3

c) Usus

- c) Usus observantiae testantur in S. Rom. Imperio plures Recessus, in Ecclesia canones antiquissimi, ut can. 6 7. Concilli Nicani I. Ceterum cum abusus, ait Auctor *Princ. J. publ. eccles. Catholic. cap. 10. §. 20*, non raro sese occultat sub imagine observantiae, hancque imitetur, ut superstitio religionem: in praxi difficile est, a laudabili observantia discernere abusus, quibus paulatim infici posse disciplinam Ecclesiae nimis pro dolor! compertum est.

CAPUT II.

PRÆCOGNITA JURIS ECCLESIASTICI PARTICULARIS GERMANIÆ.

De institutione Juris § I. *De institutione Juris* PRINCIPIA, ADMINICULA, HISTORIA, COL- LECTIONES JURIS SACRI GERMA- NIÆ.

I. Complexus Jurium, ac praerogatarum singularium, quibus Ecclesia Germaniae ceu legibus, praeter communes universae Ecclesiae proprias, utitur, d)

Jus Ecclesiasticum particulare
Germaniae audit,

Ejus Principia sunt

a) Cano-

- a) Canones & consuetudines Ecclesiarum Germaniæ:
- b) Pontificum Decreta:
- c) Constitutiones imperiales ad statum Germanicæ Ecclesiæ spectantes:
- d) Pacta inter sedem Romanam, & Germanicam nationem:
- e) Conventiones & Pacificationes inter Status R. I. Catholicos, & A catholicos. e)
- d) De libertatibus Ecclesiæ Germ. leg. Zallwein Princip. J. E. Tom IV. q. 3. cap. 3 Jo. Schilter. *de libertatibus Ecclesiæ Germaniæ.*
- e) Ex his fontibus Canones eos se hausisse fatetur Dominicus Schramm, quos in *Epitome Can. Eccl. Augustæ Vindelicæ*, an 1774 edita, ac ordine Alphabeti secundum materias distincta exhibet, quique non sine fructu ante oculos versantur Adolescentibus Juris Eccl. Germ. studiofis.

II. Hæc vero ut solide perspiciantur, Adjumenta quædam scientiarum necessaria sunt, inter quæ præcipue computamus

- a) Historiam Germaniæ sacram æque ac profanam. f)
- b) Historiam legum, ac Canonum Germaniæ ecclesiasticorum. g)
- c) Jus publicum imperiale. h)
- f) In hac plurimum attendenda sunt 1) antiqua hodiernaque tum ecclesiastica tum politica Germaniæ divisio; 2) fidei Christianæ in Germania ortus, & progressus; 3) præcipuorum Episcopatu

tuum origo, & ordo hierarchicus; 4) Imperii Rom. Germ. insignes epochæ.

g) Ad Legislatores ipsos, ad causas, scopum, mutationes legum hic imprimis respiciendum esse nemo non videt.

h) Quale e. g. scripsit Jo. Jac. Mascovius sub tit. *Principia Juris publ. Imperii Rom: Germanici Vindobonæ 1768*, & e recentioribus plures.

III. Ad historicam Juris Germaniæ ecclesiastici notitiam pertinent præprimis.

1) Concilia Germaniæ quæ

a) jam a seculo IV. tuto computare licet, i)

b) & usque ad seculum XII. sæpius sunt celebrata; k)

c) observato tamen plerumque modo quodam singulari, cum negotia *ecclesiastica* ab Episcopis, & Abbatibus, *politica* a Comitibus *seorsim* quidem disquisita, *unitis* tamen postmodum *consiliis* decernerentur. l)

i) Quibusdam illud *primum Germaniæ concilium* esse videtur, quod S. Bonifacius an. 742 Ratisbonæ coegit. Conf. Biner *Thesaur. erudit. P. IV. pag. 271*; alii inter quos Doujat *cit. loc. lib. II. cap. 17*, concilia primum a Ludovici Germanici tempore Germanis concedunt; verum antiquiora ad Germaniam æque, atque ad Galliam ob intimam earum conjunctionem, imo aliqua, uti Trevirensia duo an. 386 ad solam Germaniam pertinuisse dubium non est. Vid. Harzheim *Concil. Germania.*

k) Conf. *cit. Biner loc. cit. P. IV. V. Harzheim cit. loc. Doujat. cit. loc.*

l) *Præfat*

1) *Prefat: Concil. Moguntini an. 813. inter Concil. Germ. Tom I. – Comment. de finibus utriusque potestatis cap. 10. pag. 142. Imo Episcopos atque Abbates seu ut regni Proceres, seu ut aequitatis laude, & multa experientia praestantes rerum arbitros ad comitia etiam mere politica fuisse vocatos ostendit Thomassin. P. III. lib. III. cap. 23. n. 1. cit. loc*

2) Capitularia Regum Francorum, seu Sanctiones in Comitibus sub Regibus Francis communi Episcoporum, Procerumque consensu editae. Haec

a) *Ansegisus* Abbas primum an. 827 collegit;
b) *Benedictus Levita* Moguntinus sub Carolo Calvo adauxit; m)

c) absolutissimam vero eorum editionem *Stephanus Baluzius* an. 1677 procuravit;

d) tenueruntque praecipuam quamdam ad seculum usque XII. auctoritatem. n)

m) Nimirum ad IV. Ansegisi libros tribus aliis circa an. 845 jussu *Autgarii* Archiepiscopi adjectis, quibus postea quatuor appendices incerto auctore accesserunt.

n) Tenentque hodieum, quod 1) non paucas veteris disciplinae servant reliquias, 2) praecellentes Reipublicae & Ecclesiae regendi normam praebent 3) integerrimas, quibus utriusque potestatis limites determinantur, regulas ministrant. *Zallwein loc. cit. Tom. III. q. 1. cap. 6. § 5.*

3) Regum & Imperatorum constitutiones, quarum

C 3 a) Clas-

a) Classis I. a Conrado I. usque ad Carolum IV. præter alias celebrem *Constitutionem* Friderici II. an. 1213 Aegræ *de ecclesiastica libertate*, & aliam Francofurti an. 1220 *de Juribus Principum Ecclesiasticorum* datam, o)

b) Classis II. a Carolo IV. usque ad Carolum V. *Bullam auream* p) an. 1356. Norimbergæ per Carolum IV. conditam, variosque Imperii Recessus, q)

c) Classis III. abhinc ad nostra usque tempora *Capitulationes Cæsareas* r) Conclufa Imperii comitialia, & Pacificationes completitur.

o) Inveniuntur apud Gudenum *Cod. diplom: Gættingæ 1743. Tom. I.*

p) *Bulla* hæc ab appento aureo sigillo aurea dicta quoad VII. etiam posteriora capita *authentica*, & *lex Imperii fundamentalis* ea, quæ Electionem, & Coronationem Imperatoris, Jura Electorum, Ordinem Curiae imperialis, & Officia Palatina concernunt, determinat. Mutari quidem, ut quævis lex publica, sed siquidem commune Imperii bonum subversetur, non nisi accedente Statutum *consensu* poterit. Conf. Brunnemanni *dissert: de mutatione B. A.*

q) Amplissima *Recessuum Imperii Collectio* in lucem edita est *Francofurti ad Mœnum an. 1747.*

r) Cæsar in capitulatione ante coronationis Solemnia ad certum administrandi Imperii modum jurejurando adstringitur. Puncta ejusdem a tempore Caroli V. unde hodiernus capitulandi modus suum duxit initium, usque ad Rudolphum II. soli *Electores* nemine contradicente confecere: at tunc ad jura sua tuenda excitati Principes

Principes tum in electione Mathiæ, tum in consultationibus Pacis Westphaliæ acriter insistere, ut Capitulatio omnium Imperii Ordinum consensu conficeretur. Sed re adhuc indecisa suam & hodieum urgent causam ad P. W. Art. VIII. §. 2 & 3. provocantes. Conf. Mascov. *Princip. Juris publ. Imperii Rom: Germanici, lib. I. cap. 4.*

IV. Ad Collectiones Juris sacri Germaniæ reducuntur

- a) illæ *Reginonis, Burchardi, & Ivonis*, utpote qui ex principiis Iuris Germaniæ Ecclesiastici plurima hauserunt. (vid. Cap. I. §. IV. n. III. lit. e, not. x) s)
- b) *Codices Canonum recentiorum Schannati, Harzheimii &c.*
- c) *Senkenbergii Corp. Recept. Imp. & Goldasti*, in pluribus tamen suspecti, Collectio Confut. Imperial. t)
- d) Corpora Juris publici *Schmausii, Waizeneggeri, Pauli de Rigger &c.*
- e) Huc *Epitome Schrammii* referri potest, cujus n. I. not. e. meminimus.
- f) Fidem ejus non modo Catholici accusant, verum etiam e Protestantibus Vitriarius. *Proem. ad Instit. I. P. n. 19, Moser Comp. I. P. cap. III. § 5.*

§ II.

PACTA NATIONIS GERMANICÆ CUM SE-
DE ROMANA.I. Occasiones & Causæ Pacto-
rum.1) Electiones Pontificum & Episco-
porum; hæ

a) Seculo II. a vicinis Episcopis & viduatæ Ecclesiæ Clero ad *desideria*, aut quandoque etiam *suffragia* populi, stante tamen *supremo* penes Episcopos *judicio* peractæ sunt.

b) Seculo IV. & V. major circa illas *Principum*, ac præcipue *Imperatorum* beneplacito honor habebatur.

c) Seculo VI. *Gothorum Reges* Romanorum Pontificum sæpius *Nominationem*, vel saltem *Confirmationem* sibi arrogabant; inde Iustinianus Imperator, ejusque Successores usque ad Constantinum *Pogonatum*, & postea *Exarchi Ravennatenes* Jus *confirmandi* Pontificis ad se pertraxerunt, salva adhuc plerumque in reliquorum Episcoporum electionibus libertate.

d) Seculis VIII. IX. & X. Electio Papæ a Clero & populo *libere*, Consecratio vero communiter non nisi præsentibus Legatis Cæsareis peragi poterat, Episcopis in Gallia, & Germania jam ad populi & Cleri *desideria*, jam ad Episcoporum, & Proce-
rum

rum *consilia*, jam ad solam etiam *Regiam Nominationem* ordinatis. u)

a) exponuntur hæc accuratius in *hist. eccles*: hic loci consuli possunt Thomassin: *cit. loc. P. II lib. II. cap. 6.* Van Espen *P. I. tit. XIII. cap. 6.* Petr. de Marca *cit. loc. lib. VIII. cap. u.*

2) Investituræ: harum usus

a) ob *Feuda*, & *Regalia* Episcopis Germaniæ concessa ab Imperatoribus innocue primum per *baculum* & *annulum* frequentatus; v)

b) Sed Seculo XI. per Henricum IV. infulas passim venundantem, & indignos obtrudentem Pastores in Ecclesiæ cedens detrimentum, anathematis a Gregorio VII. lati & a successoribus confirmati causa fuit. x)

c) Inde gravissima Sacerdotium inter & Imperium dissidia, nec *Sutrii* an. 1110, nec *Romæ* an. 1111. composita. y)

d) Sed *Wormatiæ* primum an. 1122. pacto inter Calixtum II. & Henricum V. firmato ad tempus sublata sunt. z)

v) *Investitura* actus est immisionis vasalli in feudi, aut beneficiati in beneficii possessionem ahibitis variis symbolis, & ritibus. Circa jus Principum Prælatos Ecclesiæ investendi quam discordes olim fuerint sententiæ, colligitur ex *Goffridi Vindocinensis Tract. de investit.* apud *Fleury hist. eccles. lib. 67. § 26.*

x) Decretum Gregorii contra Henricum confirmarunt Victor III. in Synod. *Benevent.* 1087. Urbanus

banus II. in Concil. *Claramont.* an. 1095. Pa-
schalis II. in *Trecensi* an. 1107.

3) Conf. Baronii *Annal.* ad an. 1100. III.

2) Documenta huc spectantia inveniuntur in *Chron.*
Urspergenfi pag. 280. seq.

3) Jura Regaliæ, & spoli: horum prætensio

- a) præfati Concordati felices effectus turba-
verat, cum Principes *Regaliæ* titulo aperti
feudi fructus, ipsamque beneficiorum sæ-
pe provisionem ceu fructuum partem;
- b) titulo vero *spolii* mobilia vacantium Ec-
clesiarum, & decedentium Clericorum
bona sibi reservarent;
- c) sed his demum malis magnanima Otto-
nis IV. Friderici II. & Rudolphi
I. renunciatio medelam tulit. a)

a) Qui Imperatores nimirum Capitulationibus a Ponti-
fice ante coronationis solennia sibi propositis sub-
scribere, aut novis constitutionibus editis Ec-
clesiæ libertati, quantum decebat, consulere.
Conf. *ſp præced. n III. 3. lit. a.* Raynaldi *Annal.*
Baronii continuat. ad an. 1274.

4) Reservationes Pontificiæ, Annatæ, Appellationes ad Curiam Romanam.

- a) Episcoporum jus conferendi beneficia a
duodecim seculis illæsum per *preces* pri-
mum, mox per *mandata*, & *minas* invalere
Pontifices, cum sec. XIII, & XIV. præci-
pue; Clemens IV. Joannes XXII. &
Bene-

Benedictus XII. reservationem beneficiorumurgerent per *Regulas Cancellariæ* latius semper extensam. *b)*

b) Accellit & *Annatarum* exactio, cum non servato moderamine *primi* anni fructus de vacantibus beneficiis Joannes XXII. ad *triennium*, Bonifacius IX. vero eorum partem *dimidiam*, de beneficiis etiam *majoribus* in *perpetuum* Sedi suæ appropriarent:

c) *de beneficiis in perpetuum appropriatis.*

c) cumque insuper Curia Romana quascunque *Appellationes* non servatis consuetis instantiis admitteret, graves ob hæc omnia notæ sunt a Germanis querelæ, *d)*

d) propositæ quidem in Conciliis *Constantensi* & *Basileensi*, sed exorto novo schismate non sopitæ. *e)*

e) donec Germania, diu nec Felicis V. nec Eugenii IV. professæ partes *Francofordiæ* tandem an. 1446. Concordata cum Eugenio iniit, paulo post ab eo confirmata, *f)*

f) anno vero 1448 dato prius *Aschaffenburgi* Principum consensu, *Viennæ* a Friderici III, & Nicolai V. Legatis in aliquibus tantum immutata, & nova Pontificis confirmatione munita. *f)*

b) Conf. Gerson *Traict de reform:* cap. 23. Paul. a Rigger. *cit. loc.* § 371.

c) Thomassin: *P. III. lib. II. cap. 58.* Natal. Alexander *diff. IX. ad sec. XV. art. I. § 8.*

d) Fleury *inft. I. E. P. III. cap. 23. & diff. VI. ad hist. eccles.* Van Elpen *I. E. U. P. III. tit. X. cap. I.*

e) in

e) in Concilio *Constantiensi* aliquid actum est, quo Romani Pontifices querelis Germanorum satisfacerent: nempe Martinus V. *Concordata* ad *quinquennium* duratura concessit, quibus decernitur 1) exceptis reservationibus Juris scripti *libera* Episcoporum & Abbatum *electio*; 2) in reliquis beneficiis *alternatim* Pontificis, & Ordinariorum *collatio*, capitulorum dignitatibus Ordinario reservatis; 3) promittitur *annatarum* disquisitio, & *modificatio* Conf. Van der Hardt *acta* Concil. *Constantiens.* Ita quoque in Concilio *Basileensi* anno 1431. Patres *Sess. XXII. XXIII.* reservationes antiquas, exceptis, quæ Corpore Juris clausæ, & expectativas abolent, reservationes novas prohibent, annatas expungendas decernunt compensandas redditu alio; sed Imperator utenque transigere cum Pontifice maluit. Henr: Linckius de *Concord Germ Nationis.*

f) Vid. hæc concordata apud Goldastum in *Constit. imperial. Tom. I. p. 207.* Add. *Observationes historico-juridicæ in Concordata nationis Germanicæ cum sede Romana 1771.*

II. Concordatum Calixtinum.

1) Ejus tenor:

- a) *Electiones* in præsentia Imperatoris aut ejus Legati absque Simonia aut violentia peragenda.
- b) Exorta lite Metropolitanæ & Provincialium consilio, vel sanioris partis judicio assensus & auxilium a Cæsare præbendum.
- c) *Regalia* per *Sceptrum*, dimissa illa per baculum, & anulum investitura, accipienda.

d) Pro-

d) Promissa a Cæsare priscæ in Electionibus libertatis, & bonorum durante dissidio ablatorum *restitutio*. g)

g) Recol *h* § n. I. 2 lit. d. not. 2. Conf. Biner *Thesaur. erud. P. III cap. 3. pag. 134 seq.*

2) Ejus valor:

Obtinetrobur ac vim *licitæ*, *validæque* Transactionis ac Legis Sacerdotium & Imperium obligantis, cum

a) dato Wormatiæ Principum adsensu initum, ac Bambergæ confirmatum,

b) an. 1123 in Concilio Lateranensi ratihabitu-

c) Ecclesiæ utile,

d) nec Majestati aut honoribus Cæsaris inimicum existat. h)

b) Rautenstrauch cit. loc. §. 139. Schenkl. cit. loc. §. 171. Schilteri de hoc Concordato judicium vid. in ejus lib. IV. cap. 5. *de libert. Germ.* sed conf. ea, quæ Biner cit. loc. pag. 135. n. 14. reponit.

III. Concordata Principum Francofordientia, Aschaffenburgensia, seu Viennensia.

1) Eorum tenor:

a) *Reservatio beneficiorum limitata.*

b) *Electiones* in Ecclesiis Metropolitanis, Cathedralibus, & Abbatiis Apostolicæ sedis immediate subjectis *liberæ*, & a Pontifice *confirmandæ*.

D

c) Con-

c) Concessa Pontifici *Alternativa mensum*.

d) *Annatarum solutio æquius determinata. i)*

i) Vid. n. *preced. I 4 lit e. f not f. Add. Würdtwein Subsid. diplom. Tom. IX, n. 7.*

2) Eorum valor.

Sunt verum pactum *licitum & validum*, ligans utramque partem, ac insuper *lex fundamentalis Imperii* ab omnibus Germaniæ statibus, & subditis sancte, & per se quidem perpetuo servandum, ut

a) ex actorum serie,

b) ex verbis Concordatorum,

c) ex confessione ipsorum Pontificum, k)

d) & S. R. I. observantia, aliisque legibus ostenditur. l)

k) Ita sane Julius III. Pontifex in *Constit. an. 1554. 14 Septembr edita* § 2. ait: Nos attendentes Concordata *prædicta* vim pacti inter partes habere. &c: Et Clemens VIII. in *Constit. an. 1603. 15 Januar: Cesarea Majestatis Tuæ, quæ pro tua insigni æquitate, & prudentia se defensorum, ut par est, profitetur eorum, quæ jam pridem inter hanc sedem, & Nationem Germanicam pacta sunt, & conventa quæ Concordata appellantur.*

l) Vid. *Mascov. Princip. J. publ. Imp. lib. I. cap. V. n. 5. & item Capitulat: Imperat. Art. 14. § 3.* ubi Imperator promittere solet: Wir sollen und wollen darob und daran seyn, daß die vorgemeldete Concordata Principum, und aufgerichtete Verträge — gehalten gehandelt und derselben festiglich nachgelebet werden. Immerito ergo ad sortem meri privilegii detruduntur, ait Rautenstrauch cit. loc. § 141. Conf. Schenkl § 176.

3) Eo-

3) Eorum interpretatio.

- a) *Authentica* interpretatio non nisi *utriusque partis consensu* fieri potest. *m)*
- b) Ceterum vero orto dubio Concordata potius in favorem Germaniæ *explicanda* sunt. *n)*
- c) *Francofordiensia* pro regula, *Aschaffenburgensia* exceptionis loco habenda. *o)*
- d) Unde quidquid in posterioribus non *expresse* abdicarunt Germani, ex prioribus *salvum* reputerur.

m) Eapropter contradixere Germani declarationi Gregorii XIII. qui edita Bulla an. 1576. Concordata, in quibus conventum est, ut provisos de beneficio a Papa intra tres menses a die notæ vacationis in loco beneficii compareat, ita in favorem curiæ Romanæ est interpretatus, ut sufficere diceret, si proviso Pontificia in Curia Romana facta esset.

n) Ad hujus enim præprimis querelas sedandas inita sunt, huicque *utilia*, ac *salutaria* fore contestatur Nicolaus in Bulla confirmatoria Concordat, § I. 2.

o) Præterea enim, quod illa prius inita, ac per Eugenium IV. confirmata sint, ipse Nicolaus Pontifex constituendo nova priora, nequaquam abrogavit, sed *in aliis, quæ per Eugenium IV. prædecessorem — permissa concessa, indulta, ac per ipsum Nicolaum confirmata fuerunt, in quantum illa concordie præsentis non obviant, ista vice nihil voluit commutatum* Constit. Nicolai V. Conf. Würdtwein *Subsid. diplomat. præfat. Tom. II. IV.*

4) Derogari tamen illis poterit

- a) non quidem per pontificiæ potestatis plenitudinem, aut folius etiam Imperatoris voluntatem; *p)*
- b) sed per evidentem *necessitatem*,
- c) *consuetudinem*,
- d) aut *legitimam* etiam *præscriptionem*.

p) Quæ enim (Concordata) ex pacto constant, absque partium consensu abrogari non consueverisse, nec debere Julius III Pontifex Constit. an. 1554. 14. Septembr. §. 2.

§ III.

RAX RELIGIOSA, & WESTPHALICA.

I. Pacis utriusque occasiones.

1) Prætenſa Lutheri reformatio.

- a) Lutherus indulgentiarum abusum primo, mox usum impugnans, ac in alios errores præcipiti lapsu devolutus a Leone X an. 1520, in Comitibus Wormatiensibus an. 1521. proscriptus, plurimos tamen spe bonorum temporalium, carnisque illecebris inescatos ad suas partes pertraxit, dictos postea, eo quod Comitibus Spirensibus an. 1529 celebratis sese opposuissent, Protestantes.
- b) His, cum Catholici Augustanam Confessionem an. 1530 a Melanchtone conflatam rejecissent, federe Schnalcaldico eodem anno Religionis suæ libertatem firmanibus,
Caro-

Carolus V a Turca primum, dein a Gal-
lis laceſſa ſua indulgere cogeatur.

c) Sed cum ſchisma *Trident* an. 1545 Con-
cilio inque refragarentur, ac 1546, Lu-
theri ultimo, Comitia *Ratiſbonenſia* negli-
gerent, indignatus Cæſar Fridericum
Electorem *Saxonie*, & Philippum *Haſ-
ſiæ* Landgravium proſcripſit, & illatum
ab eis bellum ingenti ad *Mülbergam* clade
an. 1547. in ipſorum perniciem finivit.

d) Celebrata dein an. 1548. Comitia *Augu-
ſtana*, ubi decretum Interim, donec
Concilium Generale decideret, formatum;

e) quo non obſtante an. 1552. ingratus
Mauritius Saxo, & Albertus Bran-
denburgicus ſubito in aciem contra Cæſa-
rem descendunt, eoque eum adigunt, ut
primo *Transſactione Paſſavienſi*, dein *Pace
Religioſa* Auguſtæ Vindelicorum conſtru-
cta, præſentiffimum Imperii periculum
præcavere debuerit.

2) Unio Proteſtantium, Liga ſacra
Catholicorum, Bellum tricennale.

a) Erupere brevi nova ex utraque parte ob
modum præcipue reformandi & varias Pacis
Religioſæ interpretationes gravamina,
quæ an. 1610. cauſa erant, ut Proteſtantes
Hale Suevorum Unionem, & Catholici
Herbipoli Ligam ſacram conſcripto ut-
rinque milite formarent.

D 3 b) Ne-

- b) Negata dein an. 1618 Bohemis Religio-
nis libertate data cruento bello initia, e-
quidem victis an. 1620. Friederico V.
& Confœderatis, brevi sopiendo,
- c) nisi *Edicto restitutorio* Ferdinandi II.
an. 1629. recens exacerbatî Protestantes
Gustavum Adolphum Sveciæ, &
Ludovicum XIII. Galliæ, Reges in
Cæsarem incitassent, unde bellum ad 30.
fere annos, Marte tandem Catholicis ini-
quiore, protractum est.
- d) Serio ergo de pace cogitatum, quæ etiam
Monasterii Westphalorum, & Osnaburgi an.
1648. ad finem perducta communiter Pa-
cis Westphaliæ nomine venit. q)
- q) Duplex hujus Pacis instrumentum exstat, unum
Cæsareo-Gallicum Monasterii inter Ferdinan-
dum III. & Ludovicum XIV. Galliæ Re-
gem: alterum *Cæsareo-Svecicum* inter eundem
Imperatorum & Christianam Sveciæ Regi-
nam. Et hoc quidem præcipue Germaniam &
ex eo Articuli V. & VII. institutum nostrum
proxime afficiunt,

II. Pax Religiosa.

i) Ejus tenor. r)

- a) Religionis dissidia *amice* componenda.
- b) Permissum Statibus R. I. *liberum* Religio-
nis *exercitium*.
- c) Concessum *emigrationis* beneficium.
- d) *Jurisdictio ecclesiastica* circa Augustanæ
Confessioni addictos *suspensa*, salvis tamen
Catholicorum redditibus.

e) Bo-

- c) *Bona ecclesiastica* a Protestantibus ante Transactionem Passaviensem occupata *non repetenda*, nisi sint statuum immediatorum, aut nisi Status mediari ea tempore hujus Transactionis, aut haecenus possedissent.
- f) *Reservatum Ecclesiasticum*, seu Decretum, quo Ecclesiasticus quisque ad Sacra Augustanae Confessionis transiens dignitate & beneficio excideret, salva tamen existimatione. g)

r) De pacis hujus tenore fusius egit Jer. Schilterus *lib. de Pace Religiosa*. Argentorati 1700. Christophor. Lehmann *act. publ. & original. de pace religiosa*. Francof. 1701.

s) Reservatum hoc *validum, licite, ac provide* Paci insertum esse frustra Protestantium quidam inficiantur. Exegit quippe hoc *Quies publica*; potuit hoc Ferdinandus I. *potestate* a Caesare instructus; nec defuit postea ipsorum in *Protestantium* Pacem *absolute* confirmantium *consensus*. Conf. Barthel *Tom I pag. 332*.

2) *Ejus valor.*

Est vera *Sanctio Pragmatica*, & Lex Imperii fundamentalis, t) utpote talis

- a) a multis Recessibus Imperii, u)
 b) ipsa Pace Westphalica, v)
 c) et Caesarum Capitulationibus declarata, x)
 d) Protestationibus quorundam non obstantibus. y)

z) Juris consultis Dilinganis *Tract. de composit. P. R. cap. V* hac Pax ejusmodi pactum visa est, quod non consentientes non obligat.

u) e. g. *Ratisbon. an. 1557. 1613. Augustan. 1559. 1566. Et.*

v) *Art. V. §. 1. Instr. P. IV.*

x) *Vid. §. 33. Capitular. recentior.*

y) Protestati nempe sunt, Paulus IV. teste Ernesto de Eusebiis *Sect. IV. var. 8. §. 2.* Otto Truchsessius Card. & Episcopus Augustanus; Prælati Weingartensis, & Ochsenhausen: Conf. Zallwein loc. cit. *Tom. III. Q. 2. cap. 4. §. 6.*

III. Pax Westphalica. 2)

1) Ejus tenor,

- a) *Extensio, ac confirmatio Pacis Religiosæ.*
- b) *Reservatum Ecclesiasticum ad Protestantem extensum.*
- c) *Liberum Religionis exercitium etiam subditis concessum.*
- d) *Permissa Calvinianis quoque tolerantia.*
- e) *Cessio beneficiorum, & bonorum ecclesiasticorum anno normali 1624. possessorum.*
- f) *Suspensio Jurisdictionis episcopalis intuitu statuum, & aliquorum subditorum Augustanæ Confessioni addictorum.*
- g) *Negotia Religionis non per vororum pluralitatem, sed amicabilem compositionem terminanda.*
- h) *Exacta utriusque Partis æqualitas, quatenus Imperii Constitutionibus, & cujusvis Religionis principiis non adversatur.*

2) *Instrumentum Pacis W. vid. apud Schmausium Staatswissenschaft Theil I. aut in Corp. diplomat. D. de Mant. Tom. VI.*

2) Ejus

2) Ejus valor.

Est verum pactum *valide*, & a Catholicis *licite*, *prudenterque* initum, a) veraque *Lex fundamentalis* Imperii, b) cum pro illa

a) eadem, quæ pro Pace Religiosa militent rationes. c)

b) non elidendæ etiam per solennem protestationem a *Fabio Chigio* Legato, Pontificis nomine, interpositam; d)

c) quam tamen & *justam fuisse*,

d) & suo effectu non carere profiteamur. e)

a) Schenkl cit. loc. § 186.

b) Art. XVII n. 2. 3. instr. Osnabr. Conf. Capitulat. Francisci I. Imp. annotat. illustr. per Jo. Jac. Moser art. I. seq.

c) *præced. n. II. 2.*

d) Non modo Cardinalis Chigius Legatus Pontificis binas protestationes nomine Innocentii X. contra Pacem W. pactam dixit, sed ipse quoque Pontifex Romæ Bullam singularem, quæ incipit: *Zelo domus Dei*, promulgavit, irritumque declaravit, quidquid contra Jura Sedis Romanæ est conclusum.

e) Juste sane conqueri, ac protestari Pontifex poterat, jura sibi divinitus concessa a Protestantibus sperni, alia ex Concordatis acquisita contra datam fidem eripi. Se vero opponendo id saltem consequutus est, ut si ad avitam Religionem Protestantes redirent, salva Pontificis jura essent, nullique titulo expressæ concessionis, taciti consensu, aut præscriptionis obnoxia.

3) Ejus Interpretatio.

a) *Authentice* declarari, aut immutari non nisi *Partis utriusque consensu* potest. f)

D. 5. b) In-

- b) Interpretatio *judicialis* S. R. I. *Dicasteriis* supremis competit:
 c) *doctrinalis* vero non ad *Collegialis*, sed ad *Territorialis* Systematis normam instituen-
 da; ita quidem,
 d) ut, quidquid Catholicis *expresse non adem-*
tum, id omne censeatur *concessum*; & quid-
 quid Confessionistis *non expresse concessum*,
 id omne illis *denegatum* reputetur. g)
 f) Cautum id, & conceptis verbis declaratum est
Art. VIII §. 2. instr. P. Osnab.
 g) Conf. Baniza *dissert. subsidia. interpret. P. R.*
& W. exstat Thesaur. J. E. Tom. I. n. 11.
- 4) Derogatio tamen eidem facta est per
Clausulam Pacis Rismicensis Art. IV. „*Reli-*
gione Catholica in locis sic restitutis h) in
 statu, quo nunc est, remanente.”

Nam clausula ista

- a) a tribus Imperii Collegiis *ratihabita*, i)
 b) postea *Pace Badensi* absolute *confirmata*, k)
 c) & tanquam *Conventio publica*, & *Lex poste-*
rior est agnoscenda.
- b) Pace enim inter Leopoldum Imperatorem, &
 Ludovicum XIV. Galliarum Regem an. 1697.
 inita varia trans Rhenum loca, a Gallis prius
 occupata, Caesari restituebantur.
- i) Vid. instr. ratificatum 1697. in *Corp. diplomat.*
Tom. VII. Conf. Cortreji observata ad art.
IV. pacificat. Rismicens. Magdeburgi 1705.
- k) An. 1714 7. Septemb. *Corp. diplomat. Tom. VIII.*
P. I.

JURIS ECCLESIASTICI

P A R S I.

JUS ECCLESIASTICUM PUBLICUM.

CAPUT I.

HIERARCHIA ECCLESIASTICA, EJUSQUE DIVERSI GRADUS.

§. I.

JURA ROMANI PONTIFICIS, CEU PRIMATIS ECCLESIAE UNIVERSALIS.

I. Pontifex Romanus prout sub diversa ratione considerari potest, ita varia in eo Jura distinguere oportet: nimirum

- a) ut Caput Ecclesiae universalis *primatiali*,
- b) ut Patriarcha Occidentis *patriarchali*,
- c) ut Exarcha Italiae *exarchali*,
- d) ut Metropoli Romanæ Provinciæ *metropolitico*.
- e) qua Episcopus Urbis *dioecesano*,
- f) qua Princeps politicus in suo Territorio *territoriali* jure refulget.

II. Ad Primatum Ecclesiae universalis, in quantum scilicet Papa honore ceteros Episcopos antecedit, referuntur

a) Præ-

- a) Prærogativa ordinis, præcedentiæ, & præsidii ante omnes Ecclesiæ Imperantes.
- b) *Vestis, & Terra pontificia.* l)
- c) *Tituli præcipui: v.g. Episcopi Episcoporum, Summi Pontificis, Sanctitatis,* m)
- d) ac singularia quædam reverentiæ, & subjectionis signa.
- l) Præter ornamenta episcopalia, & pallium oratio, seu stola semper, baculo vero pastoralis nunquam utitur.
- m) A tempore S. Gregorii M. titulum „*servus servorum Dei*„ ob humilitatem tibi sumunt, & suis litteris subsignant.

III. In quantum vero primatus auctoritatem etiam ac jurisdictionem involvit, in determinatione jurium illius bene attendi, ac discerni debent.

- a) *Finis institutionis divinæ, unitatis nempe conservatio, seu mensura jurium essentialium.*
- b) *Facta humana, seu mensura jurium accidentalium.*
- c) Ipse etiam certus modus jura essentialia exercendi, ab humano quandoque instituto profectus.

IV. Divina igitur & essentialia Primatis jura ea dicuntur, quæ cum natura instituti a Deo Primatus ita intime connexa sunt, ut salva unitate Ecclesiæ separari ab eo nequeant.

Ad hæc reducitur Potestas

a) ex-

- a) exigendi, ut reliquæ omnes per orbem Ecclesiæ cum ipso ceu *centro unitatis* perpetua *communione* jungantur, ac proin & *causæ* omnes ad ecclesiasticam unitatem pertinentes ad ipsum *referantur*; n)
- b) *Canones Ecclesiæ universales* pœnis etiam spiritualibus in refractorios, quas æquitas & caritas dictaverit, latis *exequendi*, & vindicandi; o)
- c) *Canones dogmaticos* privative, urgente causa, eatenus constituendi, ut iis ceu Decretis saltem *provisoriis* quamdiu ceterorum Episcoporum universitas non reclamât, adquiescere fideles obligentur; p)
- d) Condendi quoque *Canones disciplinares* universales, ab ipsis etiam Episcopis, nisi vere noxios suis diocesibus deprehenderint, reverenter adsumendos, promulgandos, & *exequendos*. q)
- e) *Concilia Generalia* jure proprio & ordinario *convocandi*, r) iis cum prærogativa suffragii & relationis *præsidenti*, s) eaque, saltem si per se aut Legatos speciali mandato instructos præsens non fuisset, suo assensu *confirmandi*; t)
- f) Jure devolutionis supremo, salvis intermediis, *supplendi* defectus aut neglectum aliorum Ecclesiæ Rectorum; u)
- g) Injuste oppressos *tueri*, *appellationes* quasdam etiam *proprie dictas* saltem contra sententiam *via facti* prolatam, oborta necessitate *recipiendo*; v)

h) De-

h) Denique ea, quæ per semetipsum ob distantiam locorum efficere nequit, *Legatorum*, aut *Vicariorum* constitutione, vel missione disponendi. x)


n) Jus istud in Primatu tota agnovit antiquitas: ita Ecclesia Corinthi ad S. Clementem I. (*epist. Clement. n. 44.*) Patres Concilii Arclatenfis I de gestis, & decretis ad Silvestrum; Synodus Sardicensis ad Julium (*vid. supr. Cap. I. § II. n. III. not. b.*) Ephesina ad Calestinum; Afri 67. Episcopi ad Innocentium I. (*epist. 30. § I. Innocent. apud Constant.*) relationes fecerunt. Aptissime igitur ab Avito Episcopo Viennensi *epist. 36.* scriptum est: *scitis Synodaliū legum esse, ut in rebus, quæ ad Ecclesiæ statum pertinent, si quid dubitationis fuerit exoritur, ad Romanæ Ecclesiæ Maximum Sacerdotem, quasi ad caput nostrum membra sequentia recurramus.* Quapropter nihil Justinianus Imperator Primatis Juribus adversum constituit lib VII. Cap. de SS. Trinitate decernens: „nec enim patimur, ut quidquam eorum, quæ ad Ecclesiasticum spectant statum, non etiam ad ejusdem referatur beatitudinem, quum ea sit caput omnium Sanctissimorum Dei sacerdotum, vel eo maxime quod quoties in eis locis hæretici pullularunt, & sententia, & recto judicio illius venerabilis Sedis coerciti sunt.”

o) Tanta primitus hac in re Sedem Apostolicam viguisse auctoritate, ut prope imminuta magis, quam aucta videatur, constat ex probatissimis illis testimoniis, quæ P. Oberhauser in *Specim. cultioris Jurispr. Canon. Cap. II. §. 5. pag 136 seq.* produxit; longum foret ea describere; generalem Bossueti crisin de illis audiamus: *invicti*, ait Doctissimus hic Episcopus Meldensis *defens. Cler. Gall. Tom. II. pag. 408.* fuerunt Romani Pontifices, cum Canones ab Ecclesijs, Sede Apostolica sive auctere, sive probato-

re susceptos, vindicarunt. His Constantinopolitanos Præsules, alta spirantes, & Principum gratia ferocientes, & a Nestorianis, Accacianisque temporibus usque Ecclesiæ graves tanquam in schismata erupturos animo providerent, quæ gravitate poterant coercebant. Orientali Ecclesiæ, quæ nova Romæ faveret, Nicanos Canones opposebant. Inviectos se rati, quamdiu, ut ipsi profitebantur, secundum Canonum patrum regulas rem gererent. Conf. Gazzaniga Theol. polem. Tom. II. Sect. V. cap. 4.

- p) Turbatæ per religionis dissidia Ecclesiæ præsto esse oportet medelam, quæ malo propulsando, aut sistendo saltem idonea sit; hanc Concilia ipsa, quod celebratio eorundem plurimis obnoxia sit difficultatibus, mature satis ferre semper vix possunt, superest itaque, nisi Ecclesiam societatem imperfectam dicere velis: ut Primati Jus conveniat ferendi sententiam, cui fideles ob pacem, bonum Ecclesiæ, ac subjectionem suam deferant saltem, ut loquitur Gersonius *Tract. de exam. doct. confid. II. ad non dogmatizandum contrarium*, donec aliud fuerit definitum. Præclare hanc in rem dixerat S. Basiliius *epist. 69. ad Athanasium*: „visum est mihi, ut scribatur Episcopo Romano, ut quæ hic geruntur, consideret, & sententiam expromat. Conf. Baron. *Annal. eccles. Tom. II. ad an. 263. n. 30 seq.* Euseb. *Hist. eccles. lib. VI. cap. 35.* Renat. Mulsuet *diff. III. in Iren: art. III. § 30.*

- q) Hanc Pontificum Romanorum potestatem in dubium minime vocari posse, ostendit Petr. de Marca *lib. I. de Concord. Sacerd. & Imp. cap. 8. & 9.* ipsæque antiquissimæ, ac genuinæ Pontificum Epistolæ decretales abunde commonstrant. Agnoverunt illam ipsi quoque Imperatores Valentinianus e. g. qui *Nov. III. Cod. Theodos.* asserto prius Synodorum etiam auctoritate Romanæ Sedis Primatu subdit: „ve-



rum ne levis saltem inter Ecclesias turba nascatur; vel in aliquo minui religionis disciplina videatur, hoc perenni sanctione decernimus. ne quid tam Episcopis Gallicanis, quam aliarum provinciarum contra consuetudinem veterem liceat sine viri venerabilis Papæ urbis æternæ auctoritate tentare, sed illis, omnibusque pro lege sit quidquid sanxit, vel sanxerit Apostolicæ Sedis auctoritas. E quibus sane Imperatoris verbis obligatio Episcoporum inferitur, leges a Pontifice constitutas recipiendi, ac promulgandi. Iura huic obligationi connexa vid. apud Schenkl. cit. loc. §. 207. Legem, qua iura hæc, & officia Episcoporum in provinciis Prussiarum Regi subjectis limitantur, vide in Codice recentissimo. Allgemeines Landrecht II. Theil. XI. Titel. III. Abschnitt. §. 118. Huc quoque commode reducuntur ea, quæ de Jure Primatis in Canonibus disciplinariis universalibus pro universa Ecclesia dispensandi notant Authores. Conf. Van Espen. *dissert. de dispensat. cap. II.*

- 2) Refert Socrates veterem Canonem, quo vetabatur, ne in consulto Papa Concilia generalia celebrentur. Quid æquius? quis enim cum auctoritate convocet omnes orbis Episcopos, nisi Primas, cujus unius potestati omnes, quantum ad unitatem servandam, subiacent? porro institutus est Primatus, ut capite constituto schismatis tolleretur decassio *Cap. I. §. 2. n. II. not. t. in proleg.*) at quod est huic malo ab Ecclesia removendo medium aptius, quam Concilii generalis celebratio? denum non licuit salvis Canonibus citra sententiam Metropolitanæ provincialia Concilia haberi, quia Metropolitana totius provinciæ caput est, ergo nec licere potuit generalia Concilia sine Pontificis consensu celebrari, quem universæ Ecclesiæ caput proitemur. Jure itaque in concilio Chalcedonensi Diofcoro crimini datum est, quod Synodum generalem (Ephesinum

finum (scilicet latrocinium) ausus est facere sine auctoritate Sedis Apostolicae, quod nunquam factum est, nec facere licet. Quamvis enim in veteri Imperio orientali Concilia coegerint Imperatores, confusum tamen Papæ eis vel antecedenter, vel concomitanter, vel subsequenter accessisse ex testimoniis apud P. Oberhauser cit. loc. Cap. II § I. adeo certum est, ut eorum author jure dici possit quia dubium non est, rationabiliter retrahi, ut mandato equiparetur. C. 10. de Reg. Jur. in 6. Conf. Rigger cit. loc. § 33. Causæ, in quibus etiam sine convocatione Pontificia Synod. legitime celebrari dicuntur vid. apud Thomas sin. dissert. III ad Concil. Nicen. Doujat loc. cit. lib. 1. cap. I § 6. De consensu Principum utiliter requirendo leg. idem cit. loc. §. 7. Conf. etiam Bulla indict. Concil. Trident. Pauli III. Relate ad Provincias Porusficas Codex cit. loc. cit. § 141. 142.

- d) Præstans juris istius exemplum dedit Petrus in Concilio Hierosolimitano Act. XV. ubi cum magna conquisitio fieret primus surgens sententiam dixit. Id sequutos successores ejus quotiescunque Conciliis adesse vellent & possent, Conciliorum acta exhibent. vid. Oberhauser cit. loc. § II. Ceterum nil derogatur juri huic quod & Imperatores sæpe ipsi, non raro per legatos suos Conciliis interfuerint, primumque aliquando locum inter Patres tenuerint: nec enim in prerogativa sedis, verum in potestate primaria judicium ferendi ipsum præsidendi jus consistere, quisque facile dabit; hanc vero Imperatores sibi arrogare noluisse, ingenue professi sunt Constantinus, Marcianus, omnium luculentissime Theodosius, & Valentinianus in epist. ad Synodum Ephesinam missa declarantes: se Candidianum ad Synodum Ephesinam ea tamen lege, & conditione misisse, ut ecclesiasticis negotiis, & consultationibus se non immisceat, verum ut

monachos, & seculares, qui hujus spectaculi causa vel eo nunc confluerunt, vel in posterum confluent, ab eadem illa civitate modis omnibus submoveat, quandoquidem non licet illos, qui omnino necessarii non sunt ad sacrorum dogmatum examen, tumultus excitare, & iis, quæ cum tranquillitate a vestra sanctitate constitui, definiri que debent, obstaculum aliquod asferre, tum rursus, ut diligenter prospiciat, ne quæ dissensio ex mutuo repugnandi studio contra increbescat. & sæva tempestatis instar debachata, Synodi vestræ consultationem, exacti-oneque veritatis indagacionem forte obturbet; sed ut iis, quæ dicuntur, rite perpensis singul. inoffense, quod visum fuerit in medium proponere, vel ab aliis propositum refutare queant, ut ea tandem ratione, ubi per singulas propositiones, exceptionesque inquisitio citra ullam omnino turbam, contenti-onemque habita fuerit, quod omnibus placitum, probatumque fuerit, communi vestræ sanctitatis sententia constitutur, decernaturque. Conf. Riger cit loc. § 322 Schol 327 Schol. Thomas fin differt X in Concil. Nicæn.

z) Ut enim Concilium totam repræsentet Ecclesiam, capiti cohereat, necesse est; unde absque hujus consensu robur plenum Concilia non obtinerent, nisi fors Papa, etsi reverenter requisitus, Concilium cetera legitimum præfracte contemneret, vel studiose unitatem scinderet, seu hæresi faveret Thomastin. differt. 6. in Synod Constantinopol. Conf Bosluet cit. loc. P. III. lib. VII. cap. 3. seq.

u) Historia ecclesiastica edocemur, pro ea, quæ cuivis Episcopo non tantum pro suæ particularis, sed & totius Ecclesiæ bono cura incumbit, alios aliorum negligentiam supplevisse, ut istud de Athanasio Socrates hist. eccles. lib. III. cap. 24. de Eusebio Samosateno Theodoretus. lib. IV. cap. 12. lib V. cap. 4 testantur: quis igitur hoc supplendi jus Episcoporum Primo dene-gabit?

gabit? Ea vero cum uterentur Pontifices factum est, ut negotia plurima olim sive ad Synodos provinciales, sive ad Episcopale forum pertinentia ad Pontifices migrarent, iisque in Ecclesiæ salutem postea relinquerentur. En! fontem reservationum præcipuum, ejus meminisse non videntur, justo sæpe vehementiores reservationum adversarii.

o) Ita Julius I. S. Athanasii, Innocentius I. S. Chrysostomi, Nicolaus I. S. Ignatii se se defensores exhibuerunt appellatione virorum istorum injuste oppressorum ad exercendum jus hoc Ecclesiæ Patri adeo honorificum provocati. At vel inde intelligitur, jura Pontificis justo arctioribus limitibus circumscribere eas, qui antiquioribus documentis abusum solummodo appellationum improbantibus seducti non nisi *impropiis* appellationibus ad Romanam sedem locum concedendum affirmant. Conf. Schenkli *cit. loc. § 210. Concil. Trident. Sess. XXIV. cap. 20. de reform.*

x) Valde necessarium esse perspeximus, ait S. Gregorius lib I ind. 9 epist. 1., ut sicut decessorum nostrorum fuit judicium, ita uni eidemque personæ omnia committamus, & ubi nos præsentem esse non possumus, nostra per eum, cui præcipimus, representetur auctoritas. Recte quidem: nec enim unius Pontificis vires sufficiunt, ad canonum violatorum observantiam ubique locorum efficaciter urgendam; ad ea, quæ eidem circa Conciliorum celebrationem, circa supplendum aliorum Episcoporum defectum, divina ordinatione delata sunt officia, quantum Ecclesiæ salus exposcit, implenda, nisi ministerio Legatorum suorum adjuvetur. Inde vero est, quod & ipsi Apostoli, si rem spectes, Legatis jam usi sint, utpote qui, ait Innocentius I. epist 13 ad Ruffum Thessalonic. Episcopum, Principes Evangelii constituti, certarum rerum causas, necessitu-

dinesque suis discipulis curandas, obeundasque mandavunt Non negamus ceterum, formam legationum recentiorum potiore sui parte ex humano instituto promanare. Conf. Van Espen *J. E. univ. lib. I. Tit. 21.*

V. Accidentalialia, seu adventitia Primatus jura ea nominantur, quibus carere Primas salva Ecclesiae unitate posset, quæ proin ad ipsum aliis ex causis, & factis humanis devenerunt. γ)

Huc refertur imprimis z) Potestas

- a) *Confirmandi, transferendi, deponendi* Episcopos, eorum *cessionem, abdicaciones* admittendi, *Coadjutores* concedendi.
- b) *Novos Episcopatus erigendi, erectos dividendi vel uniendi.* a)
- c) *Peccata quædam graviora, relaxationes Canonum ecclesiasticorum, & declarationes votorum quorundam sibi reservandi.* b)
- d) *Ordines religiosos approbandi, aut reprobandi.* c)
- e) *Servos Dei Sanctorum, vel Beatorum catalogo adscribendi.* d)

γ) Quænam illa jura quæ ab omni retro ætate penes Primatem fuisse leguntur, inter essentialia passim referri solent: ita hæc quæ antiquitus aut penitus ignota erant, aut vel per Synodos provinciales, vel per Metropolitæ, eorumve Suffraganeos administrabantur, nunc vero Pontifici Romano tribuuntur, accidentalibus duntaxat a multis adnumerantur. Sed enim non adeo certum videtur criterium istud dignoscendorum jurium, quin ullo in casu falleret.

Quid

Quid enim, si juris cujuspiam reapse exercendi occasio defuisset? istud ignorari quidem, nihilominus existere potuisset. Quid si, juris sui administrationem Primates tacito saltem consensu aut Synodis, aut Metropolitidis demandassent, quemadmodum nunc jam expressis verbis demandare Legatis suis solent? Synodis aut Metropolitidis proprium facile videri potuisset, quod Primati simul commune erat, aut plane ita proprium, ut non nisi exercitium ejus in alios transferri, at, poscente Ecclesiæ bono, revocari denique potuerit. Quapropter relicto caute hocce criterio, quo usi non pauci juribus Primatis essentialibus d. rogarunt, aliud præferendum modestè asserimus; quo nimirum id solummodo Primati *accidentale* dicitur. *cujus non tantum exercitium, verum & res ipsa salva unitate abesse ab ipso potest.* Plura ad hactenus dicta confirmanda occurrunt infra §. III n. II. lit. a. d. not. l.

- 2) Non est enim animus omnia accidentalialia Primatis jura hic loci recensere; sparsim hinc inde plura obvenient. Verum & de mox recensendis illud notari cupio, pleraque eorum non nisi *inadæquate*, seu ea solum ex parte accidentalibus adnumerari posse, quod Primas ista per seipsum modo præstet, quæ prius *Metropolitica* aut Synodi provinciales plerumque præstiterunt; quantum enim & horum dispositiones tacito saltem consensu Pontificis indigebant, qui solus reliquis Episcopis jure Divino Superior est, ita ut nulla in illos ipso invito exerceri jurisdictio a quocunque posset: tantum hæc quoque negotia expediendi jus essentialiale Primati videtur.
- 3) Quæ olim circa hæc negotia in Ecclesia viguerit disciplina, abundè explicaverunt Petrus de Marca, Thomassinus, Van Espen locis citatis, quibus add: Dupin. *de antiquit. Eccles.* Horum opera lecturi cognoscent 1) admi-

nistrationem jurium istorum ab initio plerumque ad Synodos provinciales, his vero rarius celebratis, ad Metropolitas etiam ipsos pertinuisse. 2) non satis manifestum esse, num solum tantum exercitium, & usus juris, an vero & jus ipsum ordinarie, & proprie ad eosdem pertinuerit. 3) Demum a seculo IX. quædam, aliqua ferius ita ad Apostolicam Sedem devoluta esse, ut omnis jam Metropolitaram dispositio circa ea evanuerit paucis eandem reclamantibus.

- b) *Omnes absolutiones, dispensationes, votorum declarationes* in primitiva Ecclesia ab Episcoporum potestate manasse, nullosque reservatos Pontifici casus notos fuisse testantur *Fleury dissert. V. in hist. eccles.* Thomassin. loc. cit. *P. I. lib. II cap. 13, 14.* Pereira Priester des Draztorium zu Eissabon. Abhandlung von der Macht der Bischöfe. Aus dem Portugiesischen übersezt, III. Grundsatz. Sed enim! cum aut ipsi Episcopi in casibus magis implicatis sapius a Sede Romana consilia petissent, aut in hoc disciplinæ Ecclesiasticæ officio non circumspicte satis versarentur, ut *fideles dispensatores invenirentur*; Pontifices vero Romani disciplinæ rigorem indies magis magisque pessumdari cum dolore agnoscerent, supremo devolutionis Jure (*præced. n. IV. lit. f. not. u.*) huic malo medelam se se ferre, atque, ut difficultateremissionis obtinendæ antiquus servaretur rigor, casus plures absolutionum, dispensationum, declarationum sibi servare debere prudentissime arbitrati sunt. Has reservationes dein, ut Ecclesiæ salubres, Concilii *Tridentini* Patres sua etiam auctoritate roborarunt. *Sess. XIV. de poenit. sacram. cap. 7.*

- c) PP. Cænobitarum SS. Basilium, & Benedictum regularum suarum approbationem Pontificiam petisse non legimus. SS. Francis-

eus & Dominicus primi fuisse perhibentur, qui Ordinis sui *confirmationem* Romæ quæsi-
runt; quia vero circa idem tempus novi Religi-
osorum ordines adeo multiplicati sunt, ut gra-
vis inde in Ecclesiam Dei confusio inducenda time-
retur *Cap. fin. de relig. domib.*) in Concilio Late-
ranensi IV. vetuit Innocentius III. ne quis
de cetero novum ordinem inveniat. Renova-
tum est Decretum istud in Concilio Lugdunensi
II. omnesque prohibiti Ordines, quos Apostolica
Sedes non approbasset *Cap. unic. de relig. do-
mib. in 6* Ex hoc tempore Jus approbandi, aut
reprobandi instituta religionum evasit Jus Pri-
matus *accidentale*

- d) Antiquum publicos Servis Dei honores decernen-
di ritum describit Mabillonius in *præfat.*
ad sec. V. Benedicti Alexander III. hanc
causam tanquam unam ex *majoribus* ad Sedem
Apostolicam pertinere edixit, *cap. 1. de reliq. &*
venerat. Sanctor. probavit Decretum istud In-
nocentius III. *Cap. II. ibid* cum vero non
omnes Episcopi eidem æque deferrent: Urba-
nus tandem VIII. edita an. 1634. Constitutione
omnia ad cultum publicum Beatorum pertinen-
tia, & ipsam etiam *canonizationem* Servorum
Dei Apostolicæ Sedi reservavit.

VI. Et hæc quidem secundaria Ponti- ficis Jura

- a) diuturna jam *possessione, præscriptione, &*
Ecclesiarum consensu firmata e)
b) partim etiam *pactis, & Concordatis* stabili-
ta, f)
c) non nisi ex certa *maiore utilitate, aut ne-
cessitate* Ecclesiæ avelli ab hac Sede que-
unt;

E 4 d) quam

- d) quam nisi restitueris *Synodis particularibus*, vix sperare, aut divinare licebit;
- e) quod donec fiat, recte aliqua interim *jure Supremo devolutionis* ad Pontificem disponenda pertinebunt. g)
- e) Vel ipsi jurium istorum adversarii concedunt, nulum horum seculo XIV. serius ad Romanos Pontificis transiit add. *n. V. preced. not. b. c.*
- f) Jus e. g. Confirmandi Episcopos, & Abbates exemptos per Concord. Germaniæ vid. *Cap. II. præcognit. §. II. n. III. lit. b*
- g) Excipe necessitatis e sum, quo quidem ut cessent, missimus Ecclesiæ Spiritus omnino postulat. Cont. Zahlwein *cit. loc. Tom. I quæst. IV. cap. IV §. 4.* De spuris & veris titulis quibus ad Romanum Pontificem devenerunt vid. Schenk *cit. loc. §. 212. Schol.*

VII. Præter ista Iura Pontifex adhuc specialiter intuitu Germaniæ

- a) Jus coronandi Imperatorum, & obedientiæ Legatos ab eo exigendi prætendit. h)
- b) Vi Concordatorum *beneficia* quædam confert, & *Annatas* accipit. i)
- h) Ultimus Bononiæ a Papa Clemente VII. Imperator coronatus est Carolus V. deinde Ferdinandi I. exemplo omissa est hæc solemnitas. Equidem Electores a iura diu commendare illam in capitulatione solebant; Sed id quoque a Leopoldo I. temporibus cessat. Conf. Mascoy: *cit. loc. Lib. III cap. 2.* Ordo coronationis ipse describitur in Christophori Marcelli *Cerimoniali Ecclesiæ Romanæ* De obedientiæ promissione, qualem Rom. Curia Regibus exigit, vid. Joseph Valentini *f.*

ber de osculatione pedum Romani Pontificis, Romæ 1588. edit. cap. 12. Ex more recentiore Legati, quos electi Imperatores Romam mittunt, non obedientiam, qualis olim exigebatur, spondent, sed protectionem Ecclesie, & reverentiam filialem. Conf. D. Buder lib. de legationibus obedientiæ Romam missis.

i) Vid. Cap II. præcognit. §. II. n. III.

§ II.

CARDINALES.

I. Collegium Cardinalium

- a) nomine satis antiquo, quo olim Clerici omnes certæ Ecclesiæ affixi, & quasi *incardinati* compellabantur, k) nunc *privative* gloriatur: l)
- b) originem autem suam a *Diaconis regionalis*, ac illo Presbyterio reperit, cujus consilio Pontifices in causis majoribus utebantur: m)
- c) numerum membrorum pro temporum varietate variabat: n)
- d) hodie 6 Episcopos, 50 Presbyteros, & 14 Diaconos complectitur, non a Gradu Ordinis sacri, sed ab Ecclesiarum, quas tenent, titulis ita nuncupatos; o)
- e) qui a solo Pontifice creantur; p)
- f) potestas tamen aliquem ad hanc dignitatem nominandi summis Principibus usu, & observantia firmata est; unde quidam *Cardinales Coronæ* audiunt.

k) Opponebantur igitur tunc Cardinalibus illi, qui tantum *jure fiduciario* & nomine *administratorio* quibusdam Ecclesiis ad tempus præficiebantur. vid. *Dist. 71. Can. 5. Caus. VII. q. 1. Can. 42. Caus. XXI. q. 1. Can. 5. 6.*

l) Honorificam Cardinalis compellationem, quam usque ad Pii V. tempora retinebant Canonici Ecclesiæ *Compostellanae, Mediolanensis, & Neapolitanae* omnibus, quacunque dignitate, conspicuis interdixit Idem Summus Pontifex Conf. Cardinalis de Petra ad *Const. Eugenii IV. Tom. 4. n. 6. 7.*

m) Per *regionarios* Diaconos intelliguntur, qui *diakonoi*, seu domibus hospitalibus, & sacellis per quatuordecim regiones urbis Romanæ positis præciant. De origine Cardinalium Conf. *Muratorii dissert. de Origine Cardinalatus. Kleiner dissert. bina de orig. & prærogat. S. R. E. Card: in Thesaur. J. E. Tom. II.*

n) Nempe successu temporis Cardinalatus jam non ab ecclesiæ ascriptione, sed a speciali adfistētia Pontifici præstanda repeti cepit, inde factum, ut exclusis aliis illi soli Cardinales appellarentur, quibus a Nicolai II tempore eligendi Pontificis potestas concessa est. Cum vero hic Pontifex solis Cardinalibus Episcopis agri Romani, quales erant *Ostiensis, Portuensis, Albanus, Sabinus, Tusculanus, Prænestinus*, potestatem hanc dederit, ut constat ex Decreto Nicolai in Concilio Romano edito; & Alexander III. eandem ad præcipuam dignitatis Sacerdotes: ignotus demum quispiam Pontifex etiam ad Diaconos regionarios extenderit, consequens erat: ut Cardinalium numerus variaret.

o) Numerum hunc determinavit Sixtus V. Constitutione, quæ incipit: *Postquam verus*, ad exemplum nimirum 70 Seniorum Synagogæ, & totidem

totidem discipulorum Christi; verum raro ex integro completus est.

- p) Nitebantur contra collecti in Concilio *Basilcensi* Patres *Sess. XXII.*, caventes simul: ne imposteriorum ultra 24 Cardinales essent, nec nisi in *Theologia* aut *Sacris Canonibus* Doctores: verum non patiebantur Pontifices libertatem suam in creandis Cardinalibus hoc decreto restringi.

II. Jura & Officia Cardinalium:

1) Vivente Pontifice

- a) sanctius Papæ Consilium constituunt, e quibus *Consistorium* nunc *publicum*, nunc *privatum* seu *secretum* format, ac vota eorum consultiva in negotiis præcipuis exquirat. q)
- b) *Congregationibus* variis, aut *Tribunalibus* Romanæ Curiae præsunt. r)
- c) *Protectores* etiam Principum ac Nationum agunt, ne quidquam contra particularia jura a Curialistis præsumatur; & in Germania nostra ab Imperatore designantur. s)
- q) Negotia quæ in Cardinalium Consistorio tractantur, *causæ consistoriales* dicuntur. Quæ ex his ad *publicum*, quæ vero ad *secretum* consistorium pertineant vid. apud Schenk. *cit. loc. §. 229. Schol. 1.*
- r) Conf. præcognit. Caput I. §. IV. n. III 3. not. b.) add. *Zalwein Tom. II. q. 3. cap. 2. seq. Van Elpen J. E. P. I. Tit. 22.*
- s) *Protectoris Germaniæ* munus non nisi viro ejusdem nationis demandari debet vi Capitulat. Cæsareæ.

sareæ art. XXIII. Conf. Cohelius *lib. de dignitate, officio & Virtutibus Cardinalium.*

2) Sede vacante

- a) *politicum* in ditionibus Romanis regimen tenent; t)
- b) sacram tamen Primatus potestatem, utpote *personalissimam*, non nisi urgente necessitate exercent; u)
- c) ac jure eligendi e suo gremio Pontificem a seculo XII. post Alexandri III. constitutionem quiete usque ad nostra tempora fruuntur; v)
- e) singulis diebus tres ex collegio, *Episcopus, Presbyter, Diaconus* sunt in politicis Cardinales locum tenentes.
- n) Conf. cap. 3. de Electione in 6. Constit. Gregorii X in Concil. Lugdun. item Clementin: lib. I. tit. III. cap. 2. constit. Clement. V. Quapropter etiam post mortem Pontificis illico frangitur *anulus Piscatoris*.
- v) Modum eligendi vid: cap. 3. de elect. in 6. Conf. n. preced. I. not. n.

III. Privilegia & Decora eorum.

- a) Jurisdictionem *quasi episcopalem* in suas Ecclesias habent, etsi Presbyteri solum, aut Diaconi sint. x)
- b) Ex consuetudine in Conciliis generalibus *votum decisivum* ferunt; y)
- c) Judex eorum solus est Pontifex, condemnatio difficillima, fides maxima. z)
- d) San-

- d) Sanctionibus pœnalibus, nisi expresse nominentur, comprehendi haud creduntur. *a)*
- e) *Provdria* ante Episcopos & Patriarchas diu impugnata quidem sed a seculo XIII. firmata excellunt. *b)*
- f) Hanc eo extendunt, ut omnes politicos quoque Principes dignitate regia non fulgentes præcedere affectent, cui tamen Imperii Electores nondum adfuerunt. *c)*
- g) Color in veste & galero purpureus, usus Pontificalium, titulus *Eminentissimi* illis conceditur. *d)*
- h) Decus autem illorum præcipuum erit, si iis ornentur dotibus, & virtutibus, quas Concilium *Basileense Sess. XXIII. & Tridentinum Sess. XXIV. & XXV. de reform.* in ipsis desiderant. *e)*

α) *Cap. 24 de elect. Cap. 11. de Majorit. & Obedient. Constit. Sixti V. Religiosa.*

- γ) Qui enim a Christo instituti non sunt, sed humana ordinatione ad regendam Ecclesiam Dei vocantur, his quoque haud aliud, quam consuetudine acquisitum jus ferendi *voti decisivi* in illis conventibus convenire poterit, quæ ad pertractanda negotia Ecclesie instituuntur. Conf. Cardinal. Jacobatus *de Concil. lib. I. pag. 35.* apud Labæum in *Apparatu Tom. II.* Jus illud a tempore Concilii *Londinensis* an 1075. & ad *Abbat*es monasteriorum extendi cepit, quos ab initio ad Concilia *provincialia* quidem duntaxat admissos fuisse ex *Harduini Tom. VI. P. I. col. 1587.* colligitur; at succedente tempore nec a Conciliis *generalibus* exclusi sunt, ut docet
schedule

schedula a Cardinale Cameracensi scripta, quæ in actis Concilii Constantiensis ab Harduino VIII. col. 220. exhibetur hujus tenoris: sciendum est, quod quando in Conciliis generalibus soli Episcopi habebant vocem definitivam, hoc fuisse, quia habebant administrationem populi. — postea adhiberi fuere Abbates eadem de causa, & quia habebant administrationem subditorum. Decretis Conciliorum Florentini, & Tridentini, etiam Generales, ac Superiores ordinum regularium subscripsisse aliunde constat.

- 2) Si nempe, quod plures jam negant, genuinus est Canon. 2 Caus. II. quæst. IV. condemnari non potest Cardinalis Episcopus nisi ex 72 Presbyter, nisi ex 44: Diaconus nisi ex 27 testium idoneorum concordia assertione. Fidem Cardinali plenam habendam esse, dum a Pontifice sibi commissum aliquid asserit, etsi litteras sui mandati non ostenderit, sinceritas, quam in tantis viris facile, ac prudenter præsumimus, exposeit, quamvis Canon. 3. Dist. 97. ad quem plerumque provocant, directe id non demonstret.
- a) Exemptione hac gaudent propter executionem pontificalis officii, quæ frequenter incumbit, Episcopi. Cap. 4. de sent. excommunicat. in 6. idem ergo ut de Cardinalibus valeat, par ratio, & dignitas eorum postulat.
- b) In Concilio Romano an. 993. sub Joanne XV. Episcopos Cardinales post alios Episcopos ordinatione priores & reliquos Cardinales post omnes Episcopos sedisse, nec ante hos ad subscribendum admissos fuisse, passim affirmant scriptores; sed crescente Pontificum auctoritate, ait Zallwein Tom. IV. quæst. II. cap. 2 §. 1. Cardinalium quoque prærogativæ creverunt, vel ideo maxime: quod Episcopi spectatiores non raro in Cardinalium gremium assumpti facile adduci poterunt,

auerunt, ut incremento dignitatis, & auctoritatis Cardinalitiae suffragarentur. Quapropter jam in Concilio Romano sub Nicolao II. an. 1059. subscriptionis: in Lugdunensi. sub Innocentio IV. an. 1245. etiam sessionis supra Episcopos; & in Lugdunensi II. sub Gregorio X. an. 1274. utriusque honorem etiam supra Metropolitans obtinuisse eos legimus apud Harduinum *Tom. VI. Part. I. col. 1066. Tom. VII. col. 378.* Raynaldum in *annal. Baronii ad an. 1274. n. 3* Res hæc non modicas in Anglia, & Polonia lites excitavit, quas describit Thomassinus *cit. loc. P. I. lib. III. cap. 113. 114.* Imo in ipso Concilio Tridentino, inquit Pallavicini *hist. Concil. Trident. lib. XXI. cap. 4. n. 7*) Episcopi Hispaniæ Cardinalium præcellentem hunc gradum agere ferebant.

- c) Con. Zachariæ Zwanzig *Theatr. præcedent. P. I. cap. XXV* Stieues Europ: Hoscerem. 2. Theil. pag. 146
- d) Hæc decora concessionibus Innocentii IV. Psuli II. Gregorii XIV. Urbani VIII. Cardinales debent, quibus ita propria sunt, ut nec titulo *Eminentissimi* quæ spem alius præter Ecclesiasticos Germaniæ Electores & hospitalis Hierosolimitani Magistrum donari audeat.
- e) *Conf. constit. Sixti V. Postquam verus. §. 12. 18. Julii III. constit. 22.* De aliis pluribus Cardinalium privilegiis vid. *Barbosa lib. I. §. E. cap. IV.*

§ III.

LEGATI ET VICARII PONTIFICIS.

I. Legationum Apostolicarum origo

- a) a *jure divino* Primatus, quo Pontifex unitati totius Ecclesiæ invigilare debet, derivatur, §. I. n. IV. not. x)
- b) adeoque & ipsum jus mittendi legatos inter *essentialia* Primatis jura merito jam supra retulimus. §. I. n. IV. lit h)
- c) modus tamen exercendi hujus juris *varias* subiit per hominum facta *vicissitudines*; unde

II Variæ legatorum species.

- 1) A seculo IV. duo legatorum reperiuntur genera, *temporaneorum* nempe unum, *perpetuorum* alterum.

Illi erant

- a) quos Papa, ut suo nomine præfiderent, ad *Concilia* misit: f)
- b) aut negotiorum particularium causa ad Aulas, vel Ecclesias ablegabat, finito negotio *reversuros*: g)
- c) demum qui in aulis Principum morabantur, rem Romanæ, & universalis Ecclesiæ perpetim ibi defensuri, quique cum prioribus nomine *Legatorum*, singulari vero ac proprio *Apocrisfiorum*, & *Responsalium* vocabantur. h)

Hi vero, *sedis Apostolicæ Vicarii* dicti,

a) quibus Pontifices jurium suorum Patriarchalium, aut, si vis, quorundam etiam Primatialium (§. I. n. V. not. y) *exercitium* demandarunt. d)

b) Dignitas hæc insignibus quibusdam Metropolitæ, ac præcipuis Episcopis commissa, k)

c) ipsorum tamen personis primum alligata,
d) sensim vero ipsis Ecclesiis adnexa, quasi hæreditaria, ac vel inde Romanis Pontificibus molesta evasit. l)

f) Data per Constantinum M. Ecclesiæ pace frequentius in Oriente inprimis Concilia celebrabantur; cum his ob locorum distantiam Pontifex ipse interesse rarius posset, viris eruditione, fidei ac morum integritate prælucentibus usus est, Orio e. g. *Cordubensi* in Concilio Nicæno, ac Sardicensi: Cyrillo *Alexandrino* in Ephesino: Paschasio, Lucentio, & Juliano in Chalcedonenſi &c. en occasionem! qua primi hujus generis legati orti sunt.

g) Horum exempla varia recenset Thomasinus *loc. cit. P I lib. II. cap. 117.* præcipua sunt Legatorum Julii P. ad Orientales in causa S. Athanasii: Liberii ad Constantinum Imp. pro convocatione novi Concilii: Zozimi in Africam ob appellationes transmarinas.

h) Post sedem Imperii Bizantium translata istud legatorum genus invaluisse scribit Hincmarus *Rhemensis Ep. III. cap. 33 edit. Mogunt.* alii eos ante Concilii Chalcedonenſis tempora, & præcipue ante Justiniani Imp. victorias de Gorbis relatas, haud exstitisse credunt. Interruptæ sunt postea hæc legationes occasione hæ-

sis Iconoclastarum, restauratæ vero in aula Francica a Carolo M. Conf. Van Espen *J.E. P.I. tit. XXI.*

- 3) Hujus instituti finis primarius fuit, nexum inter sedem Romanam, & reliquas Ecclesias firmiore vinculo colligare, ipsisque Ecclesiis, earumque Prælati eatenus consulere, quatenus jura Papæ per Præsules provinciales promptius, quia propius, expedirentur. Erant vero jura Vicariorum Sedis Apostolicæ præcipua 1) præter *proedriam* ante Episcopos ceteros generalem plurium Ecclesiarum curam nomine Pontificis Romani gerere, 2) ampliorem in eas *jurisdictionem* exercere, 3) causarum majorum ad Sedem Romanam pertinentium *relationes* recipere, 4) ubi opus esset, Synodos convocare.
- 4) Primus hujusmodi Vicarius occurrit Archiepiscopus *Thessalonicensis* per Illiricum Eadem potestate, & dignitate ornati postea sunt in Germania Archiepiscopus *Moguntinus*: in aliis plagis septentrionalibus *Hamburgensis*, *Bremensis*: in Galia *Arelatensis*, *Viennensis*, *Rhemensis*, *Lugdunensis*: in Hispania *Hispalensis* *Tarraconensis*, *Toletanus* &c. Conf. Thomas in *loc. cit. P.I. lib. I. cap. 18. 30. 31. seq.*
- 5) Docuit nimirum experientia, in his Legatis perpetuis, qui dignitates suas citra auctoritatem Papalam ferme consequutos se esse perperam credebant, minus præsidii Ecclesiæ Romanæ situm esse, quam in iis, qui Pontificum arbitrio mittebantur: eapropter de restringendis eorum jurebus Pontifices Romani mature cogitabant.
- 2) A seculo IX. speciatim a tempore Nicolai I. igitur
- a) Vicariorum Sedis Apostolicæ potestas sensim in *titulum* honoris ferme abiit; m)
- b) *aucta*

- b) *aucta* vero sunt Legatorum *temporaneorum*, & numerus, & *jura*;
- c) aut horum in exigendis procurationibus, aliisque negotiis immoderatio Principibus & Episcopis eas causavit molestias, n)
- d) ut immodicis exactionibus illorum ac attentatis per Concordata, Concilia, ac petita Romæ privilegia limites figi debuerint. o)
- m) Revocatis ad Sedem Romanam plerisque Juribus (not. præced. i) quorum exercitium solummodo illis pridem delatum fuerat.
- n) Vid S. Bernard. *epist.* 290. & *lib.* IV. de *considerat.* cap. 3. Conf. Petr de Marca *loc. cit.* cap. 47. — 58. *lib.* V. P. Oberhauser *cit. loc. pag.* 226. *seq.*
- o) Huc referuntur 1) *leges* Cap. 6 & 23. de *cens* cap. 2. & 3. *ibid.* in 6. quæ expensas & procurationes moderarentur. 2) Sanctiones Concilii *Constantiensis*. & quoad Germaniam Concordata cum Sede Romana inita, quibus potestas in conferendis beneficiis accuratius determinata est. 3) Concilii *Trident.* statuta *Seff* XXIV. cap. 20. de *reform.* quibus reliquis Legatorum juribus termini designantur.
- 3) A seculo XIII. ad nostra usque tempora tres adhuc Legatorum numeramus classes; nimirum
- a) Legatorum natorum, qui in locum Vicariorum sedis Apostolicæ successerant. p)
- b) Legatorum missorum, quos Nuncios Apostolicos proprie vocamus ad
- F 2

certas provincias ablegatos, ibique ad revocationem usque Pontificis perstituros: q)

c) Legatorum a latere, qui utpote Cardinales, a latere Pontificis quasi avulsi, ad Regna, & Nationes pro bono Ecclesiæ Romanæ ablegantur, donec a Papa revocentur; ad quos & illos commode referes, qui equidem non Cardinales, cum Character tamen Legati a latere mittuntur. r)

p) Non idem vero adhuc est Legatorum natorum, qui olim Vicariorum Sedis Apostolicæ, numerus, nec eadem sedes: plures enim injuriis temporum interierunt, alii creati sunt iis etiam in urbibus Legati nati, in quibus nullus unquam S. A. Vicarius antea exstitit. In Germania numerantur adhuc Moguntinus Colonienfis, Trevirensis, Salisburgensis: in Hungaria Strigoniensis: in Hispania Toletanus: in Polonia Gnesnensis: in Italia Pisanus in Bohemia Pragensis. Conf. Schott diss. de legatis natu Bambergæ 1778.

q) Tales in Germania quinque, scilicet Viennensis, Coloniensis, Bruxellensis, Lucernensis, & novissime non sine litibus Monacensis constituti sunt. Conf. Unparteiſche Gedanken über die dermaligen Runtiaturs-Streitigkeiten in Deutschland. Mannheim 1778.

r) Qui cum character Legati a latere mittuntur, non integram ejus potestatem, sed singulares solummodo quasdam facultates Legato a latere proprias præferunt, quas tamen in litteris Patris expressas esse oportet.

III. Legatorum Jura

olim amplissima, s) nunc ex Decretis Synodi Tridentinæ, Concordatis Germaniæ, ac *Observantia*, & usu dimetienda sunt; t) unde

1) Quoad collationem beneficiorum
per Concordata Germaniæ

- a) in mensibus *Ordinariorum* beneficia haud amplius conferunt;
- b) nec jure *præventionis*, *expectativæ*, aut *reservationis* *Papalis*,
- c) nec *concurrente* alias cum Ordinariis potestate pollent;
- d) nec *confirmare* Archiepiscopos, Episcopos, vel Abbates consistoriales possunt.

s) Nempe quod 1) Legatos natos artinet, eadem erant antiquitus illorum jura, quæ Vicariorum, in quorum locum substituti sunt. Conf. *præced. n. II. n. 1. not. i*; at accisa jam sunt adeo, ut præter *titulum honoris* nullam ferme potestatem habeant, nisi quam ex speciali quadam Ecclesiæ Romanæ concessione, aut diuturna consuetudine, regnorum etiam legibus roborata, retinuerunt. Conf. Lorber diss. *de Legat. nat.* 2) quoad Legatos missos sive *Nuntios*, sive a *Latere* eximiam plane fuisse eorum potestatem ex Decretalium libris *cap. 1. 2. 3. 4. 8. 9. ult. de offic. legat. Cap. 1. 2. 3. de offic. legat. in 6. Cap. 23. de privileg. 31. de præbend. 28. de jure patroni* colligitur; verum & huic jam variis modis limites positi sunt. Conf. *n. præced. II. n. 2. lit. c. not. o.* & Barthel. *adnot. ad jus can. tit. de offic. legat.*

1) Hæc enim utpote leges posteriores prioribus derogant.

2) Quoad negotia judicialia,

Vi Concilii Tridentini

a) nunquam in *prima*, in Germania tamen in *secunda* & *ulteriori* instantia judicare queunt, licet & hic aliqui excipiant; u)

c) in causis vero *profanis* omnis potestas ipsis per Recessus Imperii, & Capitulationem Cæsaream Art. XIV. §. 4. adempta est. v)

u) Inter quos Schenkl *cit. loc. § 237. Schol. Barthel cit. loc.* affirmantes: moribus Germaniæ optionem dari aut ad Archiepiscopum, aut Curiam Romanam, aut ad Nuntios Apostolicos a sententiis definitivis Episcoporum appellandi, sed nec hanc consuetudinem esse totius Germaniæ communem, ut Archiepiscopatus *Moguntini* exemplum docet.

v) Recess. Imp. de an. 1654.

3) In reliquis rebus

a) *Procuraciones* equidem & subsidia iter facientibus denegata sunt; x)

b) *Dispensationes* tamen, *indulgentias* non plenarias, & *absolutiones* a centuris ab ipsis concedi experientia, & usus docet;

c) & quæ *speciali* Pontificis mandato ipsis committuntur, ita explere possunt,

d) ut nihilominus semper & Principum, & Episcoporum jura salva relinquere teneantur;

e) tibi

- e) ubi tamen ipsius Ecclesiæ bonum exigere quoque videtur, ne hi Principes aut Episcopi ab æmulationis aut odii affectibus semet abripi facile patiantur. y)
- x) Juramento non obstante, quo ad suppeditanda se se olim Episcopi & Archiepiscopi devincire solebant, & adhucdum solent, quodque jam dehumaniter, & reverenter, ut decet, excipiendis Legatis explicant.
- y) Nemini alterum in exercitio juris sui absque justa causa turbare licet: quapropter nec Pontifex in jure suo mittendi legatos per Principes, aut Episcopos arbitrarie impediri poterit, quousque hi intra limites potestatis suæ se continent. Aptè hanc ad rem scripserat Fridericus I. ad Adrianum IV. *Cum autem videremus eos (Legatos nempe) quales requirit Ecclesia, portantes pacem, illuminantes patriam, assistentes causæ humilium in æquitate necessariis stipendiis, & comitatu eos sustentare non differremus.*

§. IV.

PATRIARCHÆ, EXARCHÆ, PRIMATES, METROPOLITÆ.

I. Nominum determinatio. z)

- a) Episcopi, qui in Metropoli *provinciæ* residebant, ceterisque præerant Episcopis, *Metropolitæ*, a)
- b) qui in Metropoli *dioceseos* reliquos totius illius ditionis Episcopos sibi habebant subordinatos, Exarchæ vocabantur. b)

F 4. c) Hos

- c) Hos inter Exarchas imprimis Episcopo Romano, dein & aliis, Patriarcharum nomen a Synodo I. *Chalcedonensi* tributum legimus. c)
- d) Primatis titulum illis alicubi dabant, qui ordinationis tempore ceteros præces-
ferunt; d) communius tamen illos deno-
tavit, qui Apostolicæ Sedis Vicarii, Ex-
archæ, vel Metropolitæ erant insigniores.
- e) Sic & *Archiepiscopi* compellatio Exarchis
primum, & præcipuis Metropolitæ pro-
pria, postea Metropolitæ omnibus com-
munis evasit; reperimus tamen & quos-
dam alios hoc nomine insignitos, qui nul-
lum licet sub se haberent Episcopum, ta-
men & ipsi nulli quoque Metropolitæ pa-
rebant. e)
- z) Prænotandum est; olim Romanum Imperium 1)
in *præfecturas* quatuor *Orientem* nimirum, *Illi-
ricum, Italianam, Gallias*: has rursus 2) in *dice-
ceses*, atque istas 3) in *provincias* fuisse distribu-
tas. Per *diæcesim* igitur quondam plures provin-
ciæ intelligebantur; ille vero districtus in quo
simplex Episcopus suam jurisdictionem exer-
cebat, *Paræcia* nomine veniebat.
- a) Docet id perspicue Can. 9. Concilii *Antiocheni*;
ex quo tamen inferendum non est: totidem
semper Metropolitæ, quod Metropoles existisse;
divisus enim successu temporis provinciis, ut ju-
dicio imperiali duæ Metropoles fierent, non
propterea visum est Ecclesiæ duos quoque metro-
politanos Episcopos debere nominari. Et ad mobi-
litatem necessitatum mundanarum Dei ecclesiæ
commutari, honoresque, aut divisiones perper-
i, quas pro suis causis faciendas duxerit Imperator,
Inno-

Innocent. *epist. ad Alexandr. Antioch. Episcopum.*

- b) Colligitur id ex Concil. VI. generalis Act. XIII: ubi Theodorus *Misericordia Dei Episcopus, Ephesinorum Metropoles & Exarchus Asianorum diacefos* vocatur.
- c) Ubini mirum Act. III. Theodorus & Ischiron diaconi Alexandrini, & Athanasius presbyter Alexandr. libellos suos inscripserunt *Leoni P. Sanctissimo, & universali Archiepiscopo, & Patriarchæ magnæ Romæ* apud Harduinum Tom. II. col. 321. 326. 331. Imitatione quadam deinceps factum est, ut *Alexandrinus, Antiochenus*, postea *Constantinopolitanus*, ac *Hierosolimitanus* Patriarchæ appellarentur. Conf. Petr. de Marca *dist. de Constantinop. Patriarchæ institutione*. Paulo aliter sentiunt hac de re Salmasius *de Primat. cap. IV. pag. 43.* & Dupinius *de antiqu. Eccles. discipl. diss. I.* sed eorum opiniones haud verisimiles esse ostendit Rigger *cit. loc. § 114. & Schol. De Patriarchis minoribus Occidentis* vid. Lackies I. E. Tom. II. §. 468. Zech. *Hierarch. eccles. Tit. XVI. §. 176.*
- d) Ita in Africæ ecclesiis *senior* Episcopus Primas erat, excepta tamen Chantaginenti sede cujus Antistes semper Primas fuerat vid. *Can. 90. 100. Cod. Eccles. African. Leonis IX. epist. 4. ad Petrum et Joannem Episcopos* in *Collect. Concil. Harduini Tom VI col. 950* Conf. Rigger *cit. loc. §. 138. & Schol.* Hodie Primatis nomen vix aliud præter sterilem honoris prærogativam importat.
- e) Dupin. *de antiqu. Eccles. discipl. dissert. I. §. 3.* Exemplum insigne habemus in Germaniæ Metropolitæ, qui passim Archiepiscoporum nomine compellantur. De his inferius. De tempo-

re, quo Archiepiscopi titulus omnibus Metropolitis promiscue tribui capit, erudite egit Petr. de Marca *dissert. de Primat* §. 89. De Archiepiscopis nulli Metropolitæ subjectis vid. Rigger *loc. cit* §. 139. Schol.

II. Graduum istorum origo.

- a) non a divina, aut apostolica etiam institutione, f)
- b) sed partim a prærogativa sacra Ecclesiarum,
- c) partim a prærogativa politica urbium, ubi sedes erant episcopales derivanda videntur. g)

f) Non esse hos gradus institutionis *divinæ* ex §. II. n. II. præcognit. & Concil. Trident. Sess. 23. can. 6. eruitur. Qui eosdem ab Apostolis derivant, ad Can. 1. & 2. Dist. 80 & 99. plerumque provocant; sed præterea quod Canones isti ex spuris Isidori Decretalibus hausti sint, patet ex historia: ævo Apostolorum nomina Patriarcharum, & Primatum in Ecclesia neque nota fuisse. præced. not. c.

g) Hæc opinio Zallweinii est *loc. cit. lib. IV. quest. II cap. II* §. 2. qui fere omnes in eo sibi consentientes habet; moribus primum singularem hanc Episcoporum quorundam in alios auctoritatem fuisse introductam, postea vero Conciliorum etiam decretis firmatam; quamvis, quo tempore id factum sit, definiri certo haud possit. Cont. Rigger *cit. loc. §. 116. 117. Schol.*

III. Patriarcharum, et Metropolitæ jurisdictionis.

1) Pa-

1) Patriarcharum jura olim sat ampla erant, nunc, quoad Occidentem saltem, fere in uno Romano Pontifice sunt conspicua; poterant nimirum

- a) omnes ditionis suæ Metropolitæ *ordinare, & confirmare*; h)
- b) Synodis a se convocatis *præsidere*; i)
- c) in subordinatos sibi Metropolitæ, & in horum defectu in ipsorum quoque suffraganeos *cenfuras* ferre; k)
- d) *graviora* ditionis suæ negotia *decidere, appellationes recipere*; l)
- e) fidei ac disciplinæ integritatem per suum Patriarchatum *tueri, ac vindicare*. m)

h) Can. 28. Concil. Chalcedon item Novell. Justiniani Imp. VII. cap. 2. & CXXXI. cap. 3. Conf. Petr. de Marca de Concord. Sacerd. & Imp. lib. I. cap. 3. ipse autem Patriarcha a synodo suæ diæceseos ordinabatur. Novell. cit. CXXXI.

i) Metropolitæ suis in provinciis jus istud habuisse docet Concilii Nicani can. 5. Antiocheni 20. Agathen: 36 Canon item Apostol. 36.; eo minus igitur Patriarchis denegari poterit.

k) Expressam hac de re tulit legem Justinianus Imp. Novell. XXXXVII. cap. 5.

l) Si quis Episcoporum dubitationem aliquam habeat, sive pro Ecclesiastico jure, sive pro aliis quibusdam rebus: prius Metropolitæ eorum cum aliis de sua Synodo Episcopis causam examinet, & judicet. & si non rata habuerit utraque pars, quæ judicata sunt, tunc beatissimus Patriarcha diœceseos illius inter eos audiat, & illa determinet, quæ ecclesiasticis canonibus, & legibus consonant: nulla parte ejus sententiæ contradicere valente. Justinian. Novell. CXXIII. cap. 22.

m) Hæc,

m) Hæc, aliaque Patriarcharum jura, quæ fufius recensuit Rigger *cir. loc. §. 118. 119. ad minores Patriarchas (præced. n. I. not. c.)* non transiverunt, quos vix majore quam metropolitana potestate præditos novimus.

2) Metropolitanarum jurisdictio

a) fere se ad eadem extendebat in suis provinciis, quæ Patriarchis in suis ditionibus competeabant; n)

b) hodie vero per Canones, Concordata, Consuetudinem, & Observantiam plura horum jurium vel accisa, vel antiquata novimus. o)

n) Versabatur nimirum præcipue, ut idem Cl. Paul. a Rigger §. 133 *seq.* demonstrat 1) circa Episcoporum confirmationes, ac ordinationes, 2) circa judicia, 3) celebrationem Synodorum, 4) emendationes abusum. &c,

o) Recol. quæ superius §. I. n. V. de juribus Primatus *accidentalibus* dicta sunt. Hodierna Metropolitanorum jura vid. in Concil. Trident. *Sess. VI cap. 3. XXIII. cap. 1. & 15. de reform. XXIV. cap. II. de reform. item Cap. 3 de appellat. in 6. cap. 5. de supplenda neglig. Prælat Cap. 1. de cens. sibi in 6. §. sane. Conf. Schenk1 *cir. loc. §. 247.**

IV. Hierarcharum istorum prærogativæ honoris consistunt

a) in *Proædia* ante reliquos ejusdem ditionis vel provinciæ Episcopos;

b) in potestate crucis sibi præferendæ; p)

c) in

- c) in usu *Pallii*, cujus origo, forma, materia, conficiendi, petendi, deferendi ritus, obligatio, & modus notari merentur; q)
- d) quod tamen & aliis Episcopis per *privilegium*, salva erga Metropolitanum subjectione, ita concedi posse videtur, ut Archiepiscopus prudenter invitus esse vix queat. r)
- p) *Cruz Metropolitanarum* unico *Patriarcharum* vero duplici transverso ligno constat. De locis in quibus Metropolitanis ac Patriarchis praeferi potest, vid. Zech *cit. loc. Tit. XVII. § 187.*
- q) Egerunt de pallii 1) origine Thomassin. *loc. cit. P. I. lib. II cap. 45. & 56. Pertsch Tract. can. de orig. usu, ac auctoritate pallii archiepiscopalis.* 2) de materia & forma variis temporibus varia Papebrochius *dissert.* quam loc. cit. exhibet Pertsch. 3) de conficiendi ritu Van Espen *J. E. Tom. I. tit. 19. cap. 5.* 4) de petendi ac deferendi modo. vid. *cap. 28 de elect. cap. 5. de auct. & usu pallii. Pontificale Roman. tit. de Pallio.*
- r) Concessum vere novimus Episcopis *Hostiensi, Papiensi, Lucensi, Quinque-ecclesiensi, Bambergensi, Passaviensi, & an. 1735 Herbipolensi.* Quod an facere Pontifex invitis Metropolitanis possit, vehementer disputatum est. Scriptores in utramque partem recensuit Schott in *supplement. bibliorb. real. jurid. pag. 173.*

§. V.

E P I S C O P I.

I. Institutione Episcoporum, & juribus eorum præcipuis jam Cap. I. §. II. præcognit. præoccupatis, cetera communiter ad *quatuor* genera revocantur, scilicet ad

- a) Jura Ordinis
- b) — Status seu dignitatis,
- c) — plenariæ Jurisdictionis,
- d) — Legis diœcesanæ. s)

s) Distinctio inter Jurisdictionis, & Legis diœcesanæ jura ex quibusdam exemptionum privilegiis exorta videtur, cum primum a Joanne Teutonico ea, in quibus monachi episcopali potestati subducti fuerunt, ad *legem diœcesanam*, ea vero in quibus subiecti manebant, ad *legem jurisdictionis* referrentur. Conf. cap. 18. de offic. jud. ord.

II. Ad jura Ordinis Episcopalis præter ea, quæ cum Presbyteris communia habent, reducuntur

- a) potestas propria *confirmandi* baptizatos,
- b) *ordinandi* Clericos,
- c) *conficiendi* *Chrisma*,
- d) Ecclesias, Altaria, vasa sacra, cœmeteria, aliaque loca sacra *consecrandi*, aut *benedicendi*. t)

t) Fleury *instit. J. E. P. I. cap. XII & XIII*. Riger *cit. loc. p. 78. seq.* Concil. Trident. Sess. & XIII. can. 7.

III. Jura

III Jura Status seu dignitatis censentur

- a) *Præminentia* ante Presbyteros; u)
- b) *Tituli* honorifici, dum *Patrum Patres, Vicarii Christi, Angeli Ecclesiæ* &c vocantur. v)
- c) *Insignia* propria *Throni, Mitræ* &c. quæ sub *Pontificalium* nomine veniunt. x)
- u) Recol. dicta in *præcognit. § II n. V. i. lit. a. not. i. Adde Bellarmin Tom. II. Controvers. II. lib. I. cap. 14. 15.*
- v) De aliis Episcoporum *titulis* leg. Bingham. *orig. & antiquæ eccles. lib. II. cap. 2.*
- x) Conf. Andr. du Saussay *Panopl. Episc. & Thomass. cit. loc. P. I. lib. II. §. 58.*

IV.. Ad jura plenariæ Jurisdictionis per assignatam dicecesim revocantur

- a) jus condendi *leges dicecesanas*. imo & decreta in rebus fidei & morum *interim* in dicecesi valitura y)
- b) jus *dispensandi* in decretis Synodorum tum particularium, tum etiam universalium, nisi materia ostendatur reservata; z)
- c) jus *convocandi* Synodum dicecesanam & ipsam dicecesim *visitandi* juxta formam Concil. *Trident. Sess. 24. cap. 3. de reform. a)*
- d) jus *inligendi*, si necesse sit, *cenfuras ecclesiasticas*; b)
- e) jus pastores inferiores *constituendi conferendi beneficia*, vel saltem nominatos aut præsentatos *instituendi*. c)

y) Posse

1) *Posse Episcopum in diocesi sua statuta disciplinaria condere, demonstratur* 1) ex Act. XX 28. & præcognit. Cap. I. §. II n. II. & III 2) ex cap. 2. de Majorit. & obedient.; ut vero etiam in rebus fidei & morum provisoria decreta constituent, urgens non raro necessitas exposcit. Adde: quod vel in ipsius Concilii Chalcedon act. III. Leonis Papæ Legati declaraverint: *Eutychen regulatiter a proprio damnatum Episcopo Flaviano.* Sed conf. cit. Cod. Pruss. P. II. tit. XI. Sect. III. §. 117.

2) *Quoad leges particulares nemo, quantum novius dispensandi Episcopis negat: alii non æque consentiunt, quando de generalibus Ecclesiæ statutis relaxandis agitur.* Ajunt enim. 1) elidi ejusmodi jure potestatem eam, quam superius §. I. n. IV. not. p. Ecclesiæ Primati tribuimus. 2) sese fontem non noscere, ex quo inferior jus hauriret in lege superioris, absque hujus mandato, dispensandi. 3) hac Potestate ad Episcopos etiam protensa, ob facilem ejus abusum, gravi periculo unitatem Ecclesiæ exponi. Sed non videntur hæc aliis gravia satis ad contrariam eorum sententiam refellendam; reponunt enim ad 1mum: magnum inter Pontificis & Episcoporum jus discrimen inveniri, nempe illud ad omnia generalia statuta disciplinaria, atque ad universam Ecclesiam extendi, hoc vero non nisi ad ea, quæ reservata non sunt, nec nisi ad diocesum Episcopi propriam pertinere; ad 2dum: jus istud ex ipsa Episcoporum dignitate, & necessitate, indeque facile præsumendo consensu legali repeti posse; ad 3tium: malo huic parafissimum esse in supremo Pontificis jure inspectionis, ne Ecclesia detrimenti aliquid patiatur, remedium. Conf. Caspar. Barthel in adnotat. ad Jus Eccl. lib. I. Tit. XXXIII. n. 48. Van Espen Diss. Can. de dispens. cap. I. §. 7.

a) Fre.

a) Frequentissimas pristinis Ecclesiæ seculis fuisse has Synodos, docet abunde hist. ecclesiastica. De utilitate, atque instituendarum ratione egit copiose, ac eleganter Benedictus XIV. P. M. *Tomis II. de Synodo diœcesana* Ferrariæ an. 1767 editis. De jure *visitandi* diœcesim legi inter ceteros meretur Van Espen *7 E. U. P. I. tit. XVIII cap. 1* consonat *cit. Cod. Pruss. cit. loc. §. 123* Der Bischof ist berechtigt, bey den Kirchen seiner Diözese, so oft er es nöthig findet, Visitationen vorzunehmen.

b) Profluit jus istud ex ipsâ notione imperii (*præcognit: §. I n. II.*) quod in Apostolorum successoribus Episcopos transiisse *ibid. §. II n. II III.* demonstratum est, utque eo efficacius transgressiones legum impediat, non raro temporalibus etiam quibusdam pœnis in transgressores animadvertendi potestatem sibi annexam habet. *Conf. cit. Cod. cit. loc. §. 125.* Conjuncta eidem quoque est potestas *judicandi*, de qua Bonificius VIII. *cap. 7 de offi. ordin. in 6.* sic loquitur: *Episcopus in tota sua diœcesi jurisdictionem ordinariam noscitur habere*; sed magnam mutationem passa est causis arduis Sedi Romanæ reservatis. *Vid. Van Espen cit. loc. P. III. tit. V.*

c) Antiquitus collatio *ordinis* a collatione *beneficii* juncta non fuit; cum itaque jus conferendi *ordinis* Episcopis competat, idem de *beneficiorum* collatione dicendum erit, præcipue quia nil convenientius magis est, quam collaboratores in vinea Domini ab eo eligi, cui præcipua vineæ cura incumbit. *Conf. cit. Cod. Pruss. cit. loc. §. 120.*

V. Ad legem diœcesanam numerant

a) facultatem exigendi *Cathedraticum* in signum subjectionis præstandum, cujus quantitas ab observantia Diœcesium determinatur. d)

G

b) jus

- b) jus perendi *subsidium caritativum* ex manifesta & rationabili causa in sacris canonibus fundata; e)
- c) jus *Procuracionem Canonicam*, seu hospitium cum victu congruo pro Visitatoribus postulandi. f)
- d) *Cathedraticum*, *Synodaticum* etiam dictum, est pensio annua ex Ecclesiis & beneficiis Episcopo in signum subjectionis, & honorem Ecclesie cathedralis pendenda.
- e) Istud peti solummodo potest 1) cum consensu Capituli, 2) a Clericis duntaxat dioecesanis, iisque ultra congruam prebendatis.
- f) Congregatio Cardinalium Concilii *Trident.* Interpretum decidit an. 1737, Episcopo bis, aut saepius eodem anno dioecesim visitanti unicam tantum deberi procuracionem.

VI. Manet tamen semper Episcoporum potestas *essentialiter* Primati, g) *accidentaliter* Metropolitans subordinata; inde

- a) jam saeculo VI. mos invaluit, ut praeter professionem fidei *obedientiam* quoque Metropolitans Germaniae Episcopi promitterent;
- b) saeculo VIII. S. Bonifacius etiam *subjectionis* iuramentum Pontifici praestitit, & a Metropolitans Germaniae praestari deinceps curavit; h)
- c) Imo devoluta ad Primatem per Concordata Episcoporum in Germania fere omnium confirmatione isti ad hunc usque diem sese

fese Romano Pontifici tali *fidelitatis* & *obedi-
entiae* juramento obstringunt; i)

d) cujus formula pejus a quibusdam, quam
meretur, traducitur, k)

e) etsi ea in quibusdam immutanda non im-
merito videatur. l)

g) Conf. præcognit. §. II. n. III. 2. lit. b not. 2.

h) Formulam juramenti a S. Bonifacio Pontifici
præstiti edidit Serarius inter epistolas S. Bo-
nifacii pag. 163 finis formulæ est: *Hoc indiculum
sacramenti, ego Bonifacius exiguus Episcopus ma-
nu propria scripsi: atque positum supra sacratissi-
mum corpus tuum, ut superius leguntur, Deo teste
& iudice, præstiti sacramentum, quod & conser-
vare promitto.* Ut exemplum illud imitarentur
Metropolitæ alii, in Synodo ea præscripsit, de
qua loquitur *epist. 105. ad Episcopum Cudbertum.*

i) De juramenti hujus antiquitate, & æquitate legen-
da dissert. in Collectaneis, *Schriften, so zur
Steuer der Wahrheit u. Augsburg 1784. Tom.*
V. n. I. item Cap. 4. de elect. & electi potestas.

k) Formulam ipsam vid. apud Zech *Hierarch. ec-
cles. Tit. XXII. §. 254* Quæ vero ad eam excu-
sandam valere possunt, vid. apud Barthel.
Tom. II. opusc. VI. pag. 486 aut in dissert. mox
citata.

l) Conf. Van Espen *J. E. U. P. I. tit. XV. §. II.*
17.

VII. Episcoporum Dotes & Obliga-
tiones post S. Paulum *Epist. ad Tit. & Timoth.*
Concilium Trident. præ ceteris optime deter-
minavit: m) igitur

G 2 a) nata-

- a) natalibus ætate, moribus per sacros Canones præscriptis præditi, & sex saltem mensibus prius in ordine sacro constituti sint;
- ⁿ⁾ b) doctrina Theologiæ & Juris Canonici, ut alios erudire possint, exornentur; o)
- c) in diocesi perpetuo resideant, nec ultra duos menses, nisi ex causâ iusta, & absque gregis detrimento absint; p)
- d) verbum Dei per seipso, nisi legitime impediti prædicent; q)
- e) exempla evangelicæ perfectionis in semet ipsis exhibeant;
- f) morum gravitate dignitatem suam commendent;
- g) ac modestiam absque indigna tamen & noxia sæpe demissione colant. r)

m) *Sess. nimirum V. VI. XXII. XXV. de reform.* ubi præter dotes, quæ Episcopum ornant, gravissimæ simul assignantur causæ cur carere illis animarum Pastores, non deceat.

n) Ad Episcopatum *trigesimus ætatis annus* requiritur. *Cap 7. de elect.*

o) *Dist. 35. usque 90. item Instruct: Urbani VIII. apud Barbosa lib. I. f. E cap 9*

p) *Nosti, verba sunt S. Athanasii in apol. ad Constantium Imp., ex lectione scripturarum, quanti sceleris sit Episcopum Ecclesiam suam deserere & negligere gregem Dei. Pastorum enim absentia lupis invadendi gregis occasionem præstat. Si fu- gissem, quam excusationem apud veros Episcopos, vel potius apud eum, qui mihi hunc gregem credi- dit, habuissem?*

q) *Cap.*

q) *Cap. 15. de officio ordinar. I. Cor. I. 13. Act. XV. 18. seq. Chryl. lib. IV. de Sacerd. cap. 8. plura leg. apud Oberhauser cit. loc. cap. V. §. III.*

r) *Id S. Paulus Tito suo quam impensissime commendat: in omnibus te ipsum praebe exemplum bonorum operum in doctrina, integritate, in gravitate; verbum sanum irreprehensibile, ut is, qui ex adverso est, vereatur, nihil habens malum dicere de nobis. cap. II. v. 7. §.*

§. VI.

EPISCOPI AC METROPOLITAE GERMANIAE IN SPECIE.

I. Novere piissimi Germaniae quondam Reges ac Principes praecipuum Imperii lucrum a Religione esse repetendum; s) inde

- a) jam Carolingicorum aëvo *munia publica* Episcopis concedita,
- b) ac potestas quoque *judiciaria* in rebus civilibus concessa,
- c) cui dein jura *Regalia*, ac superioritas *territoralis* accessere, quibus modo plerique ceu veri Imperii Status, ac Principes refulgent; t)
- d) ex qua prerogativa certe & Ecclesiae, & Imperio plurimum, *si cetera supponas*, accedet emolumentum. u)

s) Persvasum id erat jam olim Theodosio, cujus verba ex *epist. ad Cyrillum* apud Edmundum Richerium *Hist. Concil. General. lib.*

I cap. VII. §. 2. apponimus: Reipublicæ nostræ constitutio, ea, quæ in Deum est pietate præcipue nititur, multaque inter hanc, & illam cognatio, & familiaritas intercedere solet. Nam ex se invicem pendent, & utraque prosperis alterius successibus incrementa sumit Pura vid apud Budzum in Dissert. de concord. religionis christianæ, vitæque civilis. Cap. I seq.

z) Schenkl §. 258. Schol. cit. loc.

u) Vid. Mueller dissert. 16. Tom. II Thesaur. J. Eccles. item Barthel opusc. Tom. I op. IV. pag. 313.

II. Metropolitæ Germaniæ recensentur:

- a) *Moguntinus*, S. R. I. Elector, Archicancellarius per Germaniam, qui & Imperatoris electi Coronationem, siquidem in sua Dicecesi, ut hodie plerumque, contingat, peragit. v)
- b) *Trevirensis*, S. R. I. Elector, Archicancellarius per Galliam, & Arelatem. x)
- c) *Coloniensis*, S. R. I. Elector, Archicancellarius per Italiam. Jure etiam coronandi Imperatorem, si in sua Dicecesi actio fiat, gaudet. y)
- d) *Salisburgensis*, Titulo Primatis Germaniæ, & primo post Electores loco insignis. z)
- e) *Pragensis*, ob Bohemiæ cum Imperio nexum inter Germaniæ Episcopos recensetur. a)

f) *Vesun-*

- f) *Vesuntinus*, qui, etsi in Galliarum ditioribus posirus, S. R. I. Principibus accensetur. b)
- g) *Goritiensis* in Carniola. c)
- h) *Viennensis* in Austria, auctore Carolo VI. Imperatore ab Innocentio XIII. Archiepiscopus renunciatus est. d)
- i) *Olomucensis* in Moravia, Archiepiscopali dignitate haud ita pridem sub Augusta Maria Theresia potitus est. e)
- v) Ejus suffraganei hodie sunt *Argentiniensis*, *Augustanus*, *Constantiensis*, *Curvensis*, *Eustadianus*, *Hildesiensis*, *Paderbornensis*, *Spirensis*, *Herbipolensis*, *Wormatiensis*, & *Fuldensis* Historicam notitiam præbet Nicol. Serarius de rebus *Moguntiæ*.
- x) Suffraganeos habet *Metensem*, *Tullensem*, & *Verdunensem* licet horum Episcopatum districtus per P. W. Monaster. Art. XI. § 70. Regi Gallie cessi tuerint: Leg. Christoph. Broweri *Annales Trevirenses*.
- y) Suffraganeos hodie numerat *Leodensem*, *Monasteriensem*, & *Osnabrugensem*; *Mindensis* enim Episcopatus per P. W. seculo additus, *Ultrajectensis* vero jam anno 1559. exemptus, & in Archiepiscopatum erectus, imo nunc a Sedis Romanæ communione exclusus est. De Metropoli Coloniensi scripsit Hermannus Crombachius, & Aegidius Gelonius.
- z) Inter suffraganeos suos *Chiensem*, *Gurcensem*, *Lavantinum*, & *Seccoviensem*, Episcopos, & Imperii Principes mediatos ipse nominandi, confirmandi, ac transferendi jure præ ceteris singulari gaudet. Reliqui ejus suffraganei sunt *Brixinensis*, & *Frisingensis*. Consulatur Marcus Hanfz,

Hantz, & Jos. Metzger de Archiepiscopatu Salisburgensi; de ceteris ejus in S R I. prerogativis vid. Zallwein *Princ. J. E. Tom. IV. q. 4.*

- a) Suffraganeos habet *Regino-Gradensem*, & *Litomericiensem*.
- b) Præter Gallicos, *Basileensem*, & *Lausannensem* Germanos suffragantes retinet.
- c) Hujus suffraganei sunt *Tergestinus*, & *Petinensis* in Istria, *Comensis* in Ducatu Mediolanensi, & *Tridentinus* in Germania.
- d) Suffraganeum hætenus solum *Neostudiensem*, antea exceptum, habuit; accedit jam alter *Lincii* nuperrime collocatus.
- e) *Olomucensis* habet Suffraganeum *Brunensem* in Moravia.

III. Episcopi Protestantici duo numerantur

- a) *Lubecensis*, semper
- b) *Osnabrugensis*, alternis vicibus Protestanticæ Religionis addictus;
- c) potius vero ad Episcopatum, quam ad munus episcopale eliguntur;
- d) absque præjudicio status, aut dignitatis titulis *electorum*, aut *postulatorum* in Episcopos &c. insigniuntur;
- e) sessionem in scamno inter ecclesiasticos & seculares medio, ac transversò capiunt;
- f) a Cæsare facta electionis aut postulationis suæ fide, investiuntur; præter Taxam ve-

ro ordinariam ejus insuper dimidium pro infeudatione solvunt. f)

f) Paci Westphalicæ uterque originem suam debet, cujus Art. V. §. 21 & 22. etiam jura eorum præcipua determinantur.

§. VII.

EPISCOPI TITULARES, CHOREPISCOPI, COADJUTORES, VICARII.

I. Episcopi titulares, seu in Partibus g)

- a) a seculo XIII. rectius repetuntur, cum tales a Latinis ad Ecclesiarum, quas per expeditiones cruciatas obtinuerant, iterum deperditarum titulos tum in *ecclesiastici*, tum in *cæsarei* juris memoriam ordinarentur;
- b) *subsidiariam* tum Pontifici, tum Episcopis operam præstant, a quibus & designantur, determinata eis quadam in *partibus* Ecclesiæ;
- c) *veri* sunt Episcopi tum ordine, tum jurisdictione episcopali præditi, jura tamen absque Episcopi ordinarii consensu exercere in *Dicecesi* nequeunt;
- d) fere in omnibus Germaniæ Ecclesiis inveniuntur, cum Episcopi, Imperii simul Principes, & amplissimas habentes *Diceceses*, eorum auxilio carere vix possint; h)

G §. e) nec

e) nec Obstat Concilium Tridentinum *Sess. XIV. cap. 2. de reform.* utpote quod in vagos solum Episcopos severe adeo animadver-
tit. *(i)*

g) Originem horum Episcoporum aliqui a Chorepi-
scopis deducunt. Thomas sin. cit. loc. *P. I. lib. I. cap. 28.*

h) Exemplum moris hujus deprehendimus jam in
Concilio *Coloniensi* an. 1322; ubi Adolphi
Leodiensis Episcopi Procurator Hermannus
Hennensis Episcopus subscripsit qui ab ipso
Adolpho in adjecta ratificatione dicitur *vi-
ces no-
stras gerens in Pontificalibus.*

i) Prohibens sub gravibus pœnis: ne sese ullo sub
prætextu in exercitium jurium sive ordinis, sive
jurisdictionis Episcopi ordinarii sine expresso
ejus consensu immiscere præsumant. Idem fere
jam prius Concilium *Viennense* occasione mul-
torum Regularium decreverat, qui vitæ monasti-
cæ pertæsi, Episcopalem hanc in partibus digni-
tatem, & cum ea vitam vagam quærebant, qui
vero nec, ut expediret, prodesse, nec præesse, ut
deceret, valentes instabilitate vagationis & men-
dicitaris opprobrio serenitatem Pontificalis obnu-
bilant dignitatis. *Clement. 5: de Elect.* Quapropter
res demum eo rediit, ut nullus absque Sum-
mi Pontificis auctoritate ordinaretur ejusmodi
Episcopus titularis: ipse autem Papa non ordi-
naret, nisi illos, qui alium quemdam Episcopa-
tum, vel saltem aliquam administratioem, ex
cujus redditibus sustentarentur, obtinerent.
*Conf. Ant. Dürr. Dissert. inaug. de Suffraganeis,
seu Vicariis in Pontificalibus Episc. Germ.
Mogunt. 1782.*

II. Chorepiscopi seu Episcoporum vices ruri agentes

- a) in Oriente jam seculo III. in Occidente seculo V. reperiuntur; *k)*
- b) præerant nimirum *Presbyteris agrorum*, pauperum curam agebant; & minores dein quoque ordines contulisse leguntur;
- c) Episcopi *veri* quidem ex instituto suo haud fuisse, interdum tamen episcopali caractere insigniti videntur; *l)*
- d) in potestatis suæ exercitio ab Episcoporum semper pendebant arbitrio;
- e) unde et, cum limites sibi fixos transfilerent, a seculo IX. sensim abrogati sunt. *m)*

k) Omnium primo mentio eorum occurrit in Concilio *Ancyrano* an. 314. *can. 13*: frequentior postea e. g. in Concilio *Nicæn.* *I. can. 8* *Antiochæno can. 10*. Transiit mos in Ecclesiam latinam, quod exemplo *Armentarii* cujusdam ab Episcopatu depositi constat, de quo circa annum 439. teste *Thomassino* loc. cit. *P. I. lib. II. cap. I. §. 13*. in Concilio *Rheginensi* declaratum est: ut *et liceat in unam parochiarum suarum Ecclesiam concedere, in qua Chorepiscopi nomine fruatur.*

l) Circa *Ordinem* Chorepiscoporum Doctores in tres abeunt sententias, quarum una est eorum, qui eos supra Presbyteros non evehunt: altera, quæ Episcopis ordine, & potestate pares fuisse dicuntur: *tertia* denique duo Chorepiscoporum genera fuisse existimat, ita, ut alios quidem Episcopos, alios Presbyteros faciat. Primam defendit etiam *Gratianus Dist. 68. can. 4. 5*; alteram *Beveregius in Pand. can. Tom. II. in not. ad Concil. Ancyran. can. 13*. *Bingham, Orig. Eccles. vol. I. lib. II. cap. 14*. postremam *Petr. de Marca de Concord. Sacerd. & Reg.*

lib. II. cap. 13 Singularum argumenta examinat
Paul a Rigger cit. loc. §. 69. seq.

m) Vid. capitul. Caroli M. *lib. VI. cap. 369.* super-
sunt tamen in Germania quidam in dignitate
ecclesiastica constituti, qui hodieque Chorepis-
coporum nomine honorantur: sic in Ecclesia
Cathedrali *Trevirensi* quinque inter Canonicos
Capitulares, qui certis Ecclesiis seu Titulis sunt
adscripti, *Chorepiscopi* dicuntur. Alio sensu *Can-*
tores nomine Chorepiscoporum veniunt in Sy-
node *Coloniens 1260 Conf. Dist. 68. can. 5.*

III. Coadjutores Episcopis adjungun- tur

1) vel ad sublevandum, &

- a) ea omnia exercere possunt, quæ Episco-
pus aut non vult, aut omnino peragere
ratione ætatis, morbi &c. nequit; n)
- b) congrua etiam accipiunt pro modo admi-
nistrationis alimenta; o)
- c) & primum ab Episcopo in Dicecesi obti-
nent locum; p)
- d) *ad tempus* olim cum consensu Synodi pro-
vincialis vel Metropolitæ, & Principis ad-
fumebantur, nunc cum consensu Capituli
ab Episcopo, vel si hic mentis impos sit,
a duabus Capituli partibus adoptantur. q)
- n) Excipitur nominatim alienatio bonorum Ecclesiæ.
Cap. un. de Cler. agrot. in 6. & Cap. 42. de Elect.
in 6.
- p) Hæc enim conceduntur & Vicariis perpetuis
Ecclesiarum parochialium de redditibus Ecclesiæ,
cui deserviunt *Cap. 10. & 12. de præbend. æquum*
igitur

igitur est, ut Coadjutoribus Episcoporum non denegentur. *Cap. 3. 4. de Cler. agrot. & Concil. Trident. Sess. XXI. cap. 4. & 6. de reform.*

p) Relate ad extraneos praxis adrendenda est. vid. Zallwein loc. cit. *Tom. IV. pag. 179. Zech loc. cit. §. 297.*

q) *Cap. un. de Cler. agrot. in 6.*

2) Vel ad succedendum, &

a) a Pontifice constituuntur, r) ita tamen, ut jus eos designandi saluum illis maneat, qui alias vacante Sede electionis, aut nominationis jure pollent; s)

b) cum in Germania plerumque praecise ad succedendum dentur, invito Episcopo nullis se immiscere possunt negotiis;

c) vacante autem Sede mox, facta praevie inthronisatione, succedunt, nec administratio Ecclesiae ad Capitulum devolvitur. t)

r) Vi decreti Concilii *Trident. Sess. XXI. cap. 7. de reform.* quod ita sonat: *si quando Ecclesiae Cathedralis, aut monasterii urgens necessitas, aut evidens utilitas postulet Praelato dari Coadjutorem, is non alias cum futura successione detur, quam haec causa prius diligenter a Romano Pontifice sit cognita, & qualitates omnes in illo concurrere certum sit. quae a Jure, & decretis hujus sanctae Synodi in Episcopis & Praelatis requiruntur.* Conf. *Zech cit. loc. §. 293.*

s) Unde in Germania Coadjutor perpetuus constitui, nisi consensu Capitulorum, nequit, quorum juribus ad electionem Episcopi per Concordata firmatis Pontifex non vult praedicare, curantibus aliunde, ne id fiat, Imperatoribus vi capitulat. *Arr. 14.*

e) Sed si Coadjutum mori contingat, antequam expeditæ sint Romæ literæ Apostolicæ: vel expeditæ quidem, verum Episcopo aut Capitulo nondum exhibitæ, num sit locus dandus successioni? — Negat in casu priore Placidus Boeckn *lib. III. tit. 6. in fine*, quia deficit Coadjutoria, cui jus succedendi innititur: affirmat in posteriore: quia in Rescriptis gratiæ *Data*, non *Præsentata* tempus respicitur *Cap. 7 de Rescrpt.* Plura de Coadjutoribus vid. apud Schmier *tract. de Coadjutoribus*. Thomas. sin. cit. loc. *lib. II. P. II. cap. 55. seq. Leges de Coadjutoribus* e cit: Cod. Pruss. a communibus hactenus relatis haud differunt. Vid. *P. II. Tit. XI. Sect. XII. §. 1015. seq. de Coadjutoribus*.

IV. Vicarii Episcoporum. u)

1) Archipresbyteri: v) hi

- a) Seniores olim reliquorum erant Presbyterorum, hoc nomine jam a sec. IV. compellati; x)
- b) in functionibus ordinis sacerdotalis vicariam Episcopis navabant operam;
- c) publice pœnitentium curam agebant;
- d) Clericosque ceteros in sacris officiis dirigebant. y)

u) Vicariorum Episcopaliū non una est species: alii nempe vices Episcoporum gerunt in actibus ordinis: alii in iis, quæ ad jurisdictionem referuntur. Ad illos pertinebant olim 1) ex Chor. episcopis illi inprimis, qui Episcopali characterē insigniti erant. *n. preced. II.* 2) Archipresbyteri, quoad actus Episcopi ordinis Sacerdotalis. *tit. de offic. Archipresbyt.* 3) nunc adhuc Episcopi Suffraganei. *n. preced. I.*

6) Dum

e) Dum sec. VII. ut vult Thomas sin. cit. loc. *P. I. lib. II. cap. 5.* Diœceses in partes *circulos* plerumque vocamus, sunt *sectæ*, Archipresbyteri alii in *civitate*, alii *ruri* sunt constituti; illi appellabantur *urbicarii* seu *civitatenſes*, hi vero Archipresbyteri vel Decani *rurales*. *Cap. 4. & ult. de offic. Archipresb.* De prioribus hic agitur.

a) Apud Græcos vocabantur *Proto-presbyteri* Nov. 123. cap. 3. apud recentiores *Proto-papæ*. De his facit mentionem S. Hieronimus *epist. 4. ad Rustic.*

y) *Cap. 1. 2. 3. de offic. Archipresb.* plura eorundem enumerantur jura illaque adeo ampla, ut mirum non sit, cur Leo X. in bulla: *pro excellenti*: officium istud *majoribus* Ecclesiæ Cathedralis dignitatibus adnumeravit. Ceterum uoribus recentioribus munia Archipresbyteratus in Decanum Ecclesiæ Cathedralis ut plerumque sunt translata, auctoritate etiam aliquando majore, quam veterum Archipresbyterorum fuerat.

2) Archidiaconi 3)

a) a seculo item IV. noti, non secundum ordinationis *ætatem*, sed pro *meritis* ac *dexteritate* adsumti; a)

b) mere *vicariam* primum, mox & *ordinariam*, Episcopo tamen *ſubordinatam*, juris. dictionem acceperunt, b)

c) vi cujus visitare Diœcesim, examinare Clericos, eorumque minores decernere lites poterant, c)

d) ſalva tamen ad Episcopum *appellatione*, cui & cauſæ matrimoniales, beneficiales, & criminales reſervabantur; d)

e) hodie

e) hodie vero potestas eorum imminuta, jam non ex decretalibus, sed ex episcopalis *mandati* formula, aut *Dicecesium observantia* determinatur. e) Succedere ipsis **Vicarii Generales.**

2) Differentiam inter Archidiaconum, & Archipresbyterum tradit Fagnanus in *Cap. Ad hæc: de offic. Archidiacon.*

a) Occurrit eorum nomen jam apud Optat Milevit. de *schism. Donatist* lib. I. cap. 16. apud Sulpit: Severum *dial. II. cap. 1.*

b) *Cap. 7. de præbend. cap. 3. de appellat. in 6. cap. 34. de Elect. cap. 10. de offic. Archidiacon.* Inde vero est, quod in *Jure oculus Episcopi. Dist. 93. can. 6. u ejusque Vicarius natus, & in omnibus Cap. 1. de offic. Archidiacon. appellentur.*

c) Alia eorum jura vid. *Dist. 63 can. 1. cap. 1. & tot. tit. de offic. Archidiacon. item cap. 2. de excess. Prælat.*

d) Vid Concil. Trident. Sess. XXIV. cap. 20. de re form.

e) Limitationes potestatis Archidiaconalis, quæ jam de jure communi dantur, vid. apud Laurent de *Vicar. Episc. tract. IV. cap. 11. a quæst. 646.* Alia auctoritate Episcoporum accessit, e ita ut in multis Ecclesiis etiam nomen Archidiaconi exoleverit; vel remanserit quidem, at cum sola & simplici præminentia Sedis. vid. Zech cit. loc. §. 309.

3) Vicarii Generales: f)

a) hi potestate *ordinaria*, & simul *vicaria* ea omnia virtute *mandati generalis* possunt, quæ

quæ ad ordinariam Episcopi jurisdictionem pertinent, iis, quæ ex consuetudine aut Episcopi voluntate *mandatum speciale* exigunt, exceptis; g)

b) Ecclesiarum tamen varia est observantia, & sæpius *Consistoria* constituta sunt, quibus Vicarii generales præsidere, eorumque in rebus majoris momenti suffragia colligere tenentur; h)

f) Vocantur etiam 1) *Officiales*, uti *Cap. 2. de regular & Concil. Trident. Sess. XXIV. cap. 16 de reform*: quamvis hodierno usu nomen istud illis tribuitur, qui causas *matrimoniales*, & *Decimales* cognoscunt: illud vero Vicarii Generalis, ad eos spectat, qui alias jurisdictionis Episcopalis partes obeunt; 2) ad distinctionem Suffraganeorum, seu Vicariorum in Pontificalibus Vicarii Episcoporum in *Spiritualibus*: atque tales se jam seculo IV. deprehendere existimat Thomassin. cit. loc. *P. I. lib. II. cap. 7.* item Zech cit. loc. §. 312. sed enim certius est, eos post Synodum *Lateranensem IV.* usu magis, quam lege passim invaluisse, cum nimirum Archidiaconorum potestas vehementer diminuta esset.

g) Qua ratione potestas hæc *ordinaria*, & *vicaria* simul dicitur, vid. apud Schrodt ad *tit. de offic. Vicar. §. 647. seq.* Negotia a potestate Vicarii exempta recensentur *Cap. 4. de procurat. in 6. Cap. 2. & 3. de offic. Vicar. in 6.* item apud Zech §. 317. cit. loc. Huc Benedictus XIV. P. refert confessionem processus in materia Beatificationis, & Canonizationis *lib. II. de Serv. Dei Beatis. Cap. II. n. 9.*

h) Conf. Maur. Schenk cit. loc. §. 284. *Schol. 2.* Causas vi Sanctionis pragmaticæ Episcopalis de dato Nissæ 26. Octobr. 1699. cum Vicario Generali

nerali tum Consistorio Episcopali demandatas
vid. apud Joan. de Friedenberg in *Tract.*
de quibusdam Siles. Jur. lib. I. cap. X. §. 3. 19.

4) Vicarii foranei, Decani &c. i)

a) subjacent *Vicario Generali*, ad quem proin
& provocare licebit;

b) eorum vero potestas huc fere redit, ut
Curatos in Parochiis Episcopi nomine *in-*
vestire, aut investitos *introducere*, secundum
normam Synodi Tridentinae *visitare*, *mo-*
nere, ac si necesse sit, ad Episcopi Consisto-
rium *deferre* possint, ac debeant. k)

i) Hos alicubi *Plebanos*, *Commissarios* Episcopales
vocant, imo cum Archipresbyteris *ruralibus*,
quorum originem *n. preced. i. not. v.* indicavi-
mus, eosdem esse dicunt. Quoad Diocesim
nostram hoc discrimen passim intercedit: *Com-*
missarii Episcopales in *majoribus* Diocesibus
partibus pluribus Archipresbyteris praesunt, ip-
si immediate Vicario Generali subordinati: *Ar-*
chipresbyteri vero rurales in simplicibus Parochos,
& Curatos per *minores* Commissariatus ejus-
piam circulos jura quadam exercent. De qui-
bus vid. idem Joan. de Friedenberg cit.
loc. lib. I. cap. 10 §. 52.

k) Ubique Episcopi ipsi scripto investituram con-
cedere solent, Vicariis foraneis &c. nonnisi jura
introducendi investitum demandant.

§. VIII.

CANONICI, EORUMQUE CAPITULA.

I. Canoniorum Origo, et Nomen.

- a) Jam a primis Ecclesiæ ſeculis Episcopalis Ecclesiæ Clerici Senatum Episcopi conſtituebant; l) *...*
- b) nomen vero *Canoniorum* primum illis Clericis tributum, qui *Canoni*, ſeu Albo Ecclesiæ cujusdam inſcripti ſtabile annuatim exinde ſtipendium acceperere; m) poſtea illis proprium evaſit, qui vitam communem, certamque vivendi regulam ſeu *canonem* ſactabantur. n)

l) Fleury *Inſt. ꝯ. E. P. I cap. XVII. ꝯ. 2.* Bingham. *orig. Eccles lib. II. cap. XIX. ꝯ. 8.*

m) Hi opponebantur illis, qui Oratoriis privatorum, ac Magnatum, à quibus ſuſtentabantur, addicti, & ideo Canoni Ecclesiæ pro accipienda ſuſtentione adſcripti non erant. Concil. *Avernenſ. can. 15* Conf. Ant. Mathæi *de nobil. lib. II. cap. 33. p. 537.*

n) Teſte S. Ambroſio *epiſt. 82.* imo ipſo S. Auguſtino *ſerm 49. ꝯo. al. 355. 356.* Episcopus iſte *Hipponenſis* Clericos ſuos ad vitam communem & ſtatum perfectæ paupertatis ſublata omni proprietate reduxit, implemet veluti minimus inter eos verſatus; idem fecerat Euſebius *Vercellenſis* ſeculo IV. Aſt ſicut inſtitutum hoc præter quasdam Africæ non ad multas alias Ecclesias penetravit, ut vult Thomas ſin. *P. I. lib. III. cap. 7. ꝯ. 8.* Boehmer. *ꝯ. E. Tom. II. lib. III. tit. I. ꝯ. II.* ita coadunatis his

H 2

Clericis

Clericis nomen *Canonicorum* speciali in sensu, & cum exclusione *matriculariorum*, seu Ecclesie Episcopali, e cuius proventibus viverent, adscriptorum (*not. præced.*) haud assignatum fuit, sed omnibus adhuc Clericis matriculariis commune erat.

II. Vitæ canonicæ communis Institutum.

- a) Seculo VIII. *Chrodegangus Metensis* Episcopus Clericos suæ Ecclesie in unam societatem collegit, ut vitam communem, monasticæ non abfimilem, ducerent. o)
- Seculo IX. urgente *Ludovico Pio* in Concilio *Aquisgranensi* institutum istud ad alias Ecclesias cathedrales extensum est. p)
- b) Imitati exemplum postea sunt parochialium Ecclesiarum clerici, unde Capitula alia *cathedralia*, alia Ecclesiarum *collegiatarum*. q)
- c) Sed nauseabant jam seculo X. plurimi hocce institutum, & licet postea *Ivo præcipue Carnotensis* illud de novo, adjecta etiam alicubi religiosa paupertate, restaurarit, r) impedire tamen non potuit, quin a seculo XIII. bonis Capituli a bonis Episcopis separatis, abjecta communi vita, separatum quoque Corpus Capitula formarint. s)
- o) Hanc ad rem præscripsit regulam universim XXXIV. capitibus constantem, atque S. Benedicti regulæ, quantum cum aliis Canonicorum officiis componi potuit, non abfimilem, uti ex comparatione præcipuorum articulo-
rum

lorum utriusque apud Fleury *hist. eccles. lib. XXXII § 131. seq. lib. XLIII. 263. seq. edit. germ. Francoford. & Lipsiens.* clarum redditur. Et ab hoc tempore demum Clerici secundum Chrodegangi regulam viventes *Canonici specialiter* dicebantur. Du Fresne *glossar. voce Canonicus*. Quibus, cum in Ecclesiis majoribus mire crescerent, & Archidiaconus, aliis negotiis distentus ad eos regendos non sufficeret præfecti sunt *Præpositi* & *Decani* ad monasteriorum normam, in quibus sæpe plures Præpositi, & Decani suis Abbatibus, hi vero Episcopis subordinati inveniebantur. En originem præcipuarum ad nostram usque ætatem penes Ecclesias majores existentium dignitatum! Conf. *Zech Hierarch. eccles. Tit. XXX. a. §. 357.*

p) Videns nempe Ludovicus Pius Chrodegangi regulam non ab omnibus æque, nec quoad omnia capita observari, monet collectos Aquigrani an 816. Episcopos, ut novam conficiant, secundum quam impofterum Canonici vivere obligarentur. Committitur negotium istud Amalario Diacono *Metensi*, qui paulo post 145 articulos e Patribus, Canonibus, ac imprimis ex Chrodegandi regula haustos collegit ab Episcopis postea confirmatos ac ipsius quoque Imperatoris lege accedente sancitos. *Fleury hist. eccles. lib. XLVI. §. 23. seq.* ubi & argumentum regulæ istius accuratius expositum deprehenditur.

q) *Capitulum* locum designabat olim, in quem ad audiendum regulæ *Benedictinæ* caput Monachi quotidie confluebant; usurpata dein est vox hæc pro ipsis cœtibz ac Collegiis Canonorum; e quibus *Capitulares dicti* sunt, qui in iis sedis, & *suffragii jure* gaudebant.

*) Inde *Canonicorum regularium, & secularium* distinctio, Num S. Augustinus Clero suo singularem præscripserit regulam, quam *Canonici regulares S. Augustini* etiam nominati, sequuntur, incertum videtur pluribus. Verisimilius est nomen illud iis propterea datum, quod profitentes *paupertatem*, S. Augustini Clerum imitentur ad eandem colendam obligatum, (Conf. *Fleury hist. eccles. lib. XXIV §. 238 239. cit. edit.*) atque hujus consilii evangelici religiosa observantia a Chrodegangi Clero, & secundum normam Aquisgranensem viventibus Canonici distinctum.

*) Remanentibus solummodo quibusdam veteris disciplinae reliquiis, & indiciis, qualia sunt e.g. *annus claustralis*, seu strictæ residentiae: Canonici *Domicellares*, quasi novitii aut juniores: Prælatura *Scholastici* &c., *domicilia* prope Ecclesiam ad mentem S. Petri Damiani *lib. V. epist. 9.* alias 78. in qua exemplo Levitarum in circuitu Arce castra metantium ostendit, Clericos prope Ecclesiam, laicis non immixtos debere habitare.

III. Capitulorum cathedralium jura. t)

1) Sede vacante u)

- a) Episcopo successorem eligunt; v)
- b) interim vero in ejus jurisdictionem succedunt, iis, quæ ordinis Episcopalis, aut Personæ ipsius propria sunt, exceptis; x)
- c) non tamen res Ecclesiæ alienare, aut vacantis proventus sibi vendicare, vel de ejus juribus litem movere, aut prosequi possunt. y)

d) Capi-



- d) Capitulationes vero, seu pacta circa modum regiminis episcopalis, etsi ab Innocentio XII. irritatae, & a Leopoldo I. propter *abusus* varios reprobatae, hodie ex usu fere omnium Ecclesiarum, & valorem retinent, & commodum ferre possunt- z)
- t) Quae hoc loco de Capituli cathedralis juribus dicuntur, sua ratione locum pleraque habent in capitulis Monasteriorum, ut suo dicetur loco.
- u) Triplici modo Sedes Praelato defensore carere, ac vacare seu, quod idem est, *vacare* potest: 1) *de facto* tantum, 2) *de jure* tantum, 3) *de jure, & facto* simul. Vid. Zech cit. loc. §. 348. *seq. Tit. XXIX*
- v) Jus istud Episcopum *privative* eligendi obtinet imprimis in *Germania*, ubi a temporibus Caroli M. leves inter vicissitudines conservatum, Imperatorum constitutionibus firmatum, ac tandem per Concordata Capitulis cathedralibus, constanter assertum est Vid. *prolegom Cap. II. §. II n. III. Conf. Zech cit. loc. Tit. XVIII. §. 204 seq.*
- x) Jurisdictio Episcopalis ex decreto Concilii Tridentini Sess. 24. cap. 16. de reform. per Vicarium exercenda in Germania penes ea dicasteria, quae illam sede plena administrant, remanere consuevit. Interim per quemcunque exerceatur, restricta est adeo, ut in regimine ecclesiastico, politico, ac oeconomico plurima dispositioni ejus haud subjaceant, qualia in genere sunt ea omnia, quae singulari lege prohibentur, atque singillatim recensita videri possunt apud laudatum Zech cit. loc. *Tit. XXIX §. 348. us. que ad §. 355.*

γ) Attamen potest Capitulum vacante Sede contractus inire, qui ad conservanda Episcopatus jura videntur necessarii. Conf. cit. Cod. Pruss. P. II, Tit. XI Sect. 13. § 1050.

2) Capitulationes ejusmodi, quæ ut ait Benedictus XIV. cit. loc. lib. XIII. cap. XIII. §. 12, *quantum fortasse, cum primum inestæ sunt, ad publicam referrentur utilitatem; non ita multo post in executionem juris Episcopalis deflexere*: quapropter frequentissimis R. Pontificum decretis, ac ipsius etiam Caroli V. Imp. Constitutione an. 1522. sublata ac severe prohibita sunt. Idem cit. loc. §. 13. 15. seq. Excusat easdem nihilominus Petrus Gallade dissert. quæ exstat in *Thesaur. J. E. Tom. II. n. 17.* quod nimirum saltem vim *monitorum salutarium* habere possint. Jure nostro Capitulationes cum jam *electo* initas valere modo certis Prælati juribus non præjudicent, & fundamentalibus Ecclesiæ statutis non adversentur cit. Cod. cit. loc. Sect. 12 §. 999. 1000. 1001. asseritur: quod Innocentii XII. Constitutioni capitulationes cum *eligendo* initas irritanti consonum est, vid. cit. Benedicti XIV. loc. §. XXI.

2) Sede plena

a) Episcopus in rebus gravioribus ipsorum consensum, modo legitimo exquirere, a)

b) in levioribus vero consilium petere tenetur; ubi tamen Ecclesiarum consuetudines attendendæ. b)

3) Graviora negotia censentur: quæ concernunt præjudicium Ecclesiæ, vel Prælatorum, vel ipsius Capituli; & quæ ad Prælatum atque Capitulum simul pertinent. Quæ sint in specie, vid. Zech cit. loc. §. 336. Confer. §. 338. in quo de modo exqui-

exquirendi consensum agitur. *item Cod. cit. Pruss. §. 1032. seq. cit. P. Tit. Sect. 13.*

b) Levioribus causis adnumerantur c. g. institutio Abbatum, confirmatio electionum &c.

3) Ut Corpus peculiare constituunt,

a) proprios, etiam absque Episcopo, conventus agunt, de rebus Capituli decernunt, c) ac Syndico, & sigillo propriis utuntur.

b) Canonicos, varia tamen in variis Ecclesiis ratione, in sua Collegia adoptant. d)

e) *Res Capituli* dicuntur, quæ distinctas ab Episcopo rationes, & jura Capituli concernunt: circa has determinandas Capitulum independentem ab Episcopo agit, directionem gerente Decano.

d) De requisitis ad capiendam possessionem Canoniciatus vel Prælaturæ apud cathedralē Ecclesiam *Vratislaviensem* emanavit an. 1722 instructio Capituli Generalis; existat in *Tract. juridico pract. de quibusdam Silesiæ juribus* Joan. de Friedenberg. *Tom. I. lib. I. Cap. X. pag. 272.*

IV. Munia in Ecclesiis Cathedralibus præcipua sunt

a) *Præpositi*, qui reliquos dignitate antecedit; e)

b) *Decani*, Capituli Capitis, quantum ad Canonicorum directionem spectat; f)

c) *Primicerii, Scholastici, Custodis* &c. quæ hodie in solam præminentiam, seu ut ajunt, *Personatum* abierunt. g)

e) *Præpositi* in claustris *Monachorum* erant proximo post Abbatem loco, nonnunquam etiam in se-junctis ab Abbazia Ecclesiis; inde ad Capitula, per Chrodegangi regulam monasteriorum forma illis data. transferunt, iidemque saepe erant cum *Archidiaconis*; postea diuisa est in plures personas hæc potestas. *Præpositis* jurisdictione Episcopi in *Canonicos*, *Archidiaconis* in reliquos *Dioecelis Clericos* demandata. Jurisdictione dein spirituali in *Decanos* translata sola temporalis cura circa Ecclesiæ exteriora, honorumque administrationem illis relicta est. Vid. Concil. Colonien. an. 1260. cap. 12. Hac demum etiam levati sunt ita, ut *Præpositura* jam non nisi prima post Episcopalem sit dignitas, titulus perpetuus, beneficium irrevocabile.

f) Uti *Præpositorum* ita est *Decanorum* nomen & dignitas ex Abbatis transit ad Ecclesias Cathedralis, & Collegiatis, quarum Capitulis præesse solent *Decani* ita, ut *Canonici* cum *Decano* faciant *Capitulum*, *Capitulum* vero cum Episcopo constituat *Ecclesiam*. Officium eorundem, atque jura antiquiora colligimus ex Concilio *Coloniensi* an. 1260. cap. 9. vid. Zech cit. loc. §. 363. quæ, immutato etiam ab eo tempore Ecclesiarum statu nihilominus ad hodiernum morem accedunt, atque non tantum non imminuta, sed potius aucta videntur translata in eos potissima parte jurisdictionis, quam olim *Præpositi*, *Archidiaconi*, *Archipresbyteri* in *Canonicos* exercebant.

g) In *Præcæriorum* locum instituti videntur *Cantores*: quæ enim illorum erant vi can. I. §. 13. *Dist. XXV. Cap. un. de offic. Præcærii*, olim officia, & jura, hæc jam moderno usu istis competunt. Conf. Zech cit. loc. §. 364. Rigger cit. loc. P. II. §. 275. 276. De *Scholasticis* multa sapientissime constituta sunt can. 12 *Dist. XXXVII.*

XXXVII. Cap. 1. & 4. de Magistris, item Concil. Trident. Sess. V. cap. 1. de reform. sed pia hæc desideria explentur hodie per publicas Academias, & Cleri in Seminariis Moderatores. Custos ex jure decretalium, cap. 1. & 2 est subordinatus Sacristæ, & deputatus ad custodiendas res ecclesiasticas levioris momenti; ex consuetudine autem Ecclesiarum Germaniæ Custodi. qui in Cathedralibus Summus Custos dicitur. incumbit suprema cura custodiendi pretiosa vasa, vestimenta, & reliquum thesaurum Ecclesiæ. Convenit igitur Custos cum Thesaurario, habetque subordinatos sibi alios Clericos, & laicos, quos Vice-custodes, Sacristas aut adituos, dicimus. De reliquis dignitatibus, ac muniis in Ecclesiis Cathedralibus vid. Van Espen cit. loc. P. I. Tit. XI.

V. Obligationes Canonicorum

i) Generales:

- a) *professio fidei intra bimestre a die possessionis emittenda; h)*
- b) *in choro psallendum per seipsum, non per substitutum, juxta Concilium Tridentinum Sess. XXIV. cap. 12. de reform. horæ canonicæ recitandæ, ac residendum in loco Canonicatus, cui obligationi varia fructuum genera respondent. i)*

b) Jubente ita Concilio Trident. Sess. XXV. cap. 2. de reform.

- i) Conf. Neller dissert de varietate residentiarum canonic. exstat. Thesaur J. E. Tom. VI. n. 6. item Anton. Schmidt dissert. de varietate præbend. in Germ. ibidem Tom. III. n. 6. Add. decla.

declarationes ad cap. 12. Sess. XXIV. Concilii Trident ex recognitione Joannis Gallmart edit. Colon. an. 1726.

2) Speciales, ex statutis particularium Ecclesiarum:

- a) biennium studio Theologiae vel Juris Canonici in Academia transigendum; k)
- b) annus *claustralis*, seu strictae residentiae;
- c) anni *carentiae*, qui pro modo vario, quo fructus interim impenduntur, varia fortuntur nomina. l)

k) Supra (n III. 3. not d.) citata instructio Capituli Generalis Vratislav sequentia circa Studiorum durationem praescribit: *Si recipiendus in Canonicum non sit Silesius in Universitate aliqua Catholica approbata, & a Capitulo recepta, in una quatuor facultatum, nimirum Philosophia, Medicina Theologia. Jure Canonico vel Civili tribus integris, & continuis annis, sine ulla interruptione, & extra moenia illius loci pernoctatione, studium suum absolvissè & testimonium Gradus Doctoratus Licentiatum, vel Magisterii in forma illius Universitatis consueta expeditum habere debet.* — Patriotæ vero Silesii triennali studio opus non habent, sed ad actualem residentiam cum biennali studio, & gradu, aut cum triennali sine gradu admittantur.


l) Conf. Dürr *de annis carentiae dissert.* in *Thesaur. J. E. Tom. IV. n 5* item Cod. cit. Pruss. P. II. tit. XI. Sect. XVII §. 1125 — 1133. De omnibus Canonicorum officiis extat lectu digna anonymi cujusdam Ecclesiae Novionensis Canonici dissertatio: *Recueil de décisions importantes sur les obligations de Chanoines.* an. 1746.

VI. Dotes eorum:

- a) Ordo Subdiaconatus, saltem ut in Capitulo vocem habere queant;
 - b) Presbyteratus, item Doctoratus, aut Licentiatus gradus quoad dimidiam partem Canonicorum;
 - c) Doctrina, ac morum probitas;
 - d) dein Natalium, aut Nationis qualitates ab Ecclesiarum particularium statutis requisitæ. *m)*
- m)* Concilium *Trident.* has dotes gravissime commendavit *Seff. XXIV. cap. 12. de reform.* Fusi-
or de Canonicis notitia hauriri potest ex *Van*
Espen cit. loc. *P. I tit. 7 seq.* Conf. Cod. cit.
Pruss. Seff. 13. 14. 17. cit. loc.

VII. Capitula Cathadralia Germaniæ

- a) Germanica Nobilitate refulgent, ubi nimirum determinatus Majorum numerus, aut Imperii immediata Nobilitas requiritur; *n)*
 - b) sede vacante jurisdictionem territorialem, jus etiam *Austregarum* in hisce negotiis exercent; *o)*
 - c) ad Comitata insuper & Conventus Legatos mittunt, & suffragia ferunt. *p)*
- n)* Ratio hujus est, quia ex Canonicorum Germaniæ numero eliguntur Episcopi, qui S. R. I. Electorum, aut Principum dignitate gaudent.
- o)* Jus *Austregarum*, a germanico *Austrag*, est jus primæ instantiæ, seu vi cujus Status in perii in prima



prima instantia coram supremis Imperii Tribunalibus conveniri nequit; peidurat ex antiqua Germanorum consuetudine, ut quilibet a Patribus suis iudicaretur. Egit de jure hoc Ludolfus in *Jure Camerali pag. 33.* Statibus Germaniæ Capitulatione Imperiali art. XVIII, asseritur.

p) An etiam vacante sede jus suffragii in eligendo Imperatore, vel Comitibus, & Collegia Principum dirigendi habeant, controversatur.

VIII. Capitula Protestantica.

- a) In mixtis numerus Canonicorum, qui anno & die normali obtinuit, retinendus. q)
- b) Canonici Protestantici iisdem ac alii gaudent juribus, sed & iisdem salva ipsorum religione, obligationibus tenentur. r)
- c) In mensibus Papalibus vacantes Canonici non a Domino territoriali, sed a Capitulis conferendi verosimiliter videntur. s)

q) Prima dies Januarii an. 1624. normalis est.

r) Conf. Schenkl cit loc. § 333. Schol item cit. Cod. Pruss cit. loc. Sect. XX.

s) Dicta isthic de Ecclesiis Cathedralibus facile ad Collegiatas adtemperabis.

§. IX.

PAROCHI ET CURATI ALII.

I. Origo Parochorum seu Presbyterorum, qui minori cuidam fidelium cœtui cum subordinatione ad Episcopum præsunt t)

a) si

- a) si rem ipsam spectemus, ad Apostolorum tempora referenda videtur; u)
- b) auctus vero eorum numerus est, cum conversis sensim pluribus ad fidem populis Tempia, Oratoria, Capellæ &c. in civitatibus, pagisque crebrius extruerentur; v)
- c) in Collegia dein sub *Decanis* coierunt, unde suum *Capitula ruralia* nomen derivant; x)
- d) jurisdictio ipsorum *ordinaria* simul ac *viciaria*; y)
- e) institutio tamen *primaria* nihilominus a Christo ipso descendere, ac in hoc sensu recte etiam *divina* dici potest. z)

¶) *Parochorum* nomen apud Romanos eos denotabat, qui ligna cum sale i. e. omnia necessaria peregrinis præbebant, secundum illud *Horat. lib. I. Satyr. V.*

Proxima Compono ponti quæ villula,
testum

præbuit, & parochi, quæ debent, ligna
saleque.

Inde fortassis apud Christianos idem nomen datum est Presbyteris, qui alimenta spiritualia fidelibus administrabant. Quid per *parochiana* antiquiores intellexerint, dictum est. §. IV. n. I. not. 2. Conf. Zech cit. loc. §. 374. item *Dist. XCII. can. 5. 6.*

- u) Nam 1) postulavit *necessitas*, ut fidelium multitudo, quæ nec in copiosis urbibus, multo minus in villis & pagis temporibus persecutorum in unum locum, aut ad Episcopos in solis civita

civitatibus constitutos confluere potuit, in minores cœtus divideretur, quibus Presbyteri, aliquando his deficientibus etiam Diaconi præficebantur. Id in urbe Hierosolimitana factum vel inde jam colligimus, quod una die tria milia Christo nomen dederint, atque in oratione, & communicatione fractionis panis perseveraverint. Act. cap. II. quod sane divisim jam per orbem Apostolis, atque ea in urbe, in qua Christianorum conventus ubique infestabantur, omnesque eradicatos volebant, aut fieri non potuit, aut, cum factum negari nequeat, non nisi admissio Parochorum ministerio explicari poterit.

2) Testantur id gravissima antiquitatis documenta: ita S. Cyprianus inscribit *epist. 67. Felici Presbytero, Laico Diacono, ac populis eorum cura commissis*; de Diacono plebem regente loquitur Concilium Illiberitan, an. 313. c. 77. de Presbyteris raris Concilium Neocæsareense an. 314. c. 13. sed. vid. plura apud Auctorem *bonæ causæ Clericorum* &c. de an. 1768. Sect. I.

- v) Quod seculo IV. præcipue contigisse novimus data per Constantinum Imp. Ecclesiæ pacē, ab hoc tempore in majoribus civitatibus duplicis generis cæperunt esse Ecclesiæ, *maiores*, in quibus erant Episcoporum Cathedræ, *minores* seu tituli Presbyterorum, quibus accessere postea *rurales* in pagis constitutæ. Thomas sin. cit. loc. P. I. lib. II. cap. 21. 22. Novel. Justiniani. Imp. III. cap. 1, Epiphani. *hæres. 69.*
- æ) Differunt hæc Capitula *ruralia* a Capitulis Canonicorum *collegiatorum* in eo imprimis: quod hæc e Clericis pluribus uni Ecclesiæ *civitatenſi*, ut ajunt, adscriptis componantur, atque originem suam a sec. IX. Concilio *Aquisgranensi* repetant, *ſ. præced. n. II. lib. b. c.* illa vero complexum unius circuli Parochorum plerumque *ruralium*, aut etiam eorum, qui in oppidis animarum cu-

re destinati sunt, denotent, quibus Decanus ruralis seu *Archipresbyter* præest. Conf. §. VII n. IV 4 n^o i)

- y) Ideo *ordinaria*, quia ceu veri Pastores salva Episcoporum auctoritate ex officio gregis sui curam gerunt; *vicaria* vero, quia siquidem Episcopus solus posset, & vellet, per se ipsum exclusis Parochis universum gregem pascendi, & omnia Parochorum munia peragendi jus habet, hique solum in partem sollicitudinis vocati Episcopi vices gerunt.
- 2) Discipulorum enim septuaginta duorum typum gerunt Parochi, atque in eorum locum sunt constituti in Ecclesia. *Dist. XXI can. 2.* atqui Discipulorum institutio *divina* est. Luc. X. 1. ergo & Parochorum. Hæc est Theologorum Parisiensium sententia plurimis SS. Patrum testimoniis roborata. Vid. Gerson. *tract. de potestate eccles. considerat.* 12 item *tract. de Statibus Ecclesiæ* §. de statu Curatorum. Conf. Ludov. Habert *Theol. dogmat. Tom. VII. de Hierarchia Cap. VI. q. 2.* Nec juvat opponere: 1) Parochias, ut hodie sunt, templa quoque parochialia serius esse orta; 2) illum dare potestatem, qui populum & districtum designat. Nam non Ecclesia particularis ad essentiam Parochi requiritur, sed ut ex officio populum doceat, regat; designato populo & districtu objectum tantum ponitur, circa quod Parochi potestas versetur, certique constituuntur limites, intra quos se contineat. Néc *Diœceses* quidem, quales jam nunc sunt, prima Ecclesiæ ætate fuisse, ipsam quoque Episcopalem potestatem legitima solummodo confirmatione, ac consecratione acquiri novimus: an verò capropter divinam esse Episcopalem institutionem inficiari quispiam audeat?

II. Officia Parochorum.

- a) Oves suas agnoscere, ac juventutem imprimis publice & privatim instruere, scholisque invigilare pro viribus studeant; a)
- b) in prædicando Verbo divino, sacramentisque administrandis assidui existant; b)
- c) diebus saltem dominicis ac festivis pro grege suo sacrificium offerant; c)
- d) curam paternam pauperum, ac miserabilium personarum gerant; d)
- e) atque hæc aliaque his connexa per semetipsos, quantum fieri potest, impleant; e)
- f) si tamen *subsidiarios* habere necesse sit, & ipsis invigilare, eorum honori consulere, ac præcavere de cetero tenentur, ne oves suæ detrimentum capiant. f)

a) Concil. *Trident. Sess. XXIII. cap. 1. XXIV. cap. 4. de reform.* ubi instructio catechetica in singulis Parochiis diebus dominicis, & festis non tantum cum parvulis, sed & cum adultis instituenda præcipitur.

b) Concil. *Trident. ibidem, & Sess. V. cap. 2. de reform.*

c) Concil. *Trident. Sess. XXIII cap. 1. de reform.* quam obligationem post plures sacrarum Congregationum declarationes ita explicat Benedictus XIV. ut Parochi, vel Vicarii perpetui, aut temporales applicare debeant Missam parochialem pro populo diebus dominicis, & festis, in quibus est obligatio audiendi Missam. Vid. Bullarium Benedicti XIV. P. I. *Constit. 103.*

d) Concil. *Trident. cit. loc. Add. Oberhauser Specimen cultioris Jurispr. eccles. Cap. V. §. 5. ubi*

ubi illustria planè enarrat exempla, quibus ad implendum istud officium Parochi moveantur.

- e) Præcipit istud Concilium *Trident. cit. locis* eo graviorius, quo certius *ordinarie* plus utilitatis sperari potest, siquidem Parochus per semetipsum officiis hisce satisfecerit. Vid. *Van Espen cit. loc. P I Tit. III cap 5.* Nec obstat regula juris 68 in 6 *potest quis per alium, quod potest facere per seipsum*: hæc enim tam universalis haud est, ut etiam ad ea negotia pertineat, in quibus *personæ industria singulariter est electa.* Cap 43. de *offi. jud. delegati* Cap. 12. de *eodem* in 6. Conf. *Math. X 1—13.*

- f) Concil. *Trident. Sess XXI cap. 4 de reform.*

III Dotes ad hæc officia explenda necessariæ sunt

- a) ætas illa ad Sacerdotium requisita; g)
 b) doctrina tanto muneri sufficiens; h)
 c) morum honestas, vita, fama que immaculata; i)
 d) professio fidei intra bimestre a suscepta Parochia emittenda; k)
 e) perpetua in loco Parochiæ residentia; ut ipsis ultra bimestre sine gravi causâ abesse ab Episcopo non concedatur. l)
 g) Sacerdotium vigesimum quartum ætatis annum completum exposcit. *Trident. Sess. XXIII. cap. 12.* ejusdem ætatis debere esse illum, cui Parochia confertur, idem Concilium *Sess XXIV. cap. 12. de reform.* decrevit; cui decreto consonat declaratio *Congregat. Concil. Interpret. an. 1601. 12. Febr.*



- h) *Cap. 3. de instit. Trident. Sess. VII. cap. 13. de re-
form.* Inde vero est, quod cura Seminariorum,
in quibus Clerici ad animarum salutem promo-
vendam educarentur, omni aetate, ac præcipue
in Concilio *Trident. Sess. XXIII. cap. 18* impen-
sissime commendata sit Episcopis; ut ibidem ni-
mirum, juxta Concilii *Cabillon II. c. 3. & litte-
ra, & solertia disciplinæ, & sacra scripturæ do-
cumenta discantur, atque erudiantur tales, qui-
bus merito dicatur a Domino: vos estis sal terræ.*
- i) *Vehementer enim Ecclesiam Christi destruit meliores
laicos esse, quam Clericos. Caus. VIII. c. 21 q. 1.
Conf. Trident. Sess. XXV. cap. 14. de reform.*
- k) *Trident. Sess. XXIV. cap. 12. de reform.*
- l) *Idem Sess. XXIII. cap. 1. de reform.* De reliquis Pa-
rochorum dotibus agitur passim in Theologia
Pastorali, qualem edidit e. g. Pittroff. Sei-
ler. Gütschütz, & alii. Quoad Silesi-
am Sanctione Pragmat. Episcopali de an. 1699.
26. Octob. §. 7. cum illos &c. singulariter cau-
tum est: ne ullus Sacellanorum ad Parochiam ca-
nonice instituitur, nisi prius, excepto ubi aliud
graves rationes, & circumstantiæ suaserint, per
biennium, vel aliquot annos assiduitatem, & capa-
citatem suam in vinea Domini excolenda luculen-
ter, cum exhibitione testimonii vitæ, & conversa-
tionis probaverit.

IV. Jura eorundem.

- a) Omnia, confirmatione, & ordine excep-
tis, Sacramenta administrant; m)
- b) festos dies, jejunia, indulgentias &c. de-
nuntiant; n)
- c) bap-

- c) baptizatorum, nubentium, defunctorum cathalogos, qui fidem publicam habent, conficiunt; o)
- d) decimas, aut congruam, item jura stolæ, absque omni tamen severitate, aut avaritiæ suspicione, exigunt; p)
- e) jurisdictio tamen ipsorum forum *internum* non excedit. q)

m) Confirmationis, ac Ordinis sacramenta conferre Episcoporum est: reliqua olim a Parochis administrabantur; postea vero cum facultate prædicandi verbum divinum sacramentum quoque pœnitentiæ administrandi potestas Regularibus etiam concessa est, Baptismi, Viatici, extremæ unctionis, Sacramenti Matrimonii administratione, iisque omnibus, quæ administrationi huic arctius adhærent, Parochis relictis. Vid. Jos. Vicecomes *de rit. Baptismi lib. I. cap. 3.* Concil. Trident. Sess. XXIV cap. 13. *de reform.* Clement. I *de privileg.* Catechismus Roman. P. II. *de Sacram. extrem. unct. §. 21.*

n) Barbosa *de offic. & potest. Parochi P. II.* Wiestner *§ E. tit de Parochis art. 2.*

o) Qua ratione Cathalogi hi confici, quid in iisdem præcipue exprimi debeat: docet cit. Cod. Pruss. P. II. Tit. XI. Sect. VI. §. 481. usque ad §. 503.

p) De decimis, aliisque præstationibus suo loco agitur. Quod jura stolæ adtinet: hæc a Simoniz labe immunia vix esse asseriebant quidam de sanctitate Cleri religiosus, ac de sua solliciti. Sed enim salva res est, siquidem qua lege jura stolæ præstentur viderimus. Nempe ubi Ecclesiæ bona ad alendos congrue Ministros non sufficiunt, membrorum ejusdem est aliunde providere; cit. Cod. cit. P. & Tit. Sect. IV. §.

464. Satisfaciebant olim Christiani huic officio per oblationes spontaneas, quæ postea in necessitatem tractæ, consuetudinis nomine defensæ, ac Principum in religionis integritate præcipuum salutis publicæ fulcrum spectantium legibus firmatæ sunt; ibidem *Sect. VI. § 423 seq.* eodem ergo fere titulo, quo ad sustentandos pro dignitate Reipublicæ Ministros subditi e rebus suis conferunt, jura quoque stolæ exsolvant; quod eo minus simoniacum dici poterit, quo apertius est: non pro functionibus ipsis spiritualibus, sed occasione earundem præstationes has fieri. Ceterum nimium rigorem in iisdem exigendis præcipue relate ad pauperes adhibendum non esse a Parochis, rectissime monet *Clemens XIV. in Bulla ad Episcopos Sardinie.*

¶ Inde vero patet ratio, cur *Cap. 2 & 3 de Parochis; Cap. 12. de pœnit. & remiss. Can. 1. Caus. XIII q. 1. Can. 6. Distinct. LXXI* plura Parochis denegentur jura. Subjungendæ hic de singulis quibusdam Parochorum classibus notiones: sunt enim quidam Parochi *primitivi* seu habituales, ad quos redditus & jura Parochie tantum temporalia — alii *principales*, & actuales quidem sed non residentes, ad quos præter temporalia, etiam spiritualia jura pertinent. Conveniunt hæc nomina Rectoribus Collegiorum, aut Monasteriorum, quibus Ecclesiæ parochiales unitæ seu incorporatæ sunt, ac proin pro unionis vario gradu, ex *chartis incorporatio-*nis desumendo, alterutro illi nomine compellantur. Alia, quæ ex lege civili nostra Parochis competunt, jura ac officia vid: cit. *Cod. P. II. Tit. XI. sect. V. usque ad XI.*

V. Parochorum Vicarii, ac Curati reliqui

- a) eadem fere munia ac officia cum Parochis habent;
- b) si Vicarii perpetui sint, iisdem & juribus saltem spiritualibus gaudent, ac jure tituloque Beneficii fruuntur, nec absque causa canonica amoveri queunt;
- c) ab his tamen Cooperatores, Capellani &c. distinguantur oportet, a nutu Parochorum unice in quibusdam locis dependentes, quibus proin nulla jura his in vitis competunt, r)

r) Vi Sanctionis pragmat. Episcopalis Nissæ 26. Octob. an 1699. datæ §. II. & V. in Diocesi nostra Parochus auctoritate sua Capellanum nec sibi dare nec remove audeat.

§. X.

CLERUS ET PRAELATI REGULARES. r)

I. Regularium Origo, et Progressus.

- a) Jam a primis Ecclesiae seculis Ascetæ occurrunt, sanctioris vitae proposito a reliquis fidelibus distincti, t) occasione Decianæ persecutionis aucti, & a solitaria vita *Monachi* appellati; u)
- b) seculo IV. duce Pachomio in caeteros collecti, dictique *Cænobitæ*, dein agente Basilio M. in ipsas urbes accersiti; v)

- c) seculo VI. S. Benedicti Regula per totum fere Occidentem diffusa ingentem certe, fatentibus ipsis A catholicis, Reipublicæ etiam civili, sicut & rei litterariæ præstitit utilitatem; x)
- d) variis dein ex hac ipsa regula ortis Congregationibus y) nova etiam a seculo XI. accessere *Carthusianorum* ac *Præmonstratensium* instituta: z) postmodum occasione Cruciatorum *Ordines* etiam *equestris* invaluerunt; a)
- e) a seculo XIII. autem *Ordinum mendicantium* institutione, reformatione, & immutatione regularium *Ordinum* numerus increvit adeo, ut hodie jam nullus absque Pontificis confirmatione admittatur. b)
- s) *Regulares* dicimus illos fideles, qui editis perpetuz obedientiæ, paupertatis, & castitatis votis secundum regulam ab Ecclesia approbatam sub regimine ecclesiastico particulari ad perfectionem Christianam tendere obligantur. Cont Fleury *instit. J. E. P. I. cap. XXI. §. I, not. c.*
- e) Qui tamen rarius adhuc sese in sylvas abdiderunt, quin potius inter homines viventes sine voto vitam philosophicam amplexi sunt, testibus Tertulliano *lib. II. de cult. femin. cap. 9.* & Origine *advers. Celsum lib. V. pag. 264.* Non deerant tamen, qui, seu ut ascetism eo liberius colerent, seu etiam ex temperamento ad solitudinem proclivi asceticæ vitæ solitariam adjungere, ut exemplum Narcissi docet apud Eusebium *lib. VI. hist. eccles. cap. 9.*
- e) Sic Paulus persecutionem Decii fugiens, adulescens confugit in desertum Thebaidos, ibique mansit

mansit usque ad an. 113. ætatis suæ. *Cassian. instit. lib. II. cap. 5.* Hunc sequuti sunt alii, quorum maximum numerum Antonius collegit, quem adeo primum fuisse tradunt, qui discipulis communem vivendi morem in desertis inculcavit, atque ad Essæorum instituta quodammodo composuit. *Fleury hist. eccles. lib. IX. §. 193: collat. ad §. 17. seq. Introduct. hist. eccles. Sect. I.*

- v) Pachomii vitam, regulam, monasteria, discipulos refert *Fleury cit. loc. lib. X. §. 265. 266. & lib. XV. §. 199. seq edit. germ. Francoford: in 4.* De Basilio loquitur S. Gregorius Nazianzenus *Orat. 20. in laud. Basilii* his verbis: *Cum solitaria vita, & ea, quæ societate gaudet, ut plurimum inter se dissiderent, ac pugnant, neutraque omnino vel commoda vel incommoda sua pura & impermixta haberet — præclare eas inter se reconciliavit, ac permiscuit.* Quæ vero occasione, quibusque legibus datis id perfecit: vid. *Fleury cit. loc. lib. XVII §. 286.* de variis autem ab hoc jam tempore Monachorum generibus *Zech cit. loc. tit. XXXIII. §. 413 414.*

- x) Vita cænobitica studiis S. Athanasii inprimis, ac Hieronymi in Occidentem quoque propagata, (vid. *Zech cit. loc. §. 408. seq*) quia certa, & constanti regula caruit, arbitrio Abbatum multum relaxata fuit; ne igitur penitus dissolveretur, S. Benedictus circa an. 530. novam regulam scripsit *discretione præcipuam, sermone luculentam*, ut ait S. Gregorius *Dialog. lib. II cap. 36.* quam qui sequebantur, *Benedictinorum* appellationem obtinuerunt, atque tanta in æstimatione fuerunt, ut reliquis ad institutum eorum cum Conciliorum decretis, tum Regum Capitularibus accedere jussis, (vid. *Zech cit. loc. §. 417. not. 90.*) a seculo VIII. pene soli per

totius Occidentis Monasteria invenirentur. Principua S. Benedicti regulæ capita vid. in Fleury *hist. eccles. lib. XXXII. §. 131 seq* De Benedictinorum aliorumque Monachorum in Ecclesiam, & Rempubicam meritis egit ex Acatolicis inter ceteros Aikin *dissert. ex angl. in germ. versa*: Haben die Klöster auch ihren Nutzen?

- 1) Circa finem seculi IX. & initium X. ex irruptionibus Barbarorum, aliisque causis virtus monastica gravissimam jacturam passa est. Fleury *inst. §. E P. I. Cap. XXI. §. 10.* item Concil. *Troisjan. an. 909 cap. 3* apud Harduin. *tom. VI P. I. cap. 3 col. 510.* Ad eam reparandam munificentia, & pietate Wilhelmi Aquitaniz Ducis monasterium *Cluniacense* in Burgundia an. 910. fundatum est, ejusque regimen Bernoni Abbati *Belmensi* conceditum. Is reformationem novam aggressus puriorem S. Benedicti regulam, paululum immutatam fundamenti loco posuit. Ejus successor S. Oddo rem plene perfecit, cujus præsertim opera ad duo millia cœnobiorum restituta scribuntur. Abhinc nomen *Ordinis Cluniacensis* innotuit. Verum quo latius Ordo hic propagatus est, eo magis alumni ejusdem a pristino fervore recedere visi sunt. Fleury cit. loc. §. XII. Unde alii Viri sancti non tantum antiquum regulæ Benedictinæ rigorem restituerunt, sed novis etiam additis legibus munierunt; inter hos eminent Romualdus *Camaldulensium*, Gualbertus *Vallis Umbrosæ* Robertus, ac Bernardus *Cisterciensium* ordinis seculo XI. auctores. Conf. Fleury cit. loc. §. XIII. Tamburin: *de jurib. Abbat. tom. II. disp. 24. q. 5. n. 15. 20.*

- 2) Hactenus relati Ordines S. Benedicti Regulam, quoad pauca solummodo capita immutatam, sequebantur; alii propriis plerumque, aut saltem a Be

a Benedictina diversis Constitutionibus regebantur Tales sunt 1) *Carthusiani* a Brunone Sec XI. instituti. Conf. Fleury *hist. eccles. lib. LXIII § 50 seq.* 2) *Canonici regulares S. Augustini* ad vitæ communionem, quæ quondam inter omnes Canonicos vigeat (§. præced. VIII. n. II. lit. a. not. r.) porro retinendam Conciliorum Romæ sub Nicolao II. & Alexandro II. seculo XI. habitorum decretis vocati, atque secundum Chrodegangi regulam viventes, cui ex S. Augustini instituto (§. cod. n. I. not. n.) paupertatis lex, aliaque, ut ipsi volunt, plura ex ejusdem ad Sanctimonialia regula, quæ habetur in S. Augusti *epist. 211.* adjecta sunt 3) *Præmonstratenses* auctore S. Norberto an. 1116. *Præmonstrati* monasterii in diocesi Laudanensi fundatore, eidem, ut Canonici regulares S. Augustini regulæ subjecti, atque habitu, tum novis quibusdam legibus ab illis distincti Fleury *inst. J. E. cit. loc. §. 3.*

a) Celeberrimus erat quondam Ordo militum templi seu *templariorum* ab Hugone de Pagannis, & Gaufrido de S. Audemaro an. 1118. conditus, in Concilio *Viennensi* an. 1312. a Clemente V. Pontifice urgente Philippo Pulchro Galliarum Rege prorsus extinctus. Superfunt adhuc duo præcipui, *Equitum* nimirum, *hospitaliariorum S. Joannis & teutonicorum S. Mariæ.* Omnium trium originem distincte refert Wilhelmus Tyrius *de bello sacr. lib. XII. cap. 7. & lib. XVIII. cap. 5.* De ceteris eorundem fatis egit Paulus Rigger *dissert. singulari Oeniponti* an. 1744. Ceterum idem ardor rei christianæ inserviendi in Occidente quoque plures ordines ad formam trium prædictorum, præcipue in Hispania produxit, quos recenset Aubert. Miræus in *orig. equest. ord. lib. I. cap. VI. seq.* Andr. Mendo *de ord. militar. Conf. Fleury cit. loc. §. 5.*

b) Ord.

b) *Ordinum mendicantium* celebriores sunt 1) *Dominicanorum*, 2) *Fratrum minorum*, 3) *Carmelitarum*, 4) *Eremitarum S. Augustini*, quorum omnium origo ad sec. XIII. referenda est. His jam in cætus plures divisus accesserunt seculo XVI *congregationes novæ Clericorum regularium, Theatinorum*, item *Societatis Jesu*, aliæque. Vid. Theodor. Rüprecht *not. histor. in univ. jus. can. ad lib. III. tit. XXXI. §. 1 & 2*, Conf. Fleury cit. loc. P. I. cap. XXII. Paul a Rigger cit. loc. P. II. Tit. XXXI. usque ad XXXV pag. 386 seq. De orig. *Virginum ecclesiasticarum*, quæ *moniales* postea dictæ, vid. idem eod. loc. §. 530. *Fratrum conversorum*, Zech cit. loc. §. 420. de qualitatibus olim in *Monachis* requisitis Fleury cit. loc. §. 7. Paul de Rigger cit. loc. §. 550.

II. Regularium Obligationes.

- a) In genere omnes exacto integro & continuo probationis anno præstitis obedientiæ, castitatis, ac paupertatis votis obligantur; c)
- b) pro *Ordinum* tamen varietate ad diversam quoad modum tenentur disciplinam; d)
- c) vi *Tridentini* ad Professionem annus decimus sextus sufficit, etsi alicubi a Principibus ætas magis adulta exigatur; e)
- d) quodsi quis professionis suæ firmitatem impugnare conetur, non nisi intra *quinquennium* a die professionis vi *Tridentini* audiatur, & tum solum, si rationes suas coram *Superiore suo*, & *Ordinario* deduxerit; f)


e) porro

e) porro, siquidem obligationibus suis satisfaciant Religiosi, non innoxios solum, sed & utilissimos, & ecclesiasticis etiam muneribus aptissimos esse usus, & experientia docet. g)

c) Id ex data n. *praced. I. not. s.* Religiosi notionem sequenti ratione deducimus: Regularis proficitur studium perfectionis Christianæ acquirendæ: hæc vero non præceptorum tantum, sed etiam Consiliorum observatione absolvitur, juxta illud Math. XIX. *Si vis ad vitam ingredi, serva mandata, — si vis perfectus esse, vade, vende, quæ habes — Et veni, sequere me*; tria autem præ reliquis ad hunc finem aptissima sunt Evangelii consilia a Christo proposita, nempe perpetuæ castitatis Math. XIX. 11. 12. paupertatis ibid. 21. & Luc XIV. 33, obedientiæ Luc. IX. 23. igitur ad eorum observantiam Religiosus omnino obligatus est. Ne vero a perfectionis semita recedere unquam audeat, firma sit, oportet, satis hæc obligatio: talis per solum propositum hominis, aliunde inconstantis, non efficitur, nec per extrinsecam potestatem, cum Consilia non cadant sub præceptum; ergo voto firmari debet tali, quod Religiosum in statu immutabili constituat, atque ab Ecclesia acceptatum pro utroque foro tam interno, quam externo obligationem producat. Votum tale *solemnē* dicitur, gravissimosque post se effectus trahit: quibus ferendis num Candidatus par futurus sit, *Magister novitiorum* tempore probationis diligenter examinare debet. Quam diu tempus probationis, seu *Novitiatus* durare debeat vid. in Concil. *Trident. Sess. XXV. cap. 15. de regular.* Conf. Rigge'r. cit. loc. P. III. §. 564 seq.

e) De accidentali hac Ordinum religiosorum differentia egit integro tit. XXXV. cit. loc. Zech.

e) Conf.



e) Conf. Concil. *Trident. Sess. XXV. cap. 15. de regular.* item cit. Cod. Pruil. cit. P. Tit. Sect. XVIII. §. 162.

f) Decretum Concilii *Tridentini* huc de re editum est *Sess. XXV. cap. 19. de regular.* Conf. Fagnan: ad cap. 1. de his, quæ vi, & mer Cardinal. de Luca *discurs. 41 de regular.* Certum ordinem pro causis super nullitate professionis regularis mature discutiendis, & valide definitis præscribit Benedict. XIV. in constit. *Si datam.* Plura de Regular. obligat. vid. in Concil. *Trident. Sess. XXV. de regular.*

g) Maur. Schenk1 cit. loc. §. 318. not. Conf. *an. not. ad §. 136. lib. XXXII. hist. eccles. Fleury* edit. germ. Francoford. Tom. V. item ejusd. *Insh. E. cap. XXV. §. 7.*

III. Exemptiones.

a) Cum a seculo VI. Monachorum solitudo turbaretur, hi quieti suæ consulturi sæpius petitam a *Lege diocesana* immunitatem ab ipsis Episcopis impetrabant; h)

b) a seculo XI. vero ad XIV. usque exemptiones ab omni Episcoporum spiritali potestate invaluerunt, quæ tempore schismatis *Avenionensis* majora capiebant incrementa; i)

c) actum deinceps de iis revocandis in Concilio *Constantiensi*, sed irritum successu, donec in Synodo *Tridentina Sess. præcipue XXV.* ad æquam satis redactæ sint moderationem; k)

d) illud certe optimum, si fixis per *Pascha* Episcopum inter & Monasteria exemptionis
nis

nis & jurisdictionis limitibus quies ac tranquillitas restitueretur. 1)

b) Sicut ab initio Monachi fere omnes fuere laici, teste Thomas sin. cit. loc. *P. I. lib. II. cap. 40. 41.* ac ceterorum more in Ecclesiis parochialibus offerebant, *can. 6. caus. XVI. q. 1.* imo Justiniani adhuc ævo a Clericis distinguebantur *lib. I. II. Cod. de Episc. & Cler.* ita quoque, ut ceteri fideles, Episcopo paruerunt. Thomas sin. cit. loc. *P. I. lib. I. cap. 48 P. II. lib. I. cap. 38. seq.* A seculo VI. immunitates quasdam, & privilegia indulta monachis reperimus, quæ refert Gratianus *Caus. XVIII. q. 11.* At eorum aliqua supposititia sunt: in ceteris vero nihil aliud impertitum deprehenditur, atque libera Abbatibus electio, & immunitas a certis oneribus realibus, quæque Monachorum quietem turbabant: salva interim canonica Episcoporum in Monachos & Abbates jurisdictione. Posthæc multi Episcopi, Monachorum pietate tacti vel ipsi eadem indulserunt, vel ut Romæ exemptionem impetrarent, auctores fuere. vid. *præceptum Pipini apud Baronium ad an. 755. n. 29.*

c) Causæ frequentium adeo exemptionum erant 1) Episcoporum incuria, qui aut Principum aulas, aut castra sequuti de spirituali Regularium gubernatione parum solliciti fuere. 2) Vexationes, quas ab iisdem non raro Religiosi passi sunt. Vitiis immerfi Episcopi, clerusque secularis existimationem eam, quam Regulares sanctiore vita apud populum sibi comparaverant, ægrè admodum ferebant; quapropter incrementis eorundem impedimenta struere, bona Monasteriorum in luxus proprii nutrimentum convertere, quorumque virtutem imitari arduum videbatur, disciplinam saltem perturbare quavis occasione data attentarunt. Conf. *Epitom. hist. eccles. Period. IV. P. II. cap. I. n. III. §. 13.* 3) Pontificum

eum Romanorum, quorum plures ex humili Religiosorum statu ad supremam Primatus Ecclesiæ dignitatem eveſti, ſingularia Ordinum Regularium in Eccleſiam, ac Sedem Roman. merita noverunt, aut ſtudia non vane ſperabant benevolus in eosdem animus. Conf. Thomas ſin. cit. loc. *Tom. I. lib. III. cap. 29.*

- *) Graviffima exemptionum incommoda graphice deſcribit S. Bernardus *tract. de morib. & offic. Episcop. cap. 9.* S. Franciſco etiam minime gratum fuiſſe, ut Monachi ab Episcopali obedientia hujusmodi privilegiis ſe ſubtraherent teſtatur Eminentiſſimus Baroniſ ad an. 676. n. 5. Sed hæc Fundatorum placita filiis non placebant: quapropter plura Concilia ſollicitam operam impenderunt, ut mutuis Episcoporum & Exemptorum querelis finem imponerent. Vid. P. Oberhauser *cit. lib. cap. IV. §. 6.* In Concilio *Conſtantienſi* demum abrogata ſunt omnia privilegia tempore ſchiſmatis obtenta; verum quia excipiebantur 1) quæ in ipſa fundacione fuiſſent conceſſa: 2) quæ data fuiſſent aſſenſu eorum, quorum intererat (Thomas ſin. cit. loc. *P. I. lib. III. cap. 39 §. 4*) abrogatio hæc optato effectu caruit. Perdurarunt igitur exemptionum incommoda uſque ad Concilii *Tridentini* tempora, in quo jam ſerius, ac efficacius de revocandis, moderandisque exemptionibus actum eſt. Germaniæ quidem Episcopi, Principesque exemptiones omnes tollendas eſſe cenſuerunt, ut ex *art. IV.* ab eis Synodo *tridentina* de reformatione oblato conſtat: ſed intererant, ut ſcribit Cl. Barthel in *annot. ad Jur. Can. lib. I. tit. 29.*, Abbates & Generales Ordinum, qui ſuis inſiſtenter privilegiis, utpote, quæ non gratuita, ſed remuneratoria affirmabant. Quia tamen ipſi agnoverunt Eccleſiæ diſciplinam ſic non poſſe ob ſecularium exemptiones ſuſſistere, in pluribus caſibus delegata eſt ipſo jure Episcopis juridiſtictio, quæ majora

jura postea ex variis Pontificum Bullis incrementa obtinuit. Vid. Pechem *cit. loc. § 591. seq.* Oberhauser *cit. loc. pag. 316* ubi singillatim recensentur casus, in quibus Regulares Episcoporum potestati subduntur. *Apologiam exemptionum in se suscepit Pallavicini hist. Concilii Trident. lib. XII. cap. XIII § 8.*

- l) Egregium hujusmodi pacti exemplum habemus in Silesia primum ab an. 1666. quo inter quatuor Cisterciensium Abbates, *Lubensem nempe Grissoviensem, Camencensem, ac Raudensem, & Episcopum Wratislaviensem*, postea ab an. 1677 quo inter universum Cisterciensium Ordinem in diocesi Wratislaviensi, & Episcopum *Fridericum* controversia circa visitandas ecclesias parochiales horum Religiosorum, & puniendos earum administratores, alique exemptionum capita ita composita est: ut relicto Abbatibus jure puniendi expositos, siquidem ratione suæ concreditæ Ecclesiæ parochialis qualitercunque delinquerent, Episcopus facultatem retinuerit Ecclesias parochiales, dictis Abbatibus subjectas, sive per se, sive per Vicarium visitandi. *Concord: inter Wratislaviens: Episcop & quatuor Abbates Ord. Cisterc: in Siles. de dato Wratislav. an. 1666 in Cod. Siles. item instr: transactionis cum Ord. Cisterc. ab anno 1677. Wratislav:*

IV. Abbatum Prærogativæ, & Jura.

- a) Præcipuus ab antiquissimis temporibus Abbatibus honor habitus est, & tributa sæpe in Conciliis *suffragii decisivi potestas;*
m)

K... b) Secta

- b) Seculo XI. Pontificalibus etiam ornati n) in suos jurisdictionem quasi episcopalem exercent; o)
- c) casus sibi quosdam reservare, quos tamen Clemens VIII. ad undecim retrinxit, p) ac cum subditis in casibus quibusdam *dispendare* queunt; q)
- d) subditis propriis ac professis Ordines minores conferunt, r) vestes, vasaque sacra *beneficiunt*; s)
- e) quidam eorum privilegio, aut praescriptione saltem immemoriali in Clerum & populum jurisdictionem quasi episcopalem sunt consequuti; t)
- f) tandem in Germania plures immediati sunt Imperii status, voto in Comitibus, & singularibus quandoque officiorum palatinorum honoribus eminent, ac ante S. R. I. Comitibus Proedriam faventibus Imperii legibus tenent. u)

m) Vid. cap. II. praecognit. §. I. n. III. i. not. l) item P. I. cap. I. §. II. n. III. not. y) Adde: in Concilio jam Constantinopolitano an. 448 sub Flaviano celebrato 23. Archimandritas iudicio 30 Episcoporum contra Eutichen calculum addidisse.

n) Primus mitrae pontificalis usum ab Alexandro III. obtinuit Egelsinus Abbas monasterii S. Augustini prope Cantuariam: dein vero is in jus ferme commune Abbatum evasit adeo, ut conquesti sint Episcopi, quod in Synodis nulla amplius inter Episcopos & Abbates mitra gaudentes esset distinctio. Quare ex decreto Clementis IV. usus mitrae in conciliis ita determinatus.

minatus fuit, ut *exempti mitras auriphrygiatas, sed sine gemmis lamisque aureis vel argenteis: non exempti vero simplices albas, & planas porterent.* Van Espen cit. loc. P. I. tit. XXXI. cap. 6.

- o) Cap. 7 de offi. jud. ordinav. & cap. 2. de sent. excommunicat:
- p) In bulla, quæ incipit: *Ad futuram rei memoriam.* Conf. Pichler. *7 Can. lib. I. Tit. XXXI. §. III. n. 21.*
- q) Quæ tamen dispensandi facultas ad substantialia regularis vitæ non extenditur. Si enim illa quæ bases sunt, ait Concil. Trident. Sess. XXV. cap. 1 de Regular:) & fundamenta totius regularis disciplinæ, exacte non fuerint conservata, totum corrumpat ædificium, necesse est.
- r) Concil. Trident. Sess. XXIII. cap. X. de reform. Conf. declarat: capiti huic annexæ.
- s) In quibus nimirum chrisma, aut unctio non intercedit: ea interveniente, non nisi ad suas ecclesias. Decret: S. Congregat: rituum sub Alexandro VII. de die 27 Sept. 1659, nisi specialis a Pontifice facultas accedat. Vid. Zech cit. loc. §. 468 not. 21.
- t) Etiam præscriptione 40. annorum titulo colorato munita jurisdictionem hanc quasi episcopalem acquiri posse putabant multi secundum cap. 15. de præscript. At in celebri controversia, quæ Episcopum Herbipolensem & Abbatem Fuldensensem diu multumque inter se commisit, an. 1721 leviuscula hæc præscriptio a Congregatione Cardinalium ut insufficiens declarata fuit. Vid. Bulla Benedicti XIV. infallibili.
- u) Schenkcl cit. loc. §. 322. not. 2. Zech §. 469.

V. Prælatorum Regularium Officia.

- a) Constanter in Monasteriis, quantum fieri potest, resideant, & non solum per Decanos aut Priores, sed per seiplos maxime regularem disciplinam inter suos verbo & exemplo promoveant;
- b) Bona Monasterii per se & selectos prudenter Oeconomos administrent, ac subditis de honesto victu & vestitu provideant;
- c) studia bonarum Artium, & Scientiarum mediis optimis provehant;
- d) consilium & consensum aliquando Seniorum Conventus, aliquando Capitularium omnium, ad Juris & Statutorum normam, exquirant. v)

r) Peraccommode Prælatorum Regularium officiis, mores, ac dotes depingit libellus supplex a Monachis Fuldensibus Carolo M. contra Abbatem suum porrectus: „Optabamus veritatem, & concordiam cum Abbate nostro habere, sicut cum anterioribus Abbatibus nostris habuimus: & misericordiam, & familiaritatem, pietatem & modestiam in illo sentire: ut esset benignus infirmis, propitius delinquentibus, assiduis fratribus, maestorum consolator, laborantium adjutor, benivolorum auxilior, bene certantium hortator, lassorum refocillator, cedentium sustentator, cadentium restaurator: omnes fratres amaret, nullum odiret, nullum zeli vel livoris dolo persequeretur: fieretque non turbulentus vultu, non anxius animo, non nimius in iudicio, non obstinatus in consilio; sed hilaris facie, latus mente, discretus in opere, consentiens in utilitate, & quando aliquis de fratribus præoccupatus fuerit in aliquo delicto,

non statim tyrannica vindicta illum excruciet, sed misericorditer disciplina corrigere festinet, conversumque clementer suscipiet, nec prava suspicionem denuo illum fatigabit neque perpetuo odio exterminabit Vid. tom. I Concil. Germ. pag. 404. Plura de Abbatum Juribus, atque Officiis inveniuntur apud Ascanium Tamburinum de *Jure Abbatum* Carolum Scribanum *Superior religiosus*; in *Regula S. Benedicti* praesertim cap. 2. Conf. Cod. cit. P. II, tit. XL Sect. XII.

CAPUT II.

NEXUS ECCLESIAE CUM CIVITATE.

§. I.

FINES UTRIVSQUE POTESTATIS IN GENERE.

I. Duo sunt, Ecclesiae nimirum & Civitatis, *summa* in suo ordine ac naturaliter *diversa* Imperia; x) ita, ut

- a) Rectores Civitatis, ceu Ecclesiae membra, in rebus sacris *ecclesiastico*, y)
- b) Rectores vero Ecclesiae, ceu membra Civitatis, in civilibus *civili* subjaceant imperio; z)

K 3 c) utri-

c) utrique vero Imperantes finem sibi subiectæ Societatis mediis sibi propriis, & servato recto ordine promovere teneantur. a)

e) Ex cap. I. præcognit. §. I. n. V. lit. d. not. k) ibid. §. II. n. IV. lit. a b. c. not. g) b.) Apertissima est hunc in locum Justiniani Imp. sententia Novel. VI. Maxima quidem in hominibus sunt dona Dei a superna collata clementia, Sacerdotium & Imperium: & illud quidem divinis ministeriis, hoc autem humanis præsidens, ac diligentiam exhibens: ex uno eodemque principio utraque procedentia, humanam exornant vitam.

4) Ita Gelasius P. in epist. 8. ad Anastasium Imp. scribit: Duo sunt, Imperator Auguste! quibus hic mundus principaliter regitur, auctoritas sacra Pontificum & regalis potestas. Nosti enim fili clementissime! quod licet præsidens humano generi dignitate, rerum tamen divinarum Prasulibus devota colla submittis Neque aliter senserunt Imperatores Christiani ipsi: Constantinus e. g. Imp. teste Ruffino hist. lib. I. cap. 2 aperte faterur: Deus vos constituit Sacerdotes, & potestatem vobis dedit de nobis quoque judicandi, & ideo nos a vobis recte judicamur.

5) Idem Gelasius Pontifex ad verba mox citata addidit: Quantum ad ordinem disciplina publica cognoscentes Imperium tibi collatum, legibus tui parent ipsi quoque religionis antistites. Apud Harduin: tom. IV Concil. col. 1182. Subjectionis hujus specimen insigne dedit Gregorius M. P. lib. II. epist. 62 ind. II. ita Imperatori scribens: Ego quidem jussioni subiectus, eandem legem per diversas terrarum partes transmitti feci, & quia lex ipsa Omnipotenti Deo minime concordat, ecce per suggestionis meæ paginam serenissimis Dominis meis nuntiavi. Utroque ergo, quæ debui, exsolvi, qui & Imperatori obedienti.

am præbui, & pro Deo, quod sensi, minime tacui. Huc passim S. Pauli ex epist. ad Rom. cap. XIII. v. 1 referri solet; in quem S. Chrysoft. homil: 13 ita commentatur: Omnis anima potestatibus sublimioribus subdita sit. Etsi Apostolus esses, etsi Evangelista, & Propheta etsi quisvis alius. Neque enim hæc subiectio pietatem subvertit. At cum nec iuribus Præsulum Ecclesiasticorum legitime acquisitis advertari debeat, consequitur: eandem ad illas civiles causas extendendam non esse, relate ad quas immunitatem a jurisdictione seculari sibi competere probare possunt.

- a) Quis Ecclesiæ finis sit? cap. I. præcognit. §. I. n. V. & not: b) diximus. Civitatis scopum in beatitudine externa, quæ conservatione imprimis & securitate civium absolvitur, consistere, dudum Juris publici universalis Doctores demonstrarunt. Conf. lib. Baro de Martini de jur. civ. cap. I.

II. Cum vero Salus spiritualis supremam hominis felicitatem constituat, b) imo verum Reipublicæ bonum esse non possit, quod illi reipsa contradicat; c) hinc rectus ordo exigat, ut si fors in utriusque fori negotiis collisio quædam appareat,

- a) finis Ecclesiæ fini politico,
- b) necessaria Religionis necessariis Civitatis,
- c) utilia illius utilitatibus hujus,
- d) atque idem gradus accidentalis etiam utilitatis aut damni in illa æquali saltem gradui in ista præferatur;

K 4 (c) in

c) in quorum graduum determinatione non unius præcise sententia standum, sed utriusque partis iudicium expetendum erit. d)

b) *Felicitatem* in genere vocant statum voluptatis perdurantis; illamque *veram*, ac *maximam*, quæ ex veri boni, ac maximi cognitione oritur, & perpetuo durat; maximum vitæ hujus bonum in conscientia virtutis situm est. quæ ad infinitum post mortem possidendam, ad Deum tendimus. At virtutis exercendæ, Deique perpetuo videndi non nisi animus noster immortali capax est: igitur non nisi animi salus supremæ hominis felicitas dici meretur: *omnis alia hoc habet*, ait Boetius Met. III v. 7. *Stimulis agitur, fruentes, apiumque par volantum, ubi grata mella fudit, fugit, & nimis tenaci ferit ista corda morfu* Conf. Joan. Georg. Feder. Untersuchungen über den Menschlichen Willen III. Theil. I. Abschn. 1. 2. Hauptstück.

e) Sicut animo valeat, oportet, ille, qui corpore valet: ita spiritali virtutis dulcedine perfundatur animus; necesse est, qui fortunis hujus vitæ, quas civile Imperium inprimis respicit, (n. præced. not. a) recreari cupit.

d) Ne nimirum alterutra pars in propria causa iudicem agere videatur, aut salutis & utilitatis publicæ obtentu, quo nihil frequentius, nihil varius, alterius partis jura violentur. *Status imperii*, ait Gregorius VII. P. lib. I. epist. 19. *gloriosus regitur, & sanctæ Ecclesiæ vigor solidatur, quum sacerdotium & Imperium in unitate concordie conjunguntur.*

III. Ceterum nec civilis Majestas in ipsa sacra, nec Ecclesia in temporalia jus quoddam seu

seu *directum*, seu *indirectum*, sibi poterit vendicare, e) sed

- a) negotia *Religionem* proxime ac animarum salutem spectantia ad *ecclesiasticam* tantum;
- b) *civilia* vero, seu quæ ad felicitatem mere temporalem referuntur, ad *politicam* private pertinent potestatem; f)
- c) *mixta* autem, seu quæ disciplinæ, aut potestatis ecclesiasticæ simul ac civilis rationes involvunt, aut *separanda*, si fieri possit, aut *mutuo consensu* definienda, nisi diuturna jam possessio, immemorialis præscriptio, vel observantia rem decidendi potestatem uni parti adjudicet. g)

e) n. *præced. I. Conf. Natal. Alexand. disert. hist. eccles. tom. IV. pag. 109. & tom. VI. pag. 213.* Fuerunt quidem aliquando, qui mutuam hanc utriusque potestatis independentiam negabant — jam ecclesiasticam civili subicientes (vid. *præcognit. cap. I. §. II. n. IV. lib. b. not. b.*) jam ab ecclesiastica civilem aut *directe*, aut *indirecte* dependere affirmantes; Prima opinio tempore præsentis a Luthero reformationis inchoatæ perurgeri capit. Vulgatum tunc est illud famosum: *cujus est regio illius est religio*; ex quo collegerunt, potestatem ecclesiasticam indivulso nexu cum civili imperio cohærere. Vid. Huberus *de jur. civit. lib. I. sect. V. cap. II. §. 13.* De hac opinione in *præcognit. cap. I. §. II. cit. mox loc. actum est.* Inter auctores alterius recenset Bellarminus *de Rom. Pontif. lib. V. cap. 1.* Augustinum Triumphum in *Summa de potest. eccles. Quæst. I. art. I.* Alvarum Pelagium *lib. I. de planctu Eccles. cap. 13.* Hostiensium in *cap. quod super his, de voc.*

Et vot. redempt. Aliosque adversus quos egregie ipse Bellarminus cit. loc. disputavit. Postrema Bellarmini ipsius est sententia, quam cit. loc. *lib. V. cap. 6* his verbis proponit. *Asserimus, inquit, Pontificem ut Pontificem, esse non habeat ullam mere temporalem potestatem, tamen habere in ordine ad bonum spirituum summam potestatem, disponendi de temporalibus rebus omnium Christianorum.* Verum nec ista sententia placuit Ludov. Elia Dupinio de antiq. Eccles. disc. *diff. VII.* Natali Alexand. *hist. eccles. secul. XVII. diff. V.* Benigno Bosueto in *defens. declarat. Chri Gallic. P. II. lib. IV.* aliisque, quorum ad argumenta Bellarmini responsiones examinat Rigger cit. loc. *P. I. §. 190. seq.*

f) Ideo enim distinxit Christus, ait Nicolaus II. in epist. ad Michaellem, *actus, officia, & dignitates Pontificis; & Imperatoris; ne aut Imperator jura Pontificis aut Pontifex jura Imperatoris presumeret usurpare.* Nihilominus innumera antiquitatis docent monumenta potestatem utramque, sacram & profanam, sæpe vel expresse vel tacite consentiente, aut indulgente altera, quædam, quæ sui fori non erant, ordinasse: „nempe inquit Bosuetus, utriusque potestatis sancta societas postulabat, ut altera alterius munia in speciem usurparet eo jure, ut amicorum rebus utantur; his certe omnibus communi societate, & consensione valituris, ex quo patet, ex factis historicis non semper liquere utriusque potestatis limites posse figi.

g) Seculis, IV. V. VI. imo ferius, cum comitia politico - ecclesiastica sub Francorum Regum imperio celebrarentur, causæ mixtæ rarius separabantur: sed sæpius aut Regis judicio, aut Ecclesiæ Præfulum tantum sententia definebantur quia neutra pars periculi quidpiam, juribus suis

ab altera parari metuebat. Divisiones illæ causarum tunc primo necessariæ magis visæ sunt, cum potestates suis minus contentæ aliena jura, invita etiam parte altera, sibi arrogare, atque mixtis causis non ad communis boni rationes decidere, verum magis ad privatæ utilitatis augmentum detorquere ceperunt.

IV. Hoc utriusque Imperii limite fixo, rectoque ordine servato

- a) Religio, præprimis *christiano catholica* præcipuum erit Reipublicæ fulcrum; *h)*
- b) Principum vero auctoritas ipsi Ecclesiæ in salvandis fidelium animis mirum præstabit adjumentum; *i)*
- c) Sicque, dum mutuas sibi utraque potestas porrigit manus, cives ad temporalis, & æternæ vitæ salutem securo tramite perducuntur; *h)*
- d) prout contra rupto limite, ordineque neglecto, certum perdendæ felicitatis discrimen, ipsa experientia teste, consequetur.

h) Afferuerunt id de religione in genere jam ipsi Ethnici, Cicero e. g. lib. I. de nat. Deor. cap. 2, ubi gravem hanc sententiam protulit: *Pietate adversus Deum sublata fides etiam & societas humani generis, & una excellentissima virtus justitia tollitur.* Quid vero Respublica sine justitia? audiamus Lactantium de ira Dei cap. 12. n. 3. seq. *Religione & justitia detracta vel ad stultitiam pecudum amissa ratione devolvimur, vel ad bestiarum immanitatem; imo vero amplius, siquidem bestia sui generis animalibus percunt. Quid erit homine truculentius, quid inimicis, si*

deus

demto metu superiore vim legum aut fallere potuerit aut contemnere? Timor igitur Dei solus est, qui custodit hominum inter se societatem, per quem vita ipsa sustinetur, vivitur gubernatur. Quanto magis hæc de religione *Christiana* valent! quæ 1) Principibus etiam discolis, non modo propter iram, sed etiam propter conscientiam obediendum esse docet; 2) ab occultis etiam legum transgressionibus proposito omniscii & iustissimi remuneratoris Dei timore ac amore avocatur; ac 3) quo religiosiores christianos, eo ceteris paribus meliores cives, milites, conjuges, parentes, filios, servos, Reges, iudices, denique debitorum reditores, & ipsius fisci exactores efficit. S. August. *epist. 5 ad Marcellin.* Sed nulla quidem Religio efficaciora promovendæ salutis publicæ media suppeditat, quam *christiano-catholica*, in qua præsto est 1) infallibile controversiarum fidei, ac morum magisterium, quod libidinem opinandi, & dissidia in religione, indeque facillime oritur turbas civiles præpedit; 2) fori & interioris & exterioris ecclesiastici ad civilia etiam officia urgens autoritas. 3) apparatus religionis externæ radium etiam animos ad internum pietatis, & iustitiæ amorem inflammans. Conf. *Timoth. Cæsarini Basilii politica catholica lib. II* Rectissime igitur negatur: rempublicam Atheorum diu subsistere posse. Vid. *Storckhau Philosophie der Religion. tom. 1.*

- 5) Ut exempla piorum Imperatorum Constantini Theodosii, Caroli M. Ludovici Pii Regis abunde testantur: qui 1) immorigeros & religionis etiam inimicos compescendo, 2) ecclesiasticas leges civilibus, addita non raro ad spirituales poenas temporali, roborando effecerunt. ut homines prius timore, vel dolore ad servanda officia coacti, postea doceri potuerint, aut quod jam verbis didicerunt, opere sectari, ut ait S. August. in *epist. 50. ad Bonifac.*

k) Suf.

2) Sufficiens id ex malis illustratur, quæ discordias inter Bonifacium VIII P. & Philippum Pulchrum in Gallia; reformationes ita dictas Josephi II. Imp. in Austria & provinciis hereditariis: denique violenta recentiorum Legistratorum contra Ecclesiam decreta in ipsa denuo Gallia consequuta sunt.

V. Duo jam ex hisce præmissis præcipua utriusque Regiminis jura ac officia deducuntur; nimirum

- a) ex eo, quod ab amico Civitatis & Ecclesiæ Rectorum fœdere nascitur, commodò recte postulatur, ut una potestas alteram mediis sibi propriis tueatur ac foveat, quod Jus advocatiæ dicitur; *advocat*
- b) Ex eo, quod per sacræ profanæque potestatis abusum causatur, detrimento jus pariter oriatur & obligatio, ut utriusque Imperii Rectores *attendere* sibi ac *cavere* possint & debeant, ne una ab altera societas lædi, ac in boni sibi proprii promotione impediri queat, quod Jus cavendi appellatur.

VI. Patet igitur

- 1) ex parte Rectorum Ecclesiæ
- a) *jus cavendi*, ne civilis potestatis abusu salutis animarum periculum creetur; *l)*
- b) *jus exigendi*, ut bona *temporalia* sustentandis Ecclesiæ ministris, & cultui divino eterno necessaria subministrantur; *m)*

c) *mu;*

e) *munus adhortandi*, urgendique fideles; ut legibus civilibus studiose obtemperent. n)

l) S. Ambrosius eximium constantiae exemplum dedit, qua Ecclesiae Praefules ius istud adhibere oportet. Vid. apud Rigger cit. loc. P. I §. 176. *Schol* At nemo certe illud fortius exercuit, quam S. Gregorius VII. contra nefarios Henrici IV. Imperat. in Ecclesiam ausus. *Conf. Biographia critica Gregorii VII. P. M. Augustae & Colonia 1792.*

m) Dignus est enim operarius mercede sua ab illo in primis praestanda, in cuius emolumentum opera cedit; sed Ministri Ecclesiae, dum religionem curant, salutem reipublicae promovent; *n. praeced. IV.* ergo ecclesiastica potestas pro illis sustentationis media, ut eo liberius negotiis sacris vacare possint, a republica exigendi ius habet. Juri huic correspondens officium adeo perspectum erat antiquitus Christianis: ut non moniti temporibus persecutionum per oblationes spontaneas; data Ecclesiae pace per decimas, legata, donationes eidem satisfacere studiosissime contenderent. Inde Ecclesiae bona potissimum originem suam repetunt; quae ne in usus profanos cum Religionis detrimento convertantur, Ecclesia jure exigit (ut suo loco videbimus) Legislatores ipsi civiles cavent. Vid. Leonis Imp. constitut. in L. 14. C. de SS. Eccles. Justiniani *Novel. VII & CXX. ad caus. X. Q. 2. can. 2.* apud Rigger cit. loc. §. 442. *Conf. cod. Pruss. cit. P. tit. XI. Sect. IV.*

n) Secundum exemplum a Christo Math. XXII. 21. a S. Paulo ad Rom. XIII. 7. a S. Petro I. epist. II. 13. rectoris datum.

2) Ex parte Rectorum Civitatis

- a) *jus cavendi*, ne obtentu Religionis damnum Reipublicæ inferatur;
- b) *jus advocatiæ*, ut Ecclesiam ab injuriis vindicent, ac bonis & mediis temporalibus sustentent;
- c) *jus munusque adhortandi*, ac pænis etiam civilibus urgendi Christianos, ut Ecclesiæ leges fideliter observent. o)

o) Rectissime monet S. Leo P. *epist. 81. Regiam potestatem non ad mundi regimen solum, sed etiam maxime ad praesidium Ecclesiæ esse collatam. Resque, ut ait epist. 33., aliter tuius esse non posse, nisi quæ ad divinam confessionem pertinent & Regia & Sacerdotalis defendat auctoritas. Apud Gratian. Caus. XXII. Q. V. can. 21. add. cit. loc. can. 20. Neque immerito id quidem; nihil enim religione ad salutem publicam efficacius, nihil utilius; (præced. n. IV. lit. a. not. h.) prima semper scelerum, atque ex his in rempublicam irruentium malorum, causa erant heu! naturam nescisse Deum; quare, cum Civitatem salvam reddere ad Principum officia pertineat, Ecclesiam quoque defendere, atque ad servanda ejus præcepta mortales impellere, eorum erit. Præclare ad rem dixerat Valerius Maximus de Romanis lib. I. cap. I. Omnia namque post religionem ponenda semper nostra civitas duxit: etiam in quibus summæ Majestatis decus conspici voluit. Quapropter non dubitaverunt sacris imperia servire, ita se humanarum rerum futura regimen existimantia, si divina potentia bene, atque constanter fuissent famulata. Plura hac de re vid. apud Rigger cit. loc. §. 428. 429 Barthel de jur. reform. antiqu. art. 8. Schenk cit. loc. §. 336, Schol. 2.*

§ II.

FINES UTRIUSQUE POTESTATIS CIRCA
RELIGIONEM.

1 Cum Religionis essentialia vero civitatis bono obesse nullo modo possint, *p)* Jus cavendi circa hæc Principi frustra adstruatur; *q)* sed mero jure Advocatiæ & Protectionis

- a) Rectorum Ecclesiæ in definiendis essentialibus libertati & auctoritati pro viribus consulit; *r)*
- b) illos ad Concilia seu particularia seu generalia, necessitate id exigente, convocat, Primatæ v. c. dubio aut mortuo; vel si eundem ac ceteros Ecclesiæ Pastores ea convocandi prompta sine legitima causa voluntas aut sufficientia media deficient; *s)*
- c) Definitiones & Decreta illorum exemplo suo, & legibus firmat, eorumque executionem promovet; *t)*
- d) doctrinam Ecclesiæ ac veræ Religionis contrariam doceri prohibet, *u)* ac ut cives rite a doctoribus Religionis erudiantur, mediis quoque civilibus urget; *v)*
- e) libros, de quorum heterodoxia Ecclesia pronuntiat, sua quoque auctoritate proscribit, exterminatque; *x)*
- f) Subditos a vera Religione pertinaciter dissentientes, præsertim si seductionis periculum immineat, jure civitatis privat, aut

aut ad alia territorii sui loca transfert, mitiora tamen semper pro rerum adjunctis remedia præferendo; y)

g) vana de Religione litigia vexasque scholasticas reprimit, ac utrique parti, donec Ecclesia deciderit, silentium imponit. z)

p) Essentialia enim seu *dogmatica* a Deo ad salutem hominum spirituales revelata, proin *vera* (Theol. dogm. t.) ac augendæ felicitati externæ apprimè idonea sunt *n. preced. II not. c.)* aut fasne credere, Deum præpere posse Ecclesiæ ea, quæ fini potestatis civilis, cuius ipse quoque auctor est (ad Rom. XIII v. I.) adversentur? Conf. *preced. n. IV. lit. a.) not. h)*

q) Quod solummodo in detrimento per abusum potestatis ecclesiasticæ Civitati causando rationem sufficientem habet. Vid. *preced. n. V. lit. b.)*

r) Istud fuisse primorum Imperatorum propositum, quoties ad Concilia legatos mittebant, aut collectis Episcopis præsidia dabant, patet ex *epist. Theodosii, & Valentiniani ad Synodum Ephesin:* supra *Cap. I §. I n. IV. not. s)* citata. Perstatum nimirum habebant 1) se non interpretes & iudices, sed, ut monet S. Augustin: *epist. 43. 50. custodes legis divinæ esse;* 2) adempta Episcopis in definiendo dogmate libertate, eos non quod veritas, sed quod necessitas postulaverit probaturos; proin 3) definitiones eorum utpote a veritate fidei alienas Reipublicæ minime profuturas. *preced. §. I. n. IV. lit. a)* 4) labefactata eorum auctoritate vanos futuros conatus, quos, ut lex civilis ab omnibus studiose servetur, ex officio suo (*preced. §. I. n. VI. l. lit. c.)* impensuri sunt.

3) Dictis in casibus posse Principes concilia convocare supra *Cap. I. § I. n. IV. not r)* 2.) indicavimus; probant idipsum plerique 1) ex principis *preced. § I. n. IV. & V. lit. a)* 2) ex innumeris Principum factis, quorum principia recenset Rigger *cit. loc. P. I. § 431 Schol* imo ipse etiam Fridericus Imperator an. 1169. ad Concilium Papiense, teste Radero *lib. I. cap. 64* scribens: *Quamvis noverim officio ac dignitate imperii penes nos esse potestatem congregandorum conciliorum, praesertim in tantis Ecclesiae periculis: hoc enim & Constantinus & Theodosius, nec non Justinianus, seu recentioris memoria Carolus M. & Otto Imperatores fecisse memorantur, auctoritatem tamen detinendi hujus maximi & summi negotii vestrae prudentiae, vestraeque potestati committo. Deus enim constituit vos sacerdotes, & potestatem vobis dedit de nobis quoque judicandi:* 3) ex ingenuis non nullorum Pontificum Romanorum precibus, quibus apud Imperatores pro habenda Synodo supplicarunt; unus sufficiat nobis Leo P. in *epist. 9 ad Theodotium Imp. Pro integritate fidei, inquit, christianum Principem convenit esse sollicitum. — Unde si pietas Vestra suggestioni ac supplicationi nostrae dignetur annuere, ut intra Italiam habere jubeatis Episcopale Concilium. Ne vero jus hoc Principum illi praedecet. quod Cap. I. § I. n. IV. lit. e)* Primatui essentiale diximus, addunt: 1) gravioris periculi casum apertum adesse, ac 2) Principes, ut recte animadvertisse videtur Fridericus Imp. in textu mox allato, in definitionem dogmatis se se nullatenus ingerere debere; utpote quos non latet sanctae Ecclesiae dignata, ut ait Gregorius II. P. in *epist. ad Leonem Isaurum Imp. apud Harduin: Tom. IV. col. 10. non Imperatorum esse sed Pontificum, quae tuto debent dogmatizari; Ecclesiis praefectos esse Pontifices a Reipublica negotiis abstinere*

nentes, ut & Imperatores similiter ab ecclesiasticis abstineant, & quæ sibi commissa sunt, capeant.

- e) Conf. §: præced. n. VI 2 lit. c.) Elegantissime S. Augustinus contra Cresconium lib. III. cap. 51. inquit: *In hoc Reges, sicut eis divinitus præcipitur, Deo serviunt, in quantum Reges sunt, si in regno suo bona jubeant, mala prohibeant, non solum quæ pertinent ad humanam societatem, verum etiam quæ pertinent ad divinam religionem.* Hanc ad se curam pertinere fatentur ipsi quoque Imperatores: *In hoc mihi præcipue, dicit aperte Constantinus episcopus ad ecclesias de Synodo Nicæn: apud Eusebium de vita Constantini lib. III cap. 17. elaborandum esse existimavi, ut a sanctissimis Ecclesiæ catholicæ populis una fides, sincera charitas, & consona erga Omnipotentem Deum religio servaretur.*

- f) Doctrinam veræ Religionis contrariam spargendi licentia errores diffundit, disensum in Religione parit, qui odia inter cives suscitatur, ac alit, ut olim jam experientia teste notavit Juvenalis *Satyr XV. 33 seq.* Præterea qui religionem veram, docendo contraria, oppugnat, præcipuum Reipublicæ fulem suffodit. §. præced. n. IV. lit. a) At Principum est civium animos ad communem Reipublicæ finem arctius conjungere, atque, quæ huic adversantur, impedire, §. præced. n. III. lit. b.) item n. I. lit. c.) eorum igitur etiam erit veræ Religionis contrariam doctrinam prohibere.

- g) Ex Religionis veræ ignorantia perniciosissima & Ecclesiæ, & Civitati mala Atheismus & Superstitio promanant. Rigger cit. loc. P. I. §. 44. prolegom. Quapropter tum sacræ scripturæ textibus epistolæ ad Tit. et Timotheum. tum Concilii Tridentini. Sess. V. cap. 2. de reformatione decretis Episcopis primario munus instruendi in religione populum, aut si ipsi impediuntur, idoneos hanc

in rem Verbi divini prædicatores constituendi, ineptos removendi, negligentes, etiamsi a jurisdictione Episcopi quavis ratione exemptos se esse præzenderent, censuris ecclesiasticis ad officii sui observantiam adigendi potestas demandata est. Conf. etiam cit. Cod. Pruss. P. II. tit. XI. Sect. III. §. 121. imo & Seminariorum, ac illarum in Universitatibus Facultatum, quæ educandis religionis Doctoribus præcipue destinatæ sunt, cura & inspectio commissa: Concil. Trident. Sess. XXIII. cap. XVIII. de reform. — Instruction für die Priester des Königlich Schuler-Instituts in Schlesien dd. 11. Decemb. 1774. pag. 3. 4. 5. Sed enim plurima non raro intercedere solent, quibus Episcoporum studia huic officio diligentissime etiam impensa minus efficacia redduntur: ergo vi juris advocatæ §. præced. n. V. lit. a.) ad potestatem civilem pertinebit civilia adungere media, quibus ignorantia hæc religionis ab utriusque Reipublicæ limitibus quam longissime arceatur.

- *) Minus nocere dogmata veræ Religioni contraria in animos fidelium demissa per aures, quam oculis subiecta, nemo fors erit, qui controverteret; sed providere, ne vera Religio voce impugneretur, inter Principum officia ac jura præced. not. u) v) numeratum est; quanto magis igitur vigilantia illuc referenda erit, quæ circa proscriptiones librorum ex Ecclesiæ sententia Religioni perniciosorum versatur. Adde: quod Congregationis Indicis, Censorum Episcopaliū auctoritas ad impediendam libri, cujus argumentum repronaverunt, divulgationem haud sufficiat, nisi legibus eorum, qui Civitati præsunt, adjuvetur; aut igitur animosa ætatis nostræ scribendi libido, quidquid lucusque Civibus ac Christianis sanctum videbatur, impune profanabit: aut, ne id præsumat, civilibus sanctionibus compescenda est. Alterum vitium est omni ætate sapien-

pietissimis Principibus longe consultius, ut abunde docent leges five impressionem, five invectionem hujusce modi librorum sub gravibus non raro penis prominentes. Vid. Paul: a Rigger *cit. loc.* §. 438.

- 7) Severam satis fuisse hac in re primorum christianorum Imperatorum œconomiam idem Cl. a Rigger §. 434. *Schol.* ex variis eorundem legibus contra hæreticos latis ostendit: nempe gravibus sæpe dictatis penis mature præcavebant, ne illorum numerus adeo augetur, ut molestus ceteris evaderet. Majore rigore usi sunt Galliarum Reges usque ad Henrici IV. tempora, qui primus an. 1598. promulgato Edicto *Nantesi* tanta dissentientibus jura concesserat, quanta vel ipsi vix sperare audebant. Vid. Ducreux *Christliche Jahrhunderte Tom. VIII. Sec. XVI Sect. 9 edit. Viennen. 1779.* Mox gravissimæ turbæ in universo regno sequutæ sunt, ad quas finiendas unicum in revocatione Edicti *Nanæensis* remedium positum esse Ludovico XIV. persuadebant. Pœsequitur Rex consilium an. 1685. 22. Octob. at cruenta plano vulnera regno infert. Idem *Tom. eod. Sec. XVII. S. & VI* Intellexere mox Principes alii sapientissimam fuisse Thuani in *Præfat. ad Regem christianissimum Henricum IV.* monitionem: ferrum, flammæ, exilia, proscriptiones irritasse potius quam sanasse morbum menti inhaerentem, ad quem proinde curandum non iis, quæ in corpus tantum penetrant, sed doctrina, & sedula institutione, quæ animum leniter instillata descendit, opus esse. Quapropter, ut Reipublicæ ac Ecclesiæ simul consulerent, cautius statuerunt: 1) principis obstandum esse, atque errores irrepant, mature providendum; 2) erroribus jam infectos doctrina ac persuasione ad veritatem reducendos; 3) ubi hæc operato effectum paruerit, aut tolerandos, si error ex se innocuus,

aut transplantandos, si periculosus, aut puniendos etiam, si alicui Societati perniciosus fuerit. Atque hanc procedendi normam 1) Pax W. art. V. §. 36. instr. P. Osnabr. tacite admittit; 2) & Reipublicæ & Ecclesiæ salus exposcit; 3) saluberrimi effectus commendant; 4) ipse etiam Barclajus in persona Ibburanis Archombrato nihil nisi arma in hæreticos clamanti respondens probat in *Argen. lib. II. cap. III. P. I.* sequentibus verbis: Si quid vero ipse sentiam, neque cum illis pacem, neque bellum simpliciter volo. Nam si quietem possunt pati, non hos puto ullis motibus sollicitandos: sin in Regem, remque publicam seditiosis consiliis sponte insurgent, ferendos non arbitror, sed vi armæque premendam vesaniam superbe furemum. Pia tunc arma, tunc omni laude digna severitas. Totis regni viribus entendum, ne impune auferant abominandi in reges exempli audaciam. Et eo quidem celerius vindicandum est facinus, quo ipsi ferocius solent grassari in cunctantes, nostramque patientiam pro imbecillitate contemptim accipere. Neque enim hæc secta ferendo, parendove, ut solent meliores disciplinæ, querit sibi incrementa: sed jurgio, rixa, tumultu sua facinora assuevit asserere. Ferro igitur, & plusquam amula ferocitate censeo in eos esse agendum, quoties suis injuriis regem, ac patriam laceissent. At si seditionibus, si rebellionem abstinebunt, patientur mitius se haberi, tunc ego cum illis pacem malim. Sed Conf. Schenkl cit. loc. §. 341. Schol. 3.

- 2) Concordant haec asserto varii Recessus Imper. uti *Spir. de an 1529. §. 8. Aug. Vindel. 1570 §. 154. Ord. Polit. 1577. Tit. 53. §. 1. seq. Cod. Pruss. cit. loc. Tit. XX. Sect. VI. §. 227.* Inde vero non adeo difficile erit respondere, quid de Constitutione Caroli V. Interim an. 1548. promulgata, (vid. præcognit. cap. II. §. III. n. I. i. lit. d.) sentiendum sit. Jurene, an injuria nefariam

fariam dixerit hanc Constitutionem Raynaldus. vid. in hist augusta quinque Carolorum Viennæ 1735 folio a R. P. Josepho Pichler edita lib. V. n. 808 seq Conf. Rigger cit. loc. p. 437. Schol.

II. Hoc tamen Advocatiæ munus non omnem prorsus politicam falsæ etiam Religionis Tolerantiam excludit a) sed

- a) potest Princeps, ut majus ab Ecclesia vel Republica damnum arceat, alienos etiam ab Ecclesia cives sustinere;
- b) imo prudentius quandoque talibus publicum etiam suæ Religionis exercitium, ne larvati plus noceant, concedere; b)
- c) dummodo vigilem curam, mediaque sufficientia ad avertendum seductionis periculum impendat; c)
- d) quod hodie circa Protestantes in Imperio vulgo tantum non est, ut in ipso sic dictæ reformationis exordio; d)
- e) circa judæos vero vix non ex integro evanescit; e)
- f) nunquam vero alienæ Reipublicæ cives sibi innoxios falsæ Religionis causa bello impetere ulli Principum licebit. f)

a) *Tolerantia*, quam etiam alias *libertatem religionis* aut *conscientiæ* vocant, alia *politica* est seu civilis, ecclesiastica seu *theologica* alia; quod posteriorem attingit: satis quidem certum est, Superiores ecclesiasticos approbare non posse religiones essentialiter diversas; in id enim illis omnimodè incumbendum est, ut omni creaturæ Evangelium prædicent, atque in unanimi ejusdem

Religionis professione media salutis aternæ sup-
 peditent. Tolerantia huiusce modi ad indiffe-
 rentismum ducit, aut eundem præsupponit.
 Omnis igitur questio nonnisi circa tolerantiam
civilem versatur, qua religionis etiam falsæ libe-
 rum ac publicum exercitium lege eorum, qui
 Rempublicam gubernant, permittitur.

b) Ex duobus enim malis minus est eligendum. At
 quid, si nulla necessitas ad concedendum Religi-
 onis falsæ civitati etiam seu *absolue*, seu *respecti-
 ve noxiæ* liberum exercitium urgeat? quid, si
 religio innoxia quidem, aut etiam *profua* Civi-
 tati videtur, at probabile & mediis licitis inde-
 clinabile periculum perversionis inde civibus or-
 thodoxis immincat? utroque in casu denegan-
 dam esse tolerantiam, ex officio Principis 1) er-
 ga Rempublicam *§. præced. n. VI. 2) lit. a)* —
 2) ergo Ecclesiam *ibidem n. II. lit. b)* c) colli-
 gitur. Conf. Pe hem *cit. loc. §. 773 774 775.*
 item Rigger *cit. loc. P. I. § 473 Schol.*

c) Aptissime hunc in locum scripsit Budzus in
Theol. moral. P. II cap. III. Sect. VII. §. 21. in
not. Tolerantiæ limites ultra quam par est, non
sunt extendendi. Tolerandi sunt dissentientes,
ita tamen ut veritati nulum inde creetur pericu-
lum, & qui nostræ curæ concrediti sunt, in dis-
crimen amittenda suæ utis aternæ non conjiciantur.
Tolerandi sunt, non tamen statim facultas impune,
& pro lubitu errores disseminandi, & alios sedu-
cendi illis est concedenda Tolerandi sunt, simul
tamen in viam veritatis ea, qua decet, ratione
revocandi. Paucis: tolerantia non debet excludi-
re curam conservandi, propagandique veram Re-
ligionem. Media, quibus hæc veræ religionis
& securitas & propagatio certissime obtinebitur,
n. præced. I. lit. d. not. u) v) dedimus. Alia præ-
terea legibus civilibus & canonibus ecclesiasticis
commendantur: vid. apud Paul a Rigger
cit.

cit. loc. P. IV. §. 297. 298. in quorum vero pluribus adhibendis. ut eo securius effectum fortiantur, Episcopalis auctoritatis interventionem admittere Princeps non dedignabitur. Conf. §. præced. n. IV. lit. c.)

- d) Catholici enim, ut plura taceam, a Concilii Tridentini temporibus solertius ac solidius in dogmate Religionis suæ instructi non adeo faciles inveniuntur ad profitendam doctrinam, cujus propagandæ zelus convertis cum Principum, tum Doctorum in aliis studiis aliunde deforbuit.
- e) Utpote quorum 1) crassa nimium superstitio, 2) obstinata incredulitas 3) mores a Christianorum socialibus legibus suam opere diversi, 4) dura in universo fere orbe civilis conditio per se jam ab amplectendis eorum sacris quævis absterrent.
- f) *Sola injuria vel facta vel facienda justa belli causa est.* Wolff *Inst. J. N. & G. P. IV. cap. VII. §. 170* ergo contra alienæ Reipublicæ cives ob religionem falsam quidem, at innoxiam injuste Princeps bellum gereret. Porro impedire quidem obligatur Princeps, ne, qui falsum professentur dogma, aut Religioni veræ, aut Reipublicæ noceant: n. *præced. l. lit. f. not. u) y)* at vim ad credendum inferre non audet. Concil. Toletan. IV. cap. 57 a Gratiano *Dist. 49. can. 5. relato.* Rigger *cit. loc. P. I. §. 47. 48. 49. 50. prolegom.* Qui sincera intentione, ait appolite Gregorius ad Paschasium Episcopum apud Gratianum *cit. Dist. can. 3)* extraneos ad fidem rectam cupiunt perducere, blandimentis, non asperitatibus debent studere, ne quorum mentem reddita ad plenum ratio poterat revocare, pellat procul adversitas. Sed conf. Reiffenstuel *Decret. lib. V. tit. 6.*

III. Accidentalialia, seu disciplinaria Religionis Reipublicæ innoxia princeps item seu Advocatus Ecclesiæ pro virili tuebitur; cum vero a quibusdam hinc inde damnum accedere civitati possit, circa ea Jus cavendi rite exercet, adeoque denegari eidem potestas nequit

- a) novas disciplinæ leges prævie inspiciendi, & ex iusta causa earum promulgationem impediendi, — Placitum Regium vocant; g)
- b) quo ipsas etiam Bullas dogmaticas referunt; non ob dogma ibi decisum, sed ob pænas, clausulas, aliasque enuntiationes paci publicæ, juribus Principum, aut consuetudinibus Nationum quandoque contrarias; h)
- c) urgendi etiam mediis propriis legum jam vigentium immutationem vel abrogationem, quoties majus Reipublicæ ex earum retentione detrimentum, quam Ecclesiæ commodum ostendi poterit. i)
- g) *Leges disciplinares ecclesiasticas, quamvis in se justas, ob varias Reipublicæ circumstantias eidem nocere posse mirum non est: non enim uni alterive populo, sed pluribus passim feruntur observandæ: qualibet vero natio singularibus utitur juribus, libertatibus consuetudinibus, nec par omnium indoles, ingenium, mores, necessitas, quibus tamen omnibus leges ecclesiasticæ adaptandæ sunt, ergo diversa hæc populorum ratio efficiet, ut quod uni utile est, alteri tamen minus conducat; quoniam igitur ad Principem spectat arcere damnum a Republica, ad illum quoque*

quoque pertineat, necesse est, jus impediendi executionem legis ecclesiasticæ Civitati noxiæ, proin & an talis sit. inspicendi, antequam promulgetur. Necessitatem *Placii Regii* pluribus argumentis probavit præter Petrum de *Marca de Concord S. & I. lib. II. cap. 10. §. 9. cap. 16 §. 4. lit. IV. cap. 6* & Van Espenium *tract. de promulg. legis eccles. P. II Covarruvias Pratt. Q. Q. cap. 35. n. 4.* cum Cl. Barthel *dissert. de jur. reform. antiq. Art VIII §. 24.* Cont. cit. Cod. Pruss. cit. loc. *Sect. III. §. 118.*

- b) Cont. § *huj. n. præced I. not. p)* sed add. quod Cl. Zallwein cit. loc. *Tom. I, q 4 cap. 21. §. 5* monuit: nimirum si qua in re, *hic maxime cavendum, ne præjudicia damna, & pericula bono publico ab ecclesiastica potestate statim, uti ab inimicis solet, timeantur, aut omnino fingantur;* verbo: jus istud non severe nimis, nec cum præjudicio potestatis ecclesiasticæ exercendum. Aliud Josepho II. Imp. placuit, ut ex decre. to 26. Martii 1781. edito constet.

- i) Dico *maius Reipublicæ detrimentum*, quam Ecclesiæ *commodum*: quodii enim illud par sit huic, aut minus plane, retinendam esse legem ecclesiasticam, ex principiis §. *præced n. II. lit. a) b) c) d)* colligitur. At quærunt: an Princeps non quæsito Rectorum Ecclesiæ consensu legem, quam Civitati magis noxiam, quam Ecclesiæ proficuum judicat, arbitrio suo, ac auctoritate mutare, aut abrogare possit? Affirmat Pechem quoad plures Ecclesiæ leges cit. loc. §. 756. 797. 802. usque ad §. 805. negant alii, &, ni fallor, rectius quidem: nam & mutæ utriusque potestatis independentiæ (*præcognit. §. II. n. IV. lit. b)* & principiis hactenus, præcipue vero *præced. §. I. n. II. lit. e)* & *n. III.* constitutis longe convenientius esse videtur: siquidem Princeps ostensa prius sufficienter Rectoribus Ecclesiæ im-
- mutan-

mutandæ, aut abrogandæ legis necessitate, im-
mutationem ipsam aut abrogationem ab iisdem
postulet, tum primo ex auctoritate sua disposi-
turus, cum hos iussis suis petitionibus pertina-
citer repugnantem expertus fuerit. Hanc pro-
cedendi rationem, utpote ad obtinendam etiam
securius ab hominibus tenerioris conscientia de-
cretorum suorum observantiam summopere ido-
neam, cuius magis violentia prætulere sapien-
tiores Principes, ut plura antiqua Imperatorum,
& recentiora Regum etiam nostrorum facta tes-
tantur. Conf. Cap. I. §. X. n. I. not. a.)

IV. Se ne Rectoribus Ecclesiæ jus ca-
vendi intuitu Civitatis frustra adsertum existi-
metur, vindicanda & ipsis potestas est

- a) prohibendi, ne leges civiles salutis æternæ
noxia ferantur; k)
- b) et, siquidem etiam jus *præviæ inspectionis*
ipsis haud necessarium dicatur, saltem ea-
rum, si promulgatæ jam sint, exequutio-
nem impediendi — Placitum subse-
quens a quibusdam nominatur; l)
- c) imo urgente etiam illas potestate politica,
subditos nihilominus, si ruina spiritualis
manifesto immineat, ne obediant, mediis
propriis obligandi; m)
- d) quapropter, ne periculosa utriusque Re-
giminis nascatur confusio, nil exoptan-
dum magis, quam ut mutua in causis
utrumque Regimen tangentibus consilia
amice prius conferantur. n)

- 2) Quid enim hæc potestas aliud est, quam jus læsionem Ecclesiæ imminentem præcavendi? at istud cuiusvis homini natura competit (Wolff. *Inst. J. N. & G. P. I. cap. 3. §. 91.*) ergo nec Ecclesiæ Rectoribus denegandum est. Conf. §. *preced. I. n. V. lit. b*) & *præcognit. §. II. n. IV. lib. b*) c)
- 3) *Placitum* istud *subsequens* non adversatur 1) independentiæ potestatis civilis ab ecclesiastica: §. *preced. I. n. I. not. x*) utpote quod non ipsam potestatem, aut rectum ejus *usum* restringit, sed solummodo *abusum* ejusdem impedit; 2) nec Reipublicæ bono; non nisi eas enim leges prohibet, quæ sicut Religioni directe inimicæ supponantur, ita ob arctissimum ejusdem cum salute Civium nexum §. *preced. I. n. IV. lit. a. not. h*) Reipublicæ perniciosæ evaderent; *ibid. n. II not. c*) nec denique 3) Principum Majestati, e qua tunc demum supremi Numinis imago perfectissime clucet, cum non nisi ea agere possunt, quæ veram hominum beatitatem promoveant. Cum porro ad præcavendam læsionem Ecclesiæ imminentem unicum non raro sit medium, non video, cur Rectoribus Ecclesiasticis non conveniat. Conf. *preced. not. k*) Nolo tamen opinionem tueri eorum, qui & jus *Placiti antecedentis* Superioribus Ecclesiæ propterea tribuunt, quod Gubernatoribus Reipublicæ competat, *preced. n. III. lit. a*) b) *not. g*) h), ipsaque potestas ecclesiastica haud sit interior civili. §. *preced. I. n. I. not. x*) Dato enim libentissime utroque, eam adhuc inter utramque potestatem intercedere differentiam, quæ efficiat, ut quod uni necessarium est, non propterea & alteri conveniat, dudum Van Espenius & Covarruvias *cit. locis* demonstrarunt adeo solide, ut probabiliorē vix credam esse sententiam, jus illud Ecclesiæ asserentem. Conf. Pehehem *cit. loc. §. 212. seq.* item Schenkl *cit. loc. §. 245. Schol.*

Schel. & Joan. Georg. Wanner J. U. D.
dissert. can. publ. de Placito eccles.

m) Verbis Christi Math. X 28. Nolite timere eos, qui occidunt corpus, animam autem non possunt occidere: ad ferendas constanter ex religionis amore persecutiones eosdem exhortando; imo censuris etiam ecclesiasticis ad reddendum *Cæsari*, quod *Cæsaris* est, Deo, quod Dei est, impellendo. Jure hoc uti sicut Præsules ecclesiastici illa jam ætate, qua, latentibus etiam ipsis adversariis, usurpationes potestatis illegitimæ penitus ignoræ erant. Testantur id facta *Marrini P.* cujus constantiam in damnandis *Heraclii Ecclésiæ*, & *Constantis Typo* nullæ calamitates infringere poterant. *Fleury hist. eccles. lib. XXXIX*; Germani Patriarchæ Constantinopolit: strenue impiis *Leonis Isauri* contra Christi, Sanctorumque imagines decretis resistentis; Idem *lib. XLII*, *Gregorii II. P.* severiora etiam contra eundem Imperatorem frustra, ut revocaret decreta sua, monitum media adhibentis. Idem *eod. lib. §. 171.*

n) Saluberrimos amicæ hujuscemodi consultationis fructus novit quam optime non modo Ecclesiæ, verum etiam ipsa Respublica temporibus *Caroli M. & Successoris ejus Ludovici Pii*, qui de negotiis civilibus rarius, de ecclesiasticis nunquam fere extra comitia disponebant, ad quæ Episcopos non vocassent, quorum aut consilium, aut consensum pro varietate causarum exquirerent. Inde *Capitularia* illa Regum Francorum (*præcognit. cap. II §. I n. III. 2.*) originem repetunt, quibus cum communi Episcoporum & Procerum consensu editis sanctionibus pax Sacerdotium inter & Imperium in utriusque Societatis emolumentum felicissime conservabatur. *Cons. etiam cit. loc. n. III. i. lit. c. not. l.)*

§. III.

FINES UTRIUSQUE POTESTATIS CIRCA
PERSONAS ECCLESIASTICAS.

I. Personæ ecclesiasticæ, seu per
sacrum Ordinem, aut religiosam Professionem
divino cultui specialiter deputatæ, quoad ne-
gotia sua & actiones *mere sacras*, ac nullum cum
Republica nexum habentes, *ecclesiastico privati-
ve* subduntur Imperio o) salvo tamen Principi-
pum Advocatiæ & Protectionis jure,
quo

- a) illas, earum jura, & auctoritatem tuen-
tur; p)
- b) officii forte negligentes admonent, ac Ec-
clesiæ inobedientes ad servandos Canones
pænis quoque civilibus adigunt; q)
- c) eas, si quidem *via facti* & manifeste con-
tra Canones a potestate sacra læderentur,
ab injuria etiam ecclesiastica ceu *Tutores*
Canonum vindicant, r) non equidem
causam ad suum trahendo judicium, sed
adnitendo, ut ea a iudicibus *sacris readsu-
matur*, ac injuria reparetur. s)

o) Conf. *præced. §. I. n. III. lit. a) not. f.)* Justiniani Imp. *Novel. 89 cap. 1 Rigger § 49.*

p) Jubendo imprimis, ut subditi Clerum veneratione,
ei in spiritualibus obediant, immunitatem ejus
non violent; ac puniendo etiam verborum
Christi *Luc. X. 16. Joan. XIII. 20.* transgressio-
res: ne invalescente Ministrorum religionis vi-
sipatione Religio ipsa, præcipuum Reipublicæ
fulcrum

fulcrum vilipendatur. §. *præced. I. n. IV. lit. a)*
Conf. Concil. Trident. Sess. XXV. cap. XX. De
reform. item cit. Cod. Pruss. cit. loc. §. 25.

- q) Neglectus officiorum ecclesiasticorum simul cum civilis salutis detrimento conjunctus est. §. *præced. I n II. & n. IV. lit. a)* poterit igitur Princeps observantiam illorum monitionibus primo, postea, lenioribus nempe hisce mediis nihil proficientibus, pœnis etiam civilibus urgere. *Conf. §. præced. I. n. VI. 2) lit. c) not. o) Theodosii epist. ad Cyrillum: Justiniani Novel. 137, apud Rigger §. 440.*
- r) Inter gravissima enim, quæ Rectoribus civitatum incumbunt, officia istud facile primum est, ut subditos suos, ab omni injuria, unde unde imminente, securos præstent. At injuria hac *via facti, & manifeste* contra canones illata sit oportet, quod si id prius certum non fuerit: remedium contra injuriam incertam querulantibus ferre, & bonæ existimationis Superioribus Ecclesiasticis debitæ favor, & metus vetat, ne male feriat homines hac Principum protectione ad liberius peccandum abutantur.
- s) Ita temperatum jus hoc facilius contra illos defendi poterit, qui sequentibus præcipue ex rationibus tribuendum non esse Principibus existimant: 1) quod plurimum Conciliorum decretis vetitus sit recursus a sententia Superioris ecclesiastici ad Principem, ergo & huic jus denegatum ad se recurrent in ab injuria vindicandi; *Conf. Caus. II. Quest. VI. 2)* quod Concil. *Trident. Sess. XXV. cap. 3. de reform. nefas esse* dicat seculari cuilibet Magistratui prohibere Ecclesiastico Judici, ne quem excommunicet, aut mandare ut latam excommunicationem revocet: 3) quod idem jus Ecclesiæ Rectores sibi contra injurias Principum in causis civilibus sententias haud

arrogent; 4) quod jure hoc Principibus dato actum sit, de potestatis ecclesiastica a civili independentia. Repones enim ita ad singula 1) vetitum esse a sententia ecclesiastica ad civilem potestatem recursum siquidem illa servata iudicii forma, non via tacti lata, ipsaque injuria, & canonum violatio haud manifesta, nec certa fuerit; Conf. *not. preced. r.*) secus noluisse ipsa Conventia omnem recursum prohibere, ex Romanorum Pontificum confessionibus, & innumeris sanctissimorum Virorum factis tute concludimus. Vid. apud Gratian. *Caus. II. Quæst. VII. can. 41.* memoratu dignissimam hac de re Pontificis sententiam: exempla vero S. Athanasii a Synodo *Tyria* per summum nefas damnati ad Constantinum Imp. S. Chrysostomi a iudicio Theophili in Synodo ad *Quæcum* ad Arcadium Imp. provocantis aliorumque plurium apud Van Espen *Tract. de recurso ad Principem.* 2) nec id equidem volumus, quod *Tridentinum* Concilium Principibus nefas esse declarat: verum id solum, quod iisdem tacite asseruit, dumeos *Ecclesiæ protectores*, Canonumque sacrorum *defensores* (*Sess. XXV. cap. XX. de reform.*) palam pronuntiavit; nempe non potestatem impediendi Ecclesiam in puniendo reos, aut advocandi ecclesiasticas causas ab Episcoporum iudiciis ad sua, verum jus solummodo defendimus admitendi, ut quæ contra Canonum præscriptum in apertam alterius injuriam decisa sunt, a iudicibus sacris readsumantur, ac injuria reparetur; Vid. *supr. lit. c.*) 3) magna est utrinque disparitas; injustæ Principum in causis civilibus contra subditos suæ decisiones felicitati civium spiritali, quæ ex virtute promanat (*§. preced. I. n. II not. b*) haud nocent: *virtus enim in tribulatione perficitur*: ergo Superioribus Ecclesiæ necessarium non est jus civiles injurias a Principe illatas vin-

dicandi Conf. *Luc. XII. 14.* At pone manifestam injuriam in causis spiritualibus a Superiore ecclesiastico inferri cupiam, excommunicationis e. g. fulmen injuste vibrari: quæ erit, quæso, pænam ecclesiasticarum: quæ virtutis & æquitatis Præfulum, quæ ipsorum Canonum Ecclesiæ æstimatio? quæ legis, exempli boni, ac gladii spiritualis, ut Concilium *Trident.* excommunicationem vocat, ad virtutis studium alendum efficacia? vilescent hæc omnia coram oculis læ. si, nisi intervenientibus Principum bonis officiis injuria reparetur. Habent præterea sententiæ ecclesiasticæ id proprium, ut ob adnexos pænis spiritualibus civiles effectus, dum bonis spiritualibus quempiam privant, & felicitati ejus civili damnum adferant; at curare, ne ista per manifestam injuriam Civibus adimatur, ad Principem profecto pertinet; habet igitur ille quoad reparationem manifestæ injuriæ ecclesiasticæ juris quidpiam, quod Superioribus Ecclesiæ relate ad iniurias civiles haud competit, nisi quantum & isti Principem ut amici amicum monere possint, ut Patris Patriæ officia erga subditos suos, qua valet religione impleat. Conf. §. *præced. I. n. IV. lit. c)* n. *VI. 1. lit. c).* 4) denique nil derogari independentiæ potestatis sacre a civili, aut civilis a sacra per jus Placiti *antecedentis illi, & consequentis huic* §. *II n. III. lit. a) b) n. IV. lit. b) not. l)* concessum: igitur nec jure, de quo sermo est, derogari eidem quidpiam: utpote quod promulgationem, aut exequutionem legis, ut illud, non impedit, verum ad Canones exactius servandos movet: solamque injuriæ inferendæ licentiam restringit, quæ cum genuina Ecclesiæ potestate nulla ratione confundenda est.

II. Cum vero ob varia Cleri adjuncta damnum quandoque sentire Civitas possit, recte etiam circa eundem Princeps Jus cavendi exercet; unde

- a) *intervenire* poterit, ne numerus personarum ecclesiasticarum cum detrimento Reipublicæ nulloque Ecclesiæ commodo *immodice* augeatur; t)
- b) contra eos, quos gravibus de causis noxios fore timet, *jure exclusivæ* utitur, ne ad munia publica Ecclesiæ promoveantur, quod in iis maxime valet, quibus præter sacram politica quoque potestas est adjuncta, & ad ipsius quoque Summi Pontificis electionem extenditur; u)
- c) *excessibus*, qui ex Sacrorum *abuso* fors oriuntur, & *quatenus* cum damno Civitatis connectuntur, mediis propriis medetur. v)

z) Recolantur vero hic principia *§. præced. I. n. II.* posita: docent enim, quid eo in casu Principi juris sit, ubi ex aucto personarum ecclesiasticarum numero non minus aut majus plane Ecclesiæ commodum, quam Respublica detrimentum sentiret.

- u) *Exclusivæ* dandæ jus 1) in *sacris canonibus* fundatum est: jubent enim hi, ut inter dignos dignior sacris officiis præficiatur; at quem putas esse digniorem? non illum sane, qui sola doctrina, pietatisque zelo alios antecellit, sed vel maxime, ex quo major & Ecclesiæ & Reipublicæ utilitas sperari potest; quod imprimis in illis obtinet, quos Ecclesiæ judicio electos Principes quoque sua fiducia, & consensu confirmant; statu-

M 2 unt,

unt. ut nullus invitis detur Episcopus *Can. 12. Dist. 61* proin ut nec Principi renitenti obtrudatur; rogant etiam *Dist. 63. can. 16. seq.* ut Imperatores Rentinam ecclesiarum cuidam electo concedere, & Regio præcepto ad ordinationem Apostolicam Colonum electam admittere dignentur. 2) *Facta* quoque & *leges civiles* Principibus illud vendicant: assensu Imperatorum Episcopos in Italia, Illyrico, Græciaque seculo VI. desinente constitui solitos evincunt epistolæ Gregorii I. Stephani IV. & Leonis IV. apud Gratianum *Can. 9. 10. 16. seq. Dist. 63.* Hoc jure usus Leopoldus Imp. Cardinalem Fürstenbergium Episcopum Argentorat. ab Archiepiscopatu Coloniensi arcuit. vid. Jo. an. Christian. Lunig *Sylog. publ. negot. pag. 970.* Conf. Cod. cit. Pruss. cit. P. tit. XI. Sect. XII. §. 1009 1010. 1011; 3) *salus publica* adhibendum esse tradet. quid enim si eligendus sit hostis patriæ? Principi inimicus? erit Republicæ eo perniciosior, quo majus in animos fidelium vi dignitatis suæ ecclesiasticæ habet imperium. Qui jus hocce ad electionem usque Romani Pontificis extendunt, plerumque ad Pontificale Rom. *Tit. de ordinat. Presbyt. & Dist. 63 can. 22. 23.* provocant. Quidquid sit, illud certissimum semper est: Principes, quotiescunque eos hoc jure uti contingit, meminisse debere, non salutis solummodo civilis, verum etiam quam maxime ecclesiasticæ rationem habendam esse, §. præced. I n. II Imperium enim divino nutu sortiti, plurimam sollicitudinem impertire debent, quatenus et vera religio, & res publica cultu Dei purissimo, & pietate firmata præfulgeat. Verba sunt Marciani Imp. in prima Concilii Chalcedon. Sessione Patres alloquentis, apud Harduin. *Tom. II. col. 71.*

v) Conf. Pehem *cit. loc. §. 796. Cod. Pruss. P. II. Tit. 20. Sect. 6. §. 220 usque ad §. 226* Huc impediendarum nonnunquam Legationum pontificiarum jus, teste Petro de Marca *cit. loc. Lib. V. cap. 56. & Van Espenio P. I. tit. XXI. cap. 4* sæpe a Principibus exercitum, referre solent, cui quidem *Extravag. un. de consuetud. inter commun:* directe opposita videtur, attamen, si ad ea, quæ Rectores ecclesiastici Reipublicæ debent officia, *præced. §. I n. V lit. a) & n. VI. lit. c.)* animum reflectas; haud ita generalis creditur: ut ad legationes etiam auctoritati regni: libertati us regni: aut juribus Ordinarium contrarias omni suo rigore extendi debeat. Vid. Endres *discurs. politico canonic. de recusatatione Visitatoris Apostolici* Sed Conf. *Cap. I. §. I. n. IV. lit. h. not. x.) §. III. n. III. 3. lit. d. e. not. y) & Cap. II §. I n. II. not.*

III, In rebus vero *profanis*, illisque servitiis ac oneribus, quæ nec sacri ministerii dignitatem dedecent, nec officium impediunt, personæ etiam ecclesiasticæ *per se* subsunt Principum politicorum potestati, utpote inde

- a) nec jure naturali, x)
- b) nec divino positivo, y)
- c) nec SS. Patrum, aut Pontificum Romanorum, qui primis Ecclesiæ seculis vixerat, sensu excepti, z)

x) Docet enim ipsa ratio: 1) eum, qui commoda vult, & onera a se juste amoliri non audere; 2) quemvis, qui in eadem, in qua natus est, civitate manet, saltem tacite pactum subjectionis erga imperium ejusdem civitatis inire, quod per transitum a statu laicali ad clericalem non tollitur, quia in essentia sacrorum ordinum ni-

hil continetur, quod cum pacto isto stare non possit. 3) si, salva sua seculari dignitate Principes in sacris ecclesiastico subduntur imperio (*Cap. II. n. I. lit. a. not. y.*) æquum esse, ut Clerici, salva ecclesiastica, politico in rebus profanis pareant imperio (*ibid. lit. b. not. z.*) Sed vid. quæ Bellarminus *lib. I. de Clericis cap. 30.* opponit.

3) Quæ enim contra adferuntur ex Sacra Scriptura uti *Psal. CIV. 15. XLIV. 17. Math. XVII. 24. seq. I. ad Cor. VI. 2. seq. I. Petr. XI. 9.* aut de divina exemptionis personarum ecclesiasticarum in causis profanis a potestate civili origine *Joannis P. Can. II. Dist. 96. Bonifacii VIII. cap. 4. de cens. in 6. Lateranensis Concilii V. sub Leone X. Sess. IX. Tridentini Sess. XXV. cap. 30. de reform.* testimonia, non modo consonam propositioni nostræ admittunt explicationem, ut apud *Rigger cit. loc. P. II. §. 519. seq. Pothem cit. loc. §. 711. seq.* videre licet: verum etiam apertioribus scripturæ locis *Joan. XIX. 11. Act. XXV. 10. 11. Rom. XIII. 1. I. Petr. II. &c.* iisdem oppositis, ut minus valida ad probandum, quod adversarii intendunt, agnoscuntur.

2) Recole, quæ supra *Cap. II. §. I. lit. b. not. z.)* ex SS. Patribus & Pontificum epistolis descripsi-
mus. Ex recentioribus audiamus S. Bernar-
dum *epist. 42.* Archiepiscopum *Senonensem* in
alloquentem: *Omnia anima potestatibus sublimio-
ribus subdita esto; si omnis, & Vestra: quis vo-
cepit ab universalitate? si quis tentat excipere,
conatur decipere.* Conf. *Rigger §. 448 & Schol.* item qui copiosius has materias tractant
Thomas Del Bene de immunit. & jurisdict. Eccl.
Felicianus de Oliva de Foro Eccl.
Andreas Sauslay Panoph. Cleric. lib. 6.

IV. Nihilominus, & piissimi Principes Clero Immunitatem personalem concederent, seu illum ab officiis, judiciis, ac pænis civilibus eximerent olim, & adhucdum exemptum sinant, rationes gravissimæ adsignantur: nempe

- a) officium *Pietatis* erga Patres & Magistros spirituales;
- b) officium *Reverentiæ* erga Judices, & Rectores animarum;
- c) officium *Religionis* erga Christi veros Ministros;
- d) officium *grati Animi* erga Concives optime de Republica *meritos*;
- e) & ipsa tandem clericalis Auctoritatis vix alio modo conservandæ pro bono publico *necessitas*. a)

a) Nemo igitur ex illis, quæ *præced. n. III.* diximus, inferat: personas ecclesiasticas æque ac laicas quoad causas earum *profanas* æstimandas, iisdemque plane legibus politicis, judicialibus, ac pænalis subiiciendas esse. Quamvis enim necessitatem immunitatum quarundam nec naturalis lex (*præced. not. x*) nec positiva divina (*præced. not. y*) ostendat: eximi tamen a reliquorum Civium conditione voluntate Principum non modo poterant, sed debebant etiam tot tantisque rationibus exemptionem eorum poscentibus. Et vero est ita sane: teste Sozomeno *hist. lib. I cap. 9* & Nicephoro *hist. eccles. lib. VII. cap. 46.* primus qui illud plane maximum *reverentiæ Imperatoris* erga religionem argumentum dederat, fuit Constantinus, quod omnes ubique Clericos immunitate donaverit, Et lege hac de re specialiter data, litigantibus permiserit, ut

ad Episcoporum iudicium provocarent, si Magistratus civiles rejicere vellent. Prima hæc sunt exemptionis vestigia, sed tenuia admodum. Vid. Rigger *cit. loc. P. II §. 527*. Auxere immunitatem hanc Successores in Imperio sensim ac sensim, donec tandem Justinianus Imp. collectis Antecessorum legibus, ac confirmatis, lites cujuscunque generis, quæ Monachis & Monialibus intenderentur ad Episcopos transtulerit. *Novel. 79.* ac prohibuerit plane, ne Episcopus in quacunque causa civili ad secularem judicem trahatur: sed neque pro qualibet pecuniaria causa vel criminali ad judicem civilem, aut militarem invitus produceretur. *Novel. 83. cap. 21.* item *Novel. 123. cap. 8.* Vid. apud Gratian. *Caus. XI. q. I. can. Nullus*. Renovarunt has leges consequentium ætatum Imperatores ac Reges, uti Fridericus II. Imp. in *Constitutione* de statutis & consuetudinibus contra libertatem Ecclesiæ editis decernens: *ne ullus ecclesiasticam personam in criminali questione vel civili trahere ad iudicium seculare præsumat contra constitutiones imperiales, & canonicas sanctiones.* Inde desumpta est Authentica Statuimus *Cod. de Episc. & Cler. lib. I. capitul. cap. 28.* quæ conformiter ad *Can. 9. Concilii Chalcedonensis* cavetur: *si clerici inter se negotium aliquod habuerint, a suo Episcopo iudicatur, & non a secularibus.* At si ita: ergo poterunt Principes immunitatem, quam dederunt denuo revocare! — Haud equidem; præterea enim, quod eadem rationes, ob quas data est, conservationem ejus exposcant: accedit, 1) Principum gratias, perpetuas esse decere: 2) hæc privilegia plerumque esse remuneratoria & longa possessione firmata: 3) privilegiorum horum concessionem, & conservationem adeo juri naturali ac divino positivo congruam videri, ut in hunc sensum Van Espenius alique Concilii Tridentini *Sess. XXV. cap. 20. de reform.* verba,

verba, quod personarum ecclesiasticarum exemptio Dei ordinatione instituta sit, explicant. Conf. Bellarmini: *lib. I. de Cler. cap. 30.* Ceterum facile ex haftenus dictis intelligitur: immunitatis hujus personalis privilegia non eadem ubique locorum esse. Quæ vero, aut qualia per Jus Canonicum esse debeant, jus privatum speciatim exponit.

§. IV.

FINES UTRIUSQUE POTESTATIS CIRCA BONA ECCLESIASTICA.

I. Necessarii pro cultu Dei externo, ejusque Ministrorum alimonia redditus ne deficiant, Princeps curare b)

- a) lege divina tum *naturali* tum *positiva* c)
- b) ac ipso etiam *Advocatie* titulo obligatur; d)
- c) utriusque vero Reipublicæ bonum in illis subministrandis nimiam damnat parsimoniam, & sanam poscit liberalitatem. e)

b) Cui aliunde salutis Reipublicæ, proin & præcipui ejusdem fulcri Religionis nempe veræ (s. *præced. I. n. IV.*) cura incumbit. Satisfacit vero huic officio, dum aut bona, quæ jam Ecclesia possidet, eidem conservat; aut ubi deficiunt, ipsa Ecclesiæ membra ad ea suppeditanda exemplo suo & legibus permovet. Conf. *præced. §. I. n. VI. not. m.*)

c) Quali enim jure Ecclesia hos redditus exigit, tali obligatione alii, Principes inprimis (not. *præced.*

ad eos procurandos adstringuntur; at jus illud Ecclesiæ ex lege naturæ, Mosaica, & divina Christi promanat. ut Paulus *I. Cor. IX 7. seq.* invictis totidem argumentis demonstravit: ergo & obligatio Principum ex eadem lege derivanda est. Aut unde, quæso, nisi ex lege naturæ cordibus inscripta agnovere gentes etiam barbaræ Numen quoddam colendum, ac Ministros ejus alendos esse. Conf. § *præced. I. n. VI. 2. not. o*) quæ ibidem Valerius Maximus de Romanis testatur.

- d) *Advocati* enim Ecclesiæ *nosio* non modo ab injuriis Religionem veram vindicandi, verum etiam mediis propriis perfectionem ejus promovendi officium involvit. Vid. §. *præced. I. n. V. lit. a.*) *ibid. n. VI. 2. lit. b.*)

- e) Ut enim plura taceam, quæ Schenkli cit. loc. § 354 *Schol.* urget, videmus præterea ex nimia in administrandis Ecclesiæ bonis *parsimonia* hæc passim mala generari: 1) Majestas exterioris divini cultus obscuratur; 2) Ministri Religionis alimonix curis distracti animum viresque suas ad populum, ea qua decet diligentia, in officiis Religionis, & Civitatis informandum intendere haut valent; 3) perpauci demum numerantur Viri, qui sola operarii in vinea Domini dignitate allekti egestatem Clericalem laicorum fortunis præferant, nominaque sua Clericorum Syllabo inscribi desiderent. Hæc, cum experientia teste verissima sint, probant sane: Ecclesiæ liberaliter suppeditandos esse proventus, vel ideo præterea, quod Clero multæ aliis communes acquirendi occasiones ob Ecclesiæ, & Reipublicæ bonum ocludantur. Ne vero nimia liberalitas luxum pariat, sana sit oportet. Peraccommode ad rem dixerat S. Chrysostomus *lib. III. cap. 16. de Sacerd.* Magna provisione opus est, ut Ecclesiæ facultates neque redundent, neque rur-

sus desint. Sed quæ Ecclesiæ erogantur, continuo indigentibus sunt disperienda. Ceterum in subditorum animis ac benevolentia sunt thesauri Ecclesiæ collocandi. — Præfectum ipsum largitorem decet esse circumspexitum, ac prudentem, ut eos, qui bonis abundant, animet ad certatim etiam, atque bilavriter bona sua eroganda.

II. Lex, qua Rector Civitatis certam bonorum speciem aut quantitatem ad Corpora vel Collegia quædam, tanquam ad manus mortuas seu perpetuas, sine speciali suo consensu transferri vetat, lex ammortizationis nuncupatur. Hujus justitiam

- a) Politici illorum Ecclesiæ Collegiorum respectu ægre persvadebunt, quæ publica ex bonis suis opera præstant, ac prompta ferunt in Reipublicæ necessitatibus subsidia;
- b) cum tamen damnum accedere Civitati posset, si nimia bona oneribus publicis subtraherentur, aut commercium minueretur, hinc legem hanc absolute iniquam dicere haud poterit, nisi qui omne jus cavendi Principi denegarit;
- c) absente ergo tali a Republica periculo jus Corporibus quoque ecclesiasticis bona sibi modis legitimis acquirendi cum reliquis civibus æquale, ac illibatum permanebit;
- d) prout e converso, si tale malum ex bonorum acquisitione Civitati immineat, lex prædicta Collegia tam Clericorum, quam Laicorum stringere ex æquo poterit. f)

f) Conf.

f) Conf. Schenkl *cit. loc.* § 355. Schol. *Leges amorationis* jure nostro Regio constitutas continet *cit. Codex cit. P. Tit. XI. Sect. IV. §. 197. seq. item Sect. XVIII. §. 1183 seq.*; his tamen in favorem quarundam in Silecia Ecclesiæ Catholicæ Communitatum quæ territoria possident, derogatum est: utpote quibus singulari Regia ordinatione 15. Febr. an. 1795. jus concessum est, dotem mille imperiales non superantem ab illis acceptandi, quos ad professionem regulæ Ordinis sui admittunt.

III Bona Ecclesiis a primis jam seculis munificentia Principum donata, & inductis decimis, ecclesiasticorum patrimonii, provida administratione ac labore adaucta præcipue dividuntur

- a) in mobilia, & immobilia;
- b) dotalia, & adventitia;
- c) communia & particularia;
- d) feudalialia, & non feudalialia; g)

g) Bona mobilia dicuntur, quæ de loco in locum transferri possunt; sin: immobilia; dotalia, quæ per primavas fundationes quasi dotem Ecclesiæ constituunt; adventitia, quæ subin variis modis Ecclesiæ accessunt; feudalialia, quorum dominium utile Ecclesiæ recepit, aut aliis dedit sub conditione in feudis usitata; particularia, quæ determinatis nonnisi: communia vero, quæ communibus Ecclesiæ usibus destinata jam a donatoribus sunt. Quo tempore, qua ratione quavis bonorum species ad Ecclesiam pervenerit, historia ecclesiastica exponit. Conf. Thomassin. *P. III lib. 2. cap. 1. seq. usque ad 32. & Muratorius Tem. V. antiquit: Italia med. ævi. diss. 67.*

IV. Bonorum istorum Dominium proprietatis; aut, si *fundalia* sint, utile vel *directum* ipsis Ecclesiis vindicamus; nam

- a) illi, qui bona hæc in Ecclesiarum favorem a se abdicarunt, ea voluerunt Deo esse *facta*, Ecclesiis *propria*, aut saltem *usibus* eius *perpetuo* destinata; *h)*
- b) & hanc juris omnis in Ecclesias translationem donationum suarum *formulis*, junctis etiam in temeratores execrationibus, *expresserunt*; *h)*
- c) quin aut natura rei, aut lex quædam obstat, quominus tale Dominium transferri hoc modo potuerit; *i)*
- d) unde nil proprietatis in hæc bona ad usus sacros donata Principi competit; *k)*
- e) idemque tam parum Ecclesiis, quam cuidam Privato, aut alteri Collegio bona ejusmodi eripere, vel aliis usibus destinare *jure ordinario* poterit; *l)*

h) Ejusmodi *formulas* magno numero collegerunt Marculphus, Sirmondus, Bignonius, Lindenbrochius, Mabillonius, Baluzius aliique. Occurrunt in iis perpetuo hæc similiaque verba: *Bona a mea proprietate transfero; sicut mihi pertinent proprietario jure, ita in proprietate prædicta ecclesie permaneant; a jure nostro alienamus supra dicto monasterio, ut ea pleno jure habeat, & teneat jure proprietatis & allodii in perpetuum. &c.* aliquando sanctis se donare ajunt aut Christo imo Deo & Ecclesiis simul, nempe, ut Carolus M. *lib. VI. Capitular.* 404. inquit: *Quia Christum & Ecclesiam unam personam esse veraciter agnoscimus, quæcumque*
Eccle-

Ecclesiae sunt, Christi sunt, & quae Ecclesiae offeruntur, Christo offeruntur; & quae ab Ecclesia ejus tolluntur, procul dubio Christo tolluntur. Nemo sane erit, qui ex his seriam donantium voluntatem non agnosceret, rei donatae dominum in Ecclesiam transferendi.

1) Non obstitit 1) *natura rei*: nam & Ecclesia ejusmodi bonis indiget, ac proinde & jus habet eadem acceptandi (*praeced. n. I.*) haec ipsa bona apta sunt ad Ecclesiae perfectionem augendam, cum sine illis cultus divinus exterior haud intelligi possit; ipsi denique rerum domini jure gaudent de earum substantia, & concessa illis pro arbitrio disponendi (*ex definit. domini*) 2) aut *lex quaedam*: quae enim? an naturalis? at in ipsa Ecclesia, rerum, aut domini notione nil continetur, quod translationem proprietatis rerum vetet (*praeced. n. I.*) an positiva divina? at hanc quidem ignoro: praecipue vel ideo, quod pauperatis evangelicae consilia, aut turpis terrestrium bonorum cupiditatis prohibitiones a legitimis necessariorum rerum proprietatem veranibus discernendas esse putem; an humana? at amortizationis leges, liberalior in Ecclesiam auctoritas nondum noverat, & quae recentioribus temporibus latae sunt, acquisitionem proprietatis restringunt quidem, at non servato etiam modamine locum habeat, haud statuunt. Conf. *praeced. n. II. & not. f.*)

2) Sed sunt potius spectato *sine Dei*, spectato *usu Ministrorum*, spectato *proprietate ecclesiarum particularium*; quod sequente argumento illustratur: illius haec bona sunt, cui priores eorum domini ea donare, & poterant, & volebant; sed volebant ea donare Ecclesiae ut personae morali cui reliquorum Civium acquirendi jura denegari jure haud possunt, ut habeat, unde *Munus Religionis* alat, necessitatibus pauperum sub-

veniat

veniat, templorum fabricas, aliaque ad *cultum Dei* externum necessaria conservet; Vid. supra formulas donationum *not b)* poterant etiam illa hunc in scopum donare: erant enim eorum domini; nullaue lex obstat, quominus de eorum substantia, & consecrariis pro arbitrio disponere valuissent; cum praeterea ipsa Ecclesia *jus acceptandi* habuerit *Conf. nota. praeced. i)* & jure hoc *eam* uti voluisse dubitari haud possit, patet asserti veritas. *Conf. Natal. Alexander hist. eccles. Sec. XV. diff. IX. art. 6 n. 13.* Consentiant e Protestantibus etiam J. N. Doctores varii: Corpora, ait inter ceteros Just. Hennig: Boechmer *Jur. publ. univ. P. II. lib. II. cap. 10 § 7*, Collegia, Universitates *instar privatorum*, & *subditorum* judicantur, & bona eorum non sunt bona Reipublicae, sed privata. Et *ibid. lib. III. cap. 3 n. 5* Possident bona in communem; unde respectu imperantis ad instar privatorum sunt. Quae bona — ad pagum, ad vicum (ad Ecclesiam & ecclesiasticam Universitatem) spectant, sunt in ejus patrimonio, nec confundenda cum bonis Reipublicae; sunt tamen suo modo publica, quatenus Imperanti plus juris in illa competit, quam in singulorum patrimonium, eum ejus intersit, haec bona universitatis perpetuo conservari, & bene administrari; plura sunt permessa singulis in res proprias, quam universitati in suas. Apertius idem de bonis Ecclesiae docet Wolfius *Inst. J. N. & Gent. § 1025. 1026 & 1065.* *Conf. vero etiam Auct. Comment. de finibus utriusque potest. cap. 14.* ubi vel ex solo hoc titulo: quod Ecclesiae in temporalibus velut Collegia, & personae privatae spectentur, legitime inferri ostendit, proprietatem bonorum iisdem, excluso ab ea Principe, vindicandam esse.

b) Conclusio haec sponte sua ex haftenus dictis pro-
luit. Longe pluribus argumentis veritatem
ejusdem

ejusdem probavit Lud. Behlen *dissert. de causis secularib. illegit. & legitim. exstat. in Theol. sacr. 7. 1. Tom VI. n. 3.* item Schlettwein die Gerechtigkeit in Absicht auf die Klöster u.

V. Jure vero *extraordinario eminenti*, seu *alto Domino m)* in bona Ecclesiarum Princeps haud uti poterit, nisi sub his conditionibus, ut

- a) bona ad cultum Dei vel usus sacros plane *necessaria* semper ab hoc dominio eximantur;
- b) *utilia* vero non ratione meræ ex parte Rei publicæ utilitatis, sed *veræ. communis*, ac *manifestæ* necessitatis, alio modo haud sublevandæ, ita quidem ad alia impendantur, o)
- c) ut debita semper inter Ecclesias & reliquos cives proportio servetur, sine qua nullus *eminenti* Dominio locus datur; p)
- d) tandem ut non *via facti*, sed *initio* etiam cum Rectoribus Ecclesiæ *consilio* procedatur, qui, ut Princeps de Reipublica, ita de Ecclesiæ necessitatibus judicabunt q)

m) Jus disponendi de *rebus* propriis civium sancti publicæ causæ in casu necessitatis dicitur *Domini eminentis*: *jus* vero eadem de causâ in casu necessitatis disponendi de ipsis *personis* Civium *potestas eminentis*: utrumque conjunctim *jus eminentis*, in res scilicet & *personas* Civium audit. Jus istud *jus quoddam necessitatis* est, nec locum habet, nisi quando ejus usus est medium unicum salutis publicæ in casu emergen-

te promovendæ, Wolff *Inst. J. N. & G. §. 1065.* At tum subditi, quorum bona ad usum publicum sunt applicata, indemnes habeantur, ne aliqui plus ceteris graventur. Bened. Schmidt *Princ. Jur. Germ. lib. II tit. 2 §. 6.*

- n) Necessaria enim Religionis necessariis Civitatis præferenda sunt, § *præced. I. n. II. Conf. etiam Behlen cit. loc. §. 75.*
- o) Etiam utilia Religionis utilibus Civitatis præferenda sunt. § *præced. I. n. II. lit. c)* ob solam ergo Reipublicæ utilitatem utilia Ecclesiæ in usus profanos impendi non debent. Necessitas adfit oportet illaque non ficta, atque adeo urgens, ut alio medio salus publica conservari non possit. Conf. *not. præced. m)* item Behlen *cit. loc. §. 48.*
- p) Præterea enim, quod 1) bonis Ecclesiarum varia privilegia concessa sunt, non item bonis privatorum, quæ magis illa, quam hæc gravari videntur; 2) quod bona Ecclesiæ eo ipso, quod Religionis & Ecclesiæ salutem impendantur, jam bonum publicum etiam Reipublicæ, vi § *præced. I. n. IV. lit. a)* promoveant, ac vel inde minus necesse sit eadem Ecclesiæ ob salutem publicam periculum adimere; accedit & illud: Ecclesiam ut personam moralem spectatam jure saltem aliorum in Republica Collegiorum privatorum, si non plane Civium bene meritorum, debere gaudere; (vid. quæ *not. præced. k)* ex Boehmro & Wolffio descriptimus) quapropter æquitati summe consonum esse servari proportionem inter Ecclesias & reliquos cives, quotiescunque dominio eminenti bona quædam in Reipublicæ usus impenduntur.
- q) Conf. §. *præced. I. n. II. lit. e)* item Wolffii *Inst. J. N. & G. §. 1065.*, ubi conditionem hanc sequentibus verbis necessariam esse declarat: *Vi*
N de.

dominii eminentis etiam de rebus sacris & ecclesiasticis disponere potest Superior, non tamen sine consensu ejus, qui jus circa sacra habet, si id a regimine seculari fuerit sejunctum. His conditionibus circumscriptum eminens dominium Principibus tute dari posse, nemo forsitan erit, qui dubitet. Nam 1) erant hæc bona ecclesiastica iis subiecta ante oblationem in favorem Religionis factam; 2) per oblationem autem hanc suam non exuerunt omnino naturam; 3) nec in tertii privati, minus in Reipublicæ præjudicium quisquam bona Deo offerre potest, nec ea Deus acceptat, odio habens rapinam in holocausto; 4) publico protectionis politicæ beneficio fruuntur cum aliis, cur ergo ad publicæ protectionis sustentationem non serviant? 5) a Republica profecta sunt, quare saltem in calu necessitatis, quem semper exceptum voluisse Donatores dubium non est, in eadem jus quoddam retinet. Ceterum ævo jam suo advertit Carolus M: multas regiones, quæ rerum ecclesiasticarum invasiones, vastationes — sectatæ fuerunt, nec in bello seculari fortes, nec in fide diu stabiles persistisse: unde arguit: neminem audere eas dare, vastare, aut accipere absque proprii Episcopi iussione. Cap. III. Carol. & Ludov. apud Georgisch Corp. Jur. Germ: ant. col. 798. seq.

VI. Quod immunitatem realem bonorum a tributis, collectis, oneribus &c. adtinet, advertendum

- 1) circa bona ecclesiastica in genere, ea
 - a) siquidem Ecclesiæ usibus omnino necessaria sint, jure divino esse plane immunia; r)
 - b) ceterorum vero bonorum immunitas soli Principum liberalitati debetur, s)
 - c) quæ

- c) quæ bona, præsertim *dotalia*, ab omnibus tributis, *reliqua* vero sæpe a communibus, vel ab extraordinariis saltem collectis eximit; *t*)
- d) quod privilegium ut conservetur, si modo favor iste in grave civium reliquorum detrimentum non cedat, iisdem, quas pro immunitate *personali* supra adduximus, rationibus persuaderetur; *u*)
- e) imo in *Germania* pro hac immunitate Sanctiones quoque pugnant, non *Isidori* mercibus adscribendæ, sed jam per *Capitularia* stabilitæ, & ab Imperatoribus dein *proprie Clementiæ motu* confirmatæ. *v*)
- r) Constitutæ erant olim Levitis decimæ ita, *ut nihil aliud possideant*; has vero Deus ab omnibus oneribus exemptas voluit. *Num: XVIII. Exod XVII.* cur igitur Clerici nostri non eadem immunitate quoad res *necessarias* gaudeant? Jure naturæ, & divino positivo cultus Dei externus ordinatus est; eodem jure Clerici alimenta *necessaria*, & Ecclesia redditus exposcunt. *I. Cor. IX. 7. seq.* eodem igitur etiam jure *necessaria* hæc ab oneribus immunita esse debent. Conf. *§. præced. I. n. II. lit. b*)
- s) Non enim derivari potest 1) ex jure *naturæ*, quod publicum universale vocamus: id enim Principibus facultatem tribuit *necessaria ad finem* Civitatis obtinendum media ex *utilibus* civium, & Ecclesiæ etiam rebus (*vid. not. præced. p. q*) hauriendi; 2) nec ex jure *positivo divino*: quod *necessaria* solummodo ab oneribus immunita declarat, at aliud longe de *superfluis* non uno in loco docet. Conf. *Joan. XVIII, 33. Math. XXVII, u. Marc. XV. 2. Luc. XXIII, 4. ad N 2. Rom.*

Rom. XIII. 1 seq. ad Tit. III. 1. II. Petr. II. 13. & Cornelii a Lapide in Math. XXII. 21. comment: 3) nec ex jure humano ecclesiastico: quæ enim ex Conciliis Lateranensi III can. 19. Lateranensi IV. can. 46 Constantiensi S. ss. XIX. Lateranensi V. Sess. IX. X. Tridentino Sess. XXV. cap. 20. tandem ex ipso etiam Corpore Jur. Can. & Pontificum Constitutionibus adteruntur, tanta haud sunt, ut majorem accommodæ explicationis difficultatem pariant. Quæ hac in re SS. Patrum fuerit persuasio, unus loco omnium doceat S. Ambrosius jurium ecclesiasticorum, ut præced.: §. I. n. VI. not. D) vidimus, strenuus alias propugnator: ita vero ille in Comment: ad cap. V. Luc. lib. IV. cap. penult: Si censum filius Dei solvit, qui tu tantus es, qui non putes solvendum? — si tu vis non esse Cæsari obnoxius, noli habere, quæ mundi sunt: si habes divitias obnoxius es Cæsari. Et alibi apud Gratianum can. 27. Caus. XI Q. I Si tributum perit Imperator, non negamus. agri Ecclesiæ solvunt tributum. Scio equidem, plura tum ex veteri; tum ex novo Testamento contra hæcenus dicta passim objici. Ita adducunt 1) ex veteri testamento Pharaonem Genes XLVII. 22. & Artaxerxem I. Esdræ VII. 24. quæ, ajunt, sola ratio docuit, Sacerdotibus immunitatem indulgere; 2) ex novo Math. XVII. 24 & seq. Sed enia vid. apud Paulum a Rigger cit. loc. P. III. §. 896. seq. quid ad singula respondendum. — Quæ cum ita sint, consequitur jam: immunitatem hæc realem Principum in Ecclesiam liberalitati adscribendam esse; quod ex documentis historicis, priorumque Imperatorum, a Constantino M. usque ad Justinianum, legibus erudite explicavit cit. Rigger cit. loc. §. 882. seq.

2) Ut ex argumento legum ab eodem Rigger cit. loc. indicatarum abunde patet,

u) Vid.

u) Vid. *supr. §. III. preced. n. IV. not.* Non est vero sane hodie, ait Maur. Schenkl. *cit. loc. §. 365.* Schel id cur ob exemptionis privilegia bona ecclesiastica Reipublicæ inutilia dicantur. Quid prosint, ni magnopere affectent ignorare, sciunt opifices, pauperes, nobiles, Principes, eo quod tum gratuitis donis, tum præstitis tributis, tum extraordinariis suo tempo e subsidis Status ecclesiasticus Reipublicæ adeo non deest, ut multos alios hac re superasse aequis rerum estimatoribus videatur.

v) Inter Imperatores Fridericus II. imprimis immunitatem hanc innovavit, ut constat. ex Authent. *Statuimus, ut nullus.* Item *Nulla communitas.* Cod. de Episc. & Cleric. Conf. Dissert. de vero libert. eccles. Germ. fundam. exstat. *Theaur. J. E. Tom V. n. 11.*

2) Circa bona feudalia in specie x) patet,

a) moribus Germaniæ Clerum feudorum etiam regaliū capacem æstimari y) ac proin

b) ultro consequitur, Ecclesiarum Rectores ob hæc bona ad cognoscendam Domini directi jurisdictionem, & præstanda ex feudo servitia obligari; z)

c) dominium porro utile penes ipsam Ecclesiam esse, cujus Prælatus ceu Administrator a) ob feloniam quidem administratione sua exui, haud tamen Ecclesia innocens priuari feudo potest. b)

x) Juvat notionem feudi, & quæ ad istud pertinent, præmittere. Feudum itaque dicitur dominium utile a Domino in re sua alteri sub fidelitatis conditione concessum. Porro is, qui in re feudali dominium directum habet, Dominus feudi;

N 2 qui

qui dominium utile tenet, *Vasallus* appellatur. Igitur diverso plane significato *bona feudalia* Ecclesie dicuntur tum bona, in quibus Ecclesia utile, tum bona, in quibus directum habet dominium. *Obligatio feudalis* est, quæ ex contractu feudali oritur: factum omne huic obligationi contrarium *felonia* audit. Wolff. *cit. loc. P. II. cap. XVI. a §. 736.*

- g) Capacitatem hanc supponit 1) Concordatum *Callistinum*, dum statuit: ut *Electus* Regalia per sceptrum ab Imperatore recipiat & quæ ex his jure eidem debet, faciat. Instr. Concordat ex parte Pontificis; 2) testantur eandem concessiones feudorum a temporibus extinctæ Carolingicæ stirpis teutonicæ, & quam maxime sub Imperatoribus Henrico Aucupe, Ottone M. Henrico S. usitatæ, atque ad nostram usque ætatem repetitæ. Conf. *preced. n. IV.* ubi aliunde jus Ecclesie vindicavimus dominium acquirendi. Qua vero occasione primum bona Principum in feudum Ecclesie data sint, vid. apud Biner *thesaur. erudit. P. III. pag. 131. 132. §. I. n. 1. 2.*
- h) Sequitur id ex notione feudi *not. preced. x)* & Concordati *Callistini* postremis supra citatis verbis. *not. preced. y)*
- a) Prælatos non nisi *Administratores* feudorum esse, dominium vero utile penes ipsam Ecclesiam residere, eruitur 1) ex communi *Decretalium* de Clericorum circa bona beneficialia juribus *doctrina*, quæ in jure privato exponetur, & ex qua interim c. 2. de donat. attulisse sufficiet, ubi dicitur: quod Episcopus, & quilibet Prælati Ecclesiasticarum rerum sit procurator, & non Dominus; 2) ex ipsis donationum formulis, & tractatum feudalium verbis apud Mabillonium Baluzium aliosque,

- b) Et si Vassallus, penes quem dominium utile est, ob feloniam feudum amittat, propterea tamen jure suo in feudum non privatur innocens, ad quem post mortem prioris devolvitur; Wolff. *cit. loc. § 747.* ergo nec Ecclesia privari potest juribus suis, quamvis Administrator feudi administratione excidat; *nemini enim factum alienum imputatur.* Inde, est, quod Electore Colonienſi per Josephum I. Imp. proſcripto feudum Ecclesiæ non ademptum: sed ejus administratio Capitulo fuerit commissa.

VII. Administrationem bonorum Ecclesiæ

- a) ipsos primitus Apostolos & Episcopos per se aut suos Ministros exercuisse legimus; c)
 b) et vero recte præsumitur, illos, qui sua bona contulerunt Ecclesiis, cum ipso dominio sacris Collegiis tradito Administrationem quoque eorundem, nisi eam expresse sibi reservaverint, Ecclesiarum Rec-toribus reliquisse; d)
 c) unde & recte hodiedum bona Collegiorum, aut Monasteriorum ab eorum Præ-latis plerumque *privative* administrantur; e)
 d) nec summo etiam Pontifici abnuenda su-prema *inspectio* est ac jurisdictio, quæ potestatem importet leges pro rerum adjunctis circa ejusmodi bona ferendi, aut Canones exequendi; f)
 e) ipsique in suis Dioccesibus Episcopi præcipuam similiter bonorum istorum curam gerant; g)

f) hac tamen semper cautela, ne locorum consuetudines aut privilegia absque necessitate violentur. h)

e) De Apostolis quidem legimus id in *Act. apost.* cap. 6. qui tamen ut orationi & ministerio Verbi divini instare possent, septem constituerunt Diaconos, qui singulis necessaria ministrarent, *ibidem*: de Episcopis vero in Concilio *Chalcedonensi* Generali an. 451. *Can. 26* quibus eodem *Can. Oeconomi* de proprio Clero adjuncti sunt, qui gubernarent res cum arbitrio sui Episcopi, *non sine testimonio* sit gubernatio ipsarum rerum *Ecclesiasticarum*. & ex hoc eveniat res ejusmodi *Ecclesiae* dispergi, & *Sacerdotali dignitati obrectatio* generetur: imo seculo adhuc VIII. in Concilio *Francfordiensi* an 794. *Canone 48*, quo statuitur: De oblationibus, quæ in Ecclesiæ, vel in usus pauperum conferuntur *canonicam observandam esse normam*, ut non ab aliis dispensentur, *nisi cui Episcopus ordinavit*. Hæc & innumera alia testimonia apud Thomasinum *cit loc. P. III. lib. II. cap. 1 — 12.* dubitare nequaquam sinunt: bonorum ecclesiasticorum administrationem olim penes Episcopos stetit, eorundem supremæ inspectioni, & sollicitudini illos fuisse subiectos, quibus cum usufructu administrationem bonorum relinquebant *Conf. Zech de Jure Rerum Eccles. P. II. Sect. III. Tit. VI.*

d) Non est enim verosimile pios illos Christianos, qui emolumenta rerum suarum in Ecclesiam transtulerunt, molestias administrationis earundem aut sibi, aut aliis præter Ecclesiæ Rectores reservare voluisse: præcipue cum non ignorent, quam bene legibus ecclesiasticis provisum sit, ut bona hæc non nisi in saluberrimos usus administrantur; ergo nec præsumendum istud est, nisi ex ipsis Donantium verbis aperte contrarium ostendatur.

e) Quod

g) Quod nec Donantium voluntati, nec Ecclesiae bono (*not. praeced.*) nec primitivae Ecclesiae, imo nec ipsorum Apostolorum moribus (*not. praeced.*) adversatur, id cur aetate nostra minus rectum dicatur, ego quidem haud satis intelligo. Consonat Concilium *Tridentinum Sess. XXIV. cap. 16. de reform.* item quoad Superiores Regularium *Sess. XXV. cap. 2. de reform.*

f) Jure hoc usus est seculo jam V. Simplicius P. divisionem reddituum Ecclesiasticorum per Occidentem in quatuor partes inculcans *epist. 3. alias 4* a Gratiano *Caus. XII Q. II. Can. 28.* relata: item Gelafius P. an 464. idem mandatum repetens *epist. 6.* apud Gratianum *ibid. C. 27.* & futuris etiam Ecclesiae necessitatibus media disponens apud Eundem *C. 23.* scilicet deum Innocentius XII. *Constitut. an. 1692.* edita, qua abusus circa donationes & distributiones reddituum Ecclesiae in Consanguineos, & Affines, aliosque, quibus non competunt, reformare intendebat. Non excessisse propterea Romanos Pontificis potestatis suae *essentialis* limites ex *Cap. I. §. I. n. IV. lit. b. d. f.* colligitur.

g) Vi Concilii *Tridentini Sess. XXII. cap. 8. & 9. de reform.* extenditur haec Episcopalis cura ad omnes *pias* in Diocesi sua *dispositiones.* Ac rectissime quidem: est enim Episcopus Diocesanos Rector (*Aet. XX. 28.*) at Rectoris est apta ad finem media disponere (*ex definit.*) ergo & Episcopi curare, ne, quae praesto sunt, ad cultum divinum decore celebrandum, ad Ministros honeste sustentandos, ad pauperes alendos necessaria media unquam deficiant.

h) Consuetudo enim & privilegium jus parant; vid. *proleg. §. V. n. III IV.* sed jura aliena absque necessitate violari non debent. Nec obstat, quod Concilium *Tridentinum* ad finem cit *Sess.*

XXII cap. 8. edixerit: Non obstantibus quacumque consuetudine, etiam immemorabili, privilegio aut statuto; nec enim verba hæc ita intelligenda esse puto, quasi Episcopus omnem bonorum ecclesiasticorum administrationem aliis le inferioribus consuetudine, aut privilegio conceditam sibi, excludendo illos, arrogare deberet. Præterea enim quod æquitatis servandæ studiofissimum Concilium, cuique jura sua, quæ adimere nec utile magis, nec necessarium videbatur, integra esse voluerit, ut vel ex ipsa exceptione bonorum sub immediata Principum protectione positum clarum est; (cap. eod.) habuit quoque, ut alias vidimus Cap. I. §. X. n. III. lit. c. nos. k.) exemptionum quarundam Regularibus competentium rationem, quarum abrogandarum nullum jus Episcopis concessit, quoad alias vero plerumque non nisi restricta Sedis Romanæ Delegati jura indulgit. Dicendum igitur potius est: Concilium Tridentinum consuetudines abrogare voluisse conservationi bonorum ecclesiasticorum noxias, & ubi aliæ vigent, Episcopis jus visitandi, cumulative administrandi, negligentiam aliorum supplendi, aut demum invigilandi, ut omnia recte administrarentur, salvis tamen aliorum juribus contulisse. Illuc, ni fallor, recidit argumentum Capitulum hætenus ex Concilio Tridentino citatorum, item Declarationum ad ea pertinentium, & ipsius etiam titulus de religiosis domibus C: Quia contingit: in Clement. lib. III. Quæ cum ita sint: citra injuriam Archiepiscopis Germaniæ objicitur, majorem eos sibi, quam decuit, facultatem adtribuere voluisse, dum in conventu Consuetudinæ primum, postea in Thermis Emsanis celebrato omnes prius causas, non expetito etiam eorum, quorum interest, consensu, vel consilio, immutandi jus sibi convenire affirmabant. Conf. Cosmæ Schmalzfus Hist. Relig. & Eccles. christ. Tom. V.

V. Sect. VIII. §. 12. n. 13. Quod modum administrandi bona ecclesiastica in Diœcesi nostra adinet: leges hætenus relatæ fere plene observantur. Nempe administratio *Bonorum parochialium* Parochis, & Senioribus (*Kirch-Väter*) quoad plurima, si Ecclesia sit, patronata, a Patrono dependentibus: aliorum bonorum *beneficialium* Beneficiariis: bonorum *collegialium* Collegiis: *Monasteriorum* harum Ecclesiarum Prælati: *Episcopulium* Episcopo relicta est, salva tamen suprema Principis inspectione, & Episcopi in subordinatos Administratores auctoritate, ad quem & *hospitalium, orphanotrophiorum, confraternitarum*, & aliarum communitatum piarum, siquidem auctoritate, & consensu Episcopali erectæ sint, quoad bona etiam earum cura regulariter pertinet. Administrationis hujus singulares ex jure Regio determinationes vid. *cit. Cod. P. II. tit. XI. sect. IV. IX. XII.*

VIII. Dantur præterea Bonorum Ecclesiæ Advocati secundarii.

1) Horum species præcipuæ:

- a) Advocati *Protectores*; (*Schutz- und Schirm-Bögte.*)
- b) *Forenses* (*Gerichts-Bögte*) ad causas in foro contentioso defendendas, aut ipsam quandoque jurisdictionem vice Ecclesiarum exercendam destinati, unde & *Vicedomini* appellantur;
- c) *Oeconomici* (*Kasten- oder Kassen-Bögte.*)

i) Quid nomina hæc significant, vid: apud Schenkli *cit. loc. §. 368. Schol.* Apud nos non obveniunt,

unt, cum hujusmodi Advocatorum officia partim Patronorum, partim Parochorum aut Seniorum, aliorumque Administratorum muniis non incommode adhæreant. De origine Advocatorum Ecclesiæ legatur Rigger cit. loc. P. III. §. 689.

2) Jura eorundem

- a) a *Diplomatis, Pactis, Observantia & Privilegiis* dimetienda sunt;
- b) communi autem sententia Advocatia ejusmodi *secundaria Jurisdictionem territorialem* non tribuit. k)
- k) Conf. Schenkl cit. mox loc. Schol. 2.

3) Commodum ex his

- a) *prioribus* equidem temporibus *maximum* expertæ sunt Ecclesiæ;
- b) Sed cum paullatim munus hocce inique in *commercium & contractus* deduceretur, ac in *tyrannidem* descisceret, in summum sæpe periculum a *Subadvocatis* præcipue, Sec. XI. exortis, adductæ fuerunt;
- c) unde ab hoc onere libertatem Prælati ceu maximum beneficium precibus suis ple- rumque impetrarunt; *Subadvocati* vero Friderici II. & Hadriani III. jussu abrogati sunt, l)
- l) Conf. Martin. Mager Cap. 23. de advocat. armata. item Gufs. Vindic. jur. stat. eccles. P. I. Sect. II. cap. 2. §. 6.

§. V.

FINES UTRIVSQUE POTESTATIS CIRCA
CAUSSAS ECCLESIASTICAS.

I. Generales circa has causas regulæ §. I.
n. III. hujus Capituli adsignatæ ut applicari faci-
lius possint, paullo accuratius hic exponendæ;
unde

- 1) quoad causas spirituales *proprie ta-*
les, seu eas, quæ ad fidem, Sacramenta,
liturgiam, votorum obligationem &c. per-
tinent notandum,
- a) eas ad forum *ecclesiasticum privative* ita per-
tinere, ut nec connexionis, præventionis,
prorogationis, nec alio quocunque titulo
ad forum civile trahi possint;
- b) quod & in *Ordine Judicii Camere Imperia-*
lis Parte II. Tit. I. §. I. & *Capitulatione Cæ-*
sarea Art. I. §. II. & Art. XIV. §. 5. cau-
tum est. m)

m) Et aliunde ex §. I. n. III. lit. a. hujus cap., &
prolegom. Cap. I. §. II n. II. lit. a. sponte sua
promanat. Sunt nihilominus Juris Doctores
quidam, qui Principi potestatem *vota Civium*
examinandi, eaque, si Reipublicæ noceant, *ir-*
ritandi adstruant. Non est hic locus argumen-
ta, quibus hæc opinio nititur, aut convellitur,
ponderandi; id unum dicam; videri nempe mi-
hi falso supposito eandem laborare. Num enim
id jure votum, seu *promissio Deo facta de re me-*
liore dici potest, quod Reipublicæ nocet & Ec-
clesiæ nihil prodest? atqui non nisi hoc in casu
Principi jus irritandi promissionem subditi con-
veniret

veniret, vi principii §. I. n. II, lit. c. *Inj. Cap.* præmissi: ergo exequendo jus istud non votum, sed promissionem impiam, quæ scelere adimpleretur, irritaret seu irritam ex natura sua eam fuisse declararet. Quod Principibus, dummodo cauela in æstimandis utilitatis gradibus adhibenda (*ibid. lit. c.*) observetur, tute tribui potest, quin capiopter facultas tribuatur *vota Civium proprie talia irritandi.*

2) *Causæ vero propter nexum spirituales*
n) ut sponsalia, Jus Patronatus, Electionis, Institutionis in beneficia, Sepultura, Decimarum &c.

a) quantum ad ea, quæ a spiritualibus *separari* queunt, a civili potestate sæpius *dijudicantur*, uti quæstiones *nudi facti & possessionis; o)*

b) ubi tamen male quidam decisa quæstione *possessorii*, quæstionem *petitorii* seu de *jure & proprietate* &c. quasi jam decisam arbitrantur; *p)*

c) quantum vero ad causas *mixtas* sed *inseparabiles*, potestas utique *soli Ecclesiæ* addicenda foret, cum Laici exercendæ jurisdictionis spiritualis incapaces existant;

d) quamvis, ut ad vota utriusque Potestatis lites finiantur, optimum in *amica compositione* & vix non unicum, quoad causas mixtas & dubias, remedium quæri debeat, quod & Cæsar in Capitulationis Art. XIV. §. 5. se adhibiturum promittit.

- n) Dicuntur etiam *accessorie spirituales*, & versantur circa ea, quæ spiritualibus connexa sunt, id est: quæ spirituale præcedunt, comitantur, vel consequuntur.
- o) Ita e. gr. judicat Princeps de dote, alimentacione prolis, hæreditate, electi nobilitate, utpote separabilibus a quæstione de valore matrimonii, professionis, electionis, de qua Ecclesia judicat; item definire potest Princeps, an quispiam electus, matrimonio junctus, ordinatus sit, sunt enim hæ quæstiones nudi facti; at an legitime valideque electus, matrimonio junctus sit, quæstiones juris sunt accessorie spirituales: pertinent igitur ad Ecclesiam.
- p) Conf. Barthel. *Annot. in P. Engel ad Tit. de foro competente*: ubi recte observat, limites potestatis suæ transilire Judicem civilem, qui has de possessione vel facto quæstiones ita instruit, ut petitorium seu quæstio de jure & proprietate penitus evacuetur, & illo deciso, istud decisum quoque sit.
- 3) Causæ solum *per relationem spirituales*, v. g. ob peccatum, juramentum, denegatam justitiam &c. q)
- a) ex falsa persuasione sæpius ad forum sacrum deductæ innumeras querelas excitant; r)
- b) sed vel ex eo solum foro politico relinquendæ videntur, quod secus omnes fere causæ ex hoc titulo ad judices sacros pertrahi possent, s) neque tamen Christus sacro constituto Imperio civile Regimen extinxerit; t)

c) inte-

c) interim peccatores pænis spiritualibus in foro *interno*, aut etiam *externo*, si crimina *publica* & cum *scandalo* conjuncta sint, coercendi jus illæsum Ecclesiæ manet, judicis rerum temporalium foro civili nihilominus relictis. u)

q) Permixtis seculo IX. varia occasione potestatis civilis & ecclesiasticæ limitibus plures causæ, ut temporales diversis titulis ad forum ecclesiasticum tractæ sunt, nempe 1) titulo *peccati* vel *peccandi periculi* C. 13 *de judiciis*; 2) titulo *juramenti*. *Ibidem*; & C. 3. *de foro comper. in 6.* 3) titulo *denegatæ* aut *protractæ justitiæ* C. 6 & 10. *de foro comper.* 4) titulo *protectionis* miserabilibus personis ab Ecclesia debitæ C. 13 *de judic. &c.* Causæ tales vocantur *per accidens spirituales*.

r) Ut satis superque commonstrant 1) gravamina nationis Germanicæ, & querelæ Principum apud Schilterum *de libert. eccles. Germ. lib. VII. cap. 2:* 2) Leges & remedia harum causarum in foro ecclesiastico pertractationi in *Recess Imp. an 1654 Capitular. Casar. Art. XIV. §. 4* appolita, quorum integrum Catalogum exhibet Struvius *Corp. Jur. Publ. Cap. XXIX. §. 90.* Conf. Zallwein *Tom IV. Q. III. §. 44.*

s) Quæ enim datur circa res temporales lis, in qua unus alterve horum titulorum aut re ipsa non adesset, aut exoritari saltem non posset? Conf. Schenkl *§. 375. Schol. 1.*

t) Adde hujusmodi jurisdictionem per octo priora Ecclesiæ secula ignotam prorsus fuisse: quæcunque enim pro ea Ecclesiæ afferenda ex Decretalibus citantur leges, aut arbitros tantum Episcopos esse volunt, aut recentioris ævi sunt. Porro exercitium illius invita Republica retene-

tum magis ad confundendos utriusque potestatis limites, ad turbendam potius & Ecclesiam & Rempublicam, quam ad eam juvandam valere.

n) Conf. Fleury *Dissert. VII. in hist. eccles. §. 10.*

II. Quod vero Praxin circa hæc hætenus observatam adtinet, notasse juvabit;

- a) primis Ecclesiæ temporibus causas civiles quoque juxta D. Pauli consilium I. Cor. VI. & accedente postea Constantini M. aliorumque Imperatorum adsensu Episcopis tanquam Arbitris, scandali evitandi causa, fuisse subjectas; v)
- b) quorum auctoritas in his causis ampliora sensim usque ad seculum VIII. incrementa cepit, x)
- c) donec in vecto judiciis Ecclesiarum fori strepitu y) & jurisdictione *quasi propria* a summo Clero usurpata, causæ politicæ ad forum politicum denuo reducerentur; z)
- d) variante tamen hinc inde regionum observantia; unde in quibusdam etiam Germaniæ Dicecesibus civiles causæ ad forum *Officialis* deducuntur, recursu tamen ad Curiam vel Nuntios Pontificios inhibito, & summis Imperii Tribunalibus reservato. a)

v) De Constantino testatur id Sozomenus *lib. I. hist. cap. 9.* de aliis Imperatoribus vero *lib. I. Cod. tit. IV. 7. 8. de audient. episcopali*, ubi sequentia Honorii Imp. verba de Episcopis ut causarum Arbitris leguntur: *Si qui ex consensu*

sensu apud S. legis Antistitem litigare voluerint, non vetabuntur: sed experientur illius in civilibus tantaxat negotio more arbitri sponte residentis iudicium. Conf. Fleury Diss. VII. in hist. eccles. §. 2. ubi de hoc antiquo more, item causas decidendi methodo ex lib. II Constitut. Apost. quas ante finem persecutionum exaratas dicit, breviter meminit.

- *) Auctæ hujus quoad causas etiam temporales jurisdictionis ecclesiasticæ rationes indicat Epitome hist. eccles. Period. IV. P. II. Cap. I, n. III. §. 13. Conf. Ruprecht Nor. in J. C. lib. II. tit. I. §. 2.
- 2) Per decem priora secula simplex admodum erat iudiciorum ecclesiasticorum forma, ignotæ patenter juris formulæ, tumultus strepitusque forensis, ut ex cit. Fleury loco, & Eliæ Dupii Dissert. II. de forma iudic. eccles. §. III. n. 2, colligitur. Conf. etiam Rigger cit. loc. P. IV. §. 258. Schol. At renato circa seculum XII. cum Theologiæ scholasticæ cultu juris quoque Romani studio, Clerici, ait Fleury Instit. Jur. Eccles. P. III cap. I §. 5, juri Justiniano tantumdem vel amplius operæ impenderunt, ac canonibus imbiendis, tanto successu, ut seculo XIII omnis generis lites causasque deciderent, veteri agendi modo neglecto, formularum ambagibus & clericis forensibus in iudiciis ecclesiasticis adeo multiplicatis, ut civilem etiam procedendi ordinem superarent. Justinianus edixerat quidem: absurdum Clericis esse, imo opprobriosum, si peritos se velint ostendere disceptationum forensium L. 41. cod. de Episcop. at nec lex ista, nec iteratæ prohibitiones canonica Cap. 3. 10. Ne Cler. vel Monach. impedire poterant, quominus pleraque iudicia civilia Clericis, solis propemodum eo tempore litteras pingere scientibus, & jurium peritis, concrederentur, in quæ eandem litigandi, &

pro-

procedendi normam introduxerunt, se non jam arbitros, verum plurimarum caussarum civilium iudices ordinarios existimantes. Quo demum abusu excitati Principes de revocandis ad iudicia sua caussis temporalibus cogitare ceperunt.

2) *Neque tamen id ægre habeat Episcopos, ait Schenkl §. 375. Schol., cum hac ratione onere sat gravi levantur, quo se utique gravatos ingerere, & levatos dudum optarunt Ambrosius Augustinus, lib. VI. Confess. cap. 3. de opere Monach. lib. XXIX. in Psalm. CXVIII. & alibi: Sydonius, Synesius, alique Præsules religiosissimi Conf. Ruprecht Not. in J. C. lib. II tit. I. §. 2.*

a) *Vid. Recess. Imp. noviss. §. 164. Capitulat. Cæsar. Art. XIV, §. 4 5:*

§. VI.

NEXUS ECCLESIAE CATHOLICAE ET PROTESTANTIUM IN GERMANIA.

I. Circa Religionem, ejusque exercitium.

1) *Præter Religionem Catholicam illæ quoque Lutheranorum, & Reformatarum jus Civitatis per Pacem Westphalicam obtinuerunt. b) Idcirco.*

a) *Imperator etiam Protestanticæ Religionis, ne publica ejus securitas lædatur, Supremus Protector censeretur debet; c)*

b) *liberaque in Imperio cuilibet unam, quam libuerit, ex tribus his Religionibus profi-*

O 2tendi

rendi facultas, absque omni violentia aut contumelia, aut quacunque actione conscientiae vel Religionis ipsorum principiis contraria, concedenda est, iis omnibus, quæ in hæreticos alias constituta sunt, quoad harum Religionum consortes abrogatis; d)

c) nulla tamen alia præter nominatas Religio in Romano Imperio recipiatur, vel toleretur, unde merito *Autonomia* illa, seu quamvis indeterminatam Religionem profitendi libertas excluditur. e)

b) Ita, ut quod uni iustum est, alteri quoque iustum sit. *Instr. P. O. Art. V. §. i. VII. §. i.*

c) *Capitulat. Cesar. Art. I §. 10* qui ita sonat: So viel aber in diesem Artikel den Stuhl zu Rom, und die Päpstliche Heiligkeit betrifft, wollen die der Augsbургischen Confession zugethane Kurfürsten für sich, und ihre Religionsanverwandte — — uns damit nicht verbunden haben, gestalten denn auch gedachte Advocatia dem Religion- und Profan- auch dem Münster- und Dänabrückischen Friedensschluß zum Nachtheil nicht angezogen, noch gebraucht, sondern dem obgedachten Kurfürsten, und sämmtlichen ihren Religionsverwandten im Reiche gleicher Schutz geleistet werden sollte.

d) *P. W. Art. V. §. 1. 35. 48. & Art. VII. §. 1.*

e) *P. W. Art. VII. §. 2*

2) Nihilominus in eodem Instrumento potestas quamlibet ex tribus his Religionibus in suum Territorium invehendi, seu *ius reformandi* novum concessum est f)

a) om-

- a) omnibus Statibus Imperii *immediatis*, comprehensâ etiam *immediata* ejus Nobilitate, & illis *liberis Civitatibus*, in quibus anno normali 1624. unius tantum viguit Religionis exercitium; g)
- b) & quidem cum hoc jure ecclesiasticam quoque jurisdictionem, salvis semper Religionum principiis, comprehensâ, & cum *jure territoriali* conjunctam tum tenor verborum, tum mens Tractantium, prædominansque apud Protestantes Systema Ecclesiæ *territoriale* satis evincunt; h)
- c) ut adeo eandem jurisdictionem ecclesiasticam *Episcopus* etiam *catholicus* in subditos Protestantes *sui Territorii* retineat, cum in P. W. Art. V. §. 48. non jurisdicção ecclesiastica Dominorum *Territorialium*, sed *jus dioecesanum* Episcoporum ad *aliena* etiam Territoria se extendens suspensum sit; i)
- d) hæc vero jurisdicção cum Statibus quatuorlibus *cum jure territoriali* comperat, Imperatori quoque, & summis Imperii Dicasteriis *subordinatur*, ipsa imperii indole, salute, ac observantia sic exigentibus. k)
- e) *Conditio* tamen exercendi *juris reformandi* hæc stabilita est, ut possessum a Landstallis, Vassallis, & Subditis in anno normali Religionis exercitium cum adnexis saluum maneat. l)

f) Conf. P. W. Art. V. §. 39. 30. 44.

g) Ex eo; quod in Pace Religiosa jurisdictio Episcoporum in subditos Protestanticos sit suspensa, Principes Protestantici sibi jus reformandi sumebant occupando Episcopatus, collegia, & monasteria, eorum bona secularizando nihil proficientibus Catholicorum protestationibus. Cum vero perspecta illis esset regula: *Quod quis juris statuit in alterum, eodem & ipse utatur*, non quidem audebant Catholicis jus reformandi denegare, omnibus tamen viribus in pace Westphalica laborabant, ut illud lege publica stabiliatur. At volebant Catholici jus reformandi in illos transferre, nisi prius edant titulum, ex quo jus istud prætendant. Allegabant illi pro titulo jus *superioritatis territorialis*, atque parum abfuit, quin Catholici annuerent. At rebus melius inspectis intellexerunt Catholici titulum *superioritatis territorialis*, illegitimum, & jure divino reprobatum esse, ideo de titulo alio quasi medio, cum pax aliter obtineri haud potuerit, fuit cogitatum, & in id conventum, ut pro titulo juris reformandi adsumeretur *praxis Imperii* fundata tamen in superioritate territoriali, quatenus praxis haberet rationem tituli, superioritas autem territorialis esset conditio, sine qua non. Ideo vero Catholici maluerunt praxim Imperii, quam Jus Territorii in titulum adsumere, quia nomen praxeos est potius nomen facti, quam juris, atque adeo pro mera usurpatione, in quam ex necessitate a Catholicis conscendendum fuit, accipi potest. Inde vero consequitur jus reformandi nec soli qualitati feudali, seu dominio directo, nec jurisdictioni criminali, nec juri patronatus, nec advocatiz &c. esse adnexum. *P. W. Arr. V. §§. 42. 44. Conf. Schenk1 cit. loc. §. 382. Schol. 2.*

h) *P. W. cit. loc. & Arr. VIII. §. 1. De jurisdictione impropria* hic sermonem esse, per se patet; vid. Schenk1 §. 390. Schol. 1.

i) Ex-

- f) Exceptio Episcopi *Osnabrugensis* P. W. Art. XIII.
 § 8. Statuat regulam in contrarium Conf.
 Schenkl. cit. loc. Schol. 2. item §. 391. Schol.
- h) P. W. Art. V. §§. 53 55. Conf. Schenkl §.
 392
- i) P. W. Art. V. §. 31.
- g) Jus istud reformandi *vim Regulæ*, anni vero normalis possessio rationem *Exceptionis* ex tenore ipso, & ordine Instrumenti Pacis, ac mente Paciscentium obtinet; *m)* unde
- a) Dominis territorialibus *certis* Jus Simultanei innoxii, seu jus, salvo vigente in anno normali Religionis exercitio, aliam præter hanc Religionem introducendi abnegari haud potest, præsertim cum alia P. W. interpretatio in Causis *Hildesienfis*, & *Huxteriana* admissa non sit, priorum vero Pactorum *Hildesienfium* per Pacem istam abrogatio, aliaque, quæ obijciuntur, exempla ad simultaneum crudum referenda sint, & novioribus Regis *Porussicæ* & Electoris *Hannoverani*, Catholicis Religionis exercitium, templaque concedentium, exemplis compensentur. *n)*
- b) Subditi autem nulla anni normalis possessione muniti vel *emigrare* ipsi poterunt, vel a Domino Territorii *non controversi* ad emigrandum *compelli*; *o)*
- c) nisi potius Subditos ejusmodi a sua Religione *diversos transplantare* in alium quemdam

dam Ditionis suæ locum velit, quod Princeps, si modo gravia a *transplantatione* respectu Subditorum incommoda absint, jure potest cum unica concessæ emigrationis ratio in conscientiæ & exercendæ Religionis libertate fundetur;

d) sive vero *sponste* emigrantes, sive ad emigrandum *coacti* favoribus in P. W. Art. V. §§. 36. & 37. definitis perfruantur;

e) ceteros anni normalis possessione destitutos, quos tamen Princeps ad emigrandum haud cogere, sed *gratiosa* donare vult *Tolerantia*, benique, & patienter tractare, nilque ipsis conscientiæ aut Religioni eorum contrarium iungere debet; p)

f) quicumque vero Subditi exercitii suæ Religionis possessionem in anno normali habuere, eam cum *adnexis*, quatenus dicto anno exercuerunt, vel exercita fuisse *probare* poterunt, imposterum quoque tuti retineant. q)

m) P. W. Art. V. §§. 30. 51. 33. Conf. Schenk. cit. loc. §. 384. Neque opponas Art. V. §. 27. ubi anni normalis observatio instar Regulæ obtinere dicitur; nam quævis exceptio potest pro casu excepto regulæ particularis dici, quin intuitu regulæ generalis exceptio esse definat.

n) *Simultaneum crudum* illud dicitur: quo Religionis prioris exercitium partim tollitur, aut impeditur; tale Paci W. advertari facile largimur. At *simultaneum innoxium* statim post Pacem W. non modo adsertum, sed etiam in praxim deductum est; utpote quo admissio liberam Religionis exercitium, de quo solum Protestantes subdi-

subditis suis prospici volebant, non restringitur.
Conf. Barthel *diss. alt. de eo quod circa liber.*
exercit. Relig. Cap. 3 §. 19. & Cap. 4 §. 21.

o) *Libertas emigrandi* data est ad instantiam imprimis Protestantium. Hi laborabant quam maxime pro impetranda *Autonomia*; at Ferdinandus Imp. declaravit, se malle abrumperere omnes tractatus pacis, quam in hoc consentire. Ut tamen libertati conscientiae quodammodo consulere, in id consentire status, & Imperator, quod subditis diversam a Domino territoriali religionem profitentibus emigrare liceat; aut si nollent: posse eos a Principe, a quo necessario tolerari non debent, ad emigrandum cogi concessio tamen iis vel *quinquennii*, si ante, vel *triennii* spatio, si post P. Relig. religionem mutarunt, aut in illo loco sedem fixerunt. P. W. Art. V. §§. 36 37. 43

p) P. W. Art. V. § 34.

q) P. W. Art. V. § 31.

4) Et si autem annus 1624. inter Catholicos & Protestantes *normalis* in genere ac decretorius dicatur, notandæ tamen quædam *exceptiones* sunt: nempe

a) inter Dominam Catholicam & Subditos Protestantes, & contra, totus annus 1624. & quælibet anni pars normæ rationem obtinet; inter ipsos vero Status Catholicos & Protestantes inter se, prima dies *Januarii* ejusdem anni decretoria est; r)

b) inter Protestantes, quatenus duas, Lutheranorum, & Reformatorum, partes constituunt, annus 1624. pro regula haud ser-

vit, sed specialiter quoad jus reformandi inter eos fuit conventum, ut Princeps alienæ a subditis Religionis nil omnino in Sacris anno 1648. vigentibus immutare, sed *Concionatores solum aulicos sibi in sua Residentia habere possit; s)*

c) *Ditiones Austriacas* ea, quæ circa jus reformandi & annum normalem in P. W. statuta sunt, præter *ibidem concessa* non tangunt. *t)*

d) *Palatinatui superiori & Comitatus Cambensi* annus 1648. in profanis æque ac ecclesiasticis pro norma assignatus; *inferior* autem *Palatinatus & Marchionatus Badensis*, ut in eum statum, in quo ante motus *Bohemicos*, seu ante annum 1618. fuerant, restituantur, decretum est. *u)*

e) In locis a Rege Galliarum per pacem *Ry- wycensem* restitutis ipsum annum conclusæ Pacis 1697. normalem esse ex ipsa Pacis hujus clausula liquet; *v)*

f) denique *specialibus Pactis* inter Dominos Territoriales & eorum Status provinciales aut Subditos initis contra annum alias normalem alicubi exceptum est.

**) P. W. Art. V. §. 43.*

**) P. W. Art. VII. §. 1.*

**) Harum intuitu Regia Majestas Sveciæ & Augustanæ Confessionis Ordines sibi nihil aliud reservarunt, quam facultatem apud suam Cæsaream Majestatem pace tamen semper permanente, & exclusa omni hostilitate ulterius respective interveniendi, & de- misse intercedendi. Art. V. §. 41. item §. 38. 39. 40. P. W. u) P. W.*

u) *P. W. Art. IV. §§. 3. 6. 26.*

v) *Conf. Præcognit. Cap. II. §. III. n. III. 4.*

II. Circa Personas ecclesiasticas.

1) Jura Principum in has personas.

a) Ut principia Religionis Catholicæ salva maneant, sicut nec Principi Catholico in personas ecclesiasticas catholicas *qua tales*, & quatenus a ceteris adjunctis præscinditur, ulla potestas comperit (§. præced. III. n. I.) ita nec Protestantico Principi plus sibi in eas arrogare juris licebit;

b) sed in Ecclesiasticos seu Ministros Protestanticos ex ipsorum principiis ampliora Principi Catholico æque ac Protestantico jura nascuntur ex systemate ipsorum *territoriali*, non *collegiali* recens excogitato deducenda,

2) Jura ipsarum Personarum ecclesiasticarum *certæ Religioni addictarum.*

a) Episcoporum *Catholicorum*, si simul Domini *territoriales* sint, jurisdictio sacra in Subditos *Protestanticos* circa ea, quæ Augustanæ Confessionis, & ipsorum conscientis non repugnant, salva persistit. x)

b) In *Protestantes* vero Dominis *Catholicis aliis* subditos tunc solum similis Episcoporum jurisdictio locum habet, si eam in anno normali agnoverunt; x)

c) quo-

- c) quoad *Protestantes* Domino etiam *Protestantico* subditos ecclesiastica Episcoporum jurisdictio quoad omnes suas species suspensa est, sola exactione reddituum, censuum, & pensionum, si Catholici in possessione, vel *quasi-exercitio* jurisditionis anno normali fuerunt, excepta; z)
- d) tandem in *Catholicos* Statui *Protestantico* subiectos Episcopi jurisditionem suam, quatenus anno normali exercuerunt, retinebunt; a)
- e) imo & iisdem Episcopis in *Catholicos*, etiam non vi anni normalis, sed gratiose tantum a Principe Acatolico toleratos jurisdictio sacra quod ea saltem certo adjudicanda est, quæ cum Religione Catholica *per essentiam* connectuntur.
- x) *P. W. Ant. V. §. 40.*
- y) *P. W. Art. V. eodem.*
- z) *ibidem eodem.*
- a) *P. W. Art. §. eodem.*
- 3) *Personæ ecclesiasticæ ad aliam Religionem transcentes,*
- a) Dignitate & Beneficiis vi Reservati b) excidunt, *samam* tamen, *æstimationem* bonæque alias *juste* acquisita retinent; c)
- b) haud tamen Religionis mutatio modus esse potest bona prius amissa vel *libere, licite* & *valide* abdicata recuperandi; d) unde & Catholicus Regularis Dominium quorumcunque

cunque bonorum, quibus per sacram Professionem renunciavit, per hunc transitum non obtinet, nec ad natos ei fors liberos transmittit; e)

c) argumenta insuper haud levia ex Actis etiam P. W. desumpta probare videntur, Religionis facultatem mutandæ Religiosis indultam haud fuisse, sed pœnis *Apostasiæ* in eos posse animadverti.

b) De *Reservato* dicta sunt quædam *Cap. II. præcognit. §. II. n. II. r. not s.*)

c) Per Pacis W. *Art. V. §§. 15. 35*

d) Certe hanc vim recuperandi bona mutationi Religionis nec Pax Westphalica, nec jus quodvis aliud addixit.

e) Quod enim jus quispiam non habet, ad natos sibi liberos transmittere haud potest: at *Regularis* libere, licite, absolute abdicavit se jure bonorum suorum per Professionem: jus istud per Religionis mutationem non recuperat (*not præced.*) qua ratione igitur illud ad liberos transmittet, de quibus nascituris tempore renuntiationis nec sperare debuit, nec potuit? Ceterum 1) libertas conscientiae ea; propter æque parum læditur, atque per *Reservatum ecclesiasticum*; 2) neque etiam hæc bonorum jectura mutationi Religionis, sed libera renuntiationi solummodo debetur.

III. Circa Bona ecclesiastica.

1) Hæc vi P. W. distinguuntur

a) in *immediata* seu Imperatori vel Imperio *immediate* subjecta, et

b) in

b) in *mediata*, quæ in Statuum Territoriis sita, horumque Juri territoriali proxime subdita sunt.

2) Facta in eadem Pace dispositio, ut

- a) eorum quædam Protestantibus relicta, & secularizata fuerint, ut Archiepiscopatus *Magdeburgensis, Bremensis &c.*
- b) alia vero etsi Protestantibus concessa, in ordine tamen ecclesiastico remanserint, ut Episcopatus *Osnabrugensis alternatin, Lubecensis, Abbatia Quedlinburg &c.*
- c) aliorum tandem *restitutio* duplici adsignato termino decreta sit.

3) Restitutio ex capite Amnestiæ,

- a) ii omnes illam petere possunt, qui occasione motuum Bohemiæ & Germaniæ *f)* damni quidpiam vel præjudicii passi sunt; *g)*
- b) unde cum vi Conclusi in eum statum, in quo *ante hos motus* fuere, restitutio fieri debeat, quidam annum 1618, quo sua hi motus sumere initia, alii vero totum tempus a P. R. ad illos usque decurrens pro termino decretorio habendum censent; *h)*
- c) hæc autem restitutio salvis nihilominus *litibus* fors jam in judiciis Imperii motis, aut *juribus tertii*, quæ hoc Decreto non obstante prosequi licet, intelligenda est. *i)*

f) *Amnestia* nomine intelligitur, injuriarum, & offensionum motuum Bohemicorum occasione illatarum in perpetuum statuta oblivio. Motus Bohemici vero sequente ratione orti sunt: Rudolphus II. an. 1609. Evangelicis in Bohemia Statibus plenam Religionis libertatem litteris Majestaticis firmavit. Rudolpho successit Mathias, qui an. 1617 Archiduci Ferdinando Regnum Bohemiae, reservato sibi ad dies vitae supremo dominio cesserat. Ferdinandus ea sub conditione a Proceribus Bohemiae Rex salutatus est, ut privilegia, & speciatim litteras Majestatis a Rudolpho concessas confirmaret. Mortuo Mathia Proceres nihil sibi boni sperantes a Ferdinando Fridericum V. Electorem *Palatinum* reformatae Religioni addictum Regem sibi eligunt Ferdinando repudiato. Iste jura sua vindicaturus sub initium benigne cum Friderico, & Bohemis egit, sed caruere monita effectu; quapropter ad bellum ventum est, quod tricennalis in Germania belli erat initium, quodque infestissimum pro Bohemis & Friderico *Palatino* effectum habuit; hic enim casus anno 1620. a copiis Caesareis ad Pragam cum Regno, quod occupaverat, & Electoratum suum amiserat; Bohemorum vero multi vinculis, exiliis, bonorum privatione plexi, totaque natio ab eo tempore Religionem Catholicam suscipere coacta; nam litteras Majestaticas Rudolphi II. extradere Bohemi & Moravi jubebantur.

g) *P. W. Art. III. § 1.* Quaedam tamen exceptiones *Art. IV. §. 53. 54* & alibi factae sunt.

h) Conf. *Zallwein Tom. III. Q. II cap. 6. §. 5.* Qui annum 1618. decretorium esse volunt, his utuntur passim argumentis: 1) non est verosimile summos Paciscentes terminum restitutionis adeo vagum & indeterminatum voluisse discernere;

cernere; 2) causa petendae restitutionis sunt motus Bohemici, at hi inceperunt an. 1618. ergo dictus annus recte pro termino restitutionis ex capite amnestiae adsumitur. Ad hac vero reponunt alii: 1) anni hujus in Art. III. §. 1. nullam fieri mentionem; 2) ex verbis: *ante motus Bohemicos, gavisii sunt*, terminum quemdam decretorium cum ratione erui non posse. At nulla hac lite animadvertimus, ad obtinendam ex capite amnestiae restitutionem duo requiri 1) ut damnum occasione motuum Bohemicorum, 2) & quidem ab una vel altera factionum parte sit illatum.

i) P. W. Art. III. §. 2.

4) Restitutio ex capite gravaminum ob- tinet

- a) quoad bona *immediata* quaecunque, & etiam *mediata*, in quorum possessione *Status* prima die Januarii an. 1624. fuerunt; k)
- b) pro *Subditis* vero annus 1624. *integer* pro termino & norma stabilitus est; l)
- c) demum circa hanc restitutionum quaecunque lites, aut actiones sublatae sunt, sed *nuda possessio*, seu iusta seu injusta, attenditur. m)

k) P. W. Art. V. §§. 2, 14, 25 &c. 46. &c.

l) P. W. Art. V. §. 31.

m) P. W. Art. V. §. 14.

IV. Circa Causas ecclesiasticas.

- 1) Causae Religionis vel solum *Catholicorum*, vel solum *Protestantium*.

2) illa

- a) *Illæ*, si vere, ac mere ecclesiasticæ sint, Rectoribus Ecclesiæ Catholicæ juxta ipsorum principia, & regulas supra §. V. n. I. huj. Cap. datas definiendæ sunt;
- b) *hæ* vero Dominorum territorialium, Cæsaris & Archidicasteriorum judiciis subsunt. Vid. huj. Cap. §. VI. n. I.

2) *Causæ Religionis inter Catholicos, & Protestantæ controversæ,*

- a) si sint *judiciales*, seu satis a Legibus definitæ, & solam applicationem earum judicalem exquirant, in foro Dominorum territorialium, vel Summorum Imperii Tribunalium terminentur, etiamsi vota *paria*, sed tamen ex Catholicis & Protestantibus *promiscua* sint; n)
- b) si vero res *controversæ* vel nondum ab aliqua lege decisæ sint, vel lex *interpretatione* adhuc *authentica* indigeat, aut vota *paria*, & simul *pura* in Archidicasteriis evenerint, *amicabili Compositione* in Comitibus definiendæ sunt. o)

n) P. W. Art. V. §§. 33. 56. Ordinar. Camer. P. I. tit. 25. §§. 4. 5.

o) P. W. Art. V. §§. 50. 52. 56.

9) *Amicabilis ergo compositio in Comitibus vel Conventibus Imperii vi P. W. ex plurimorum sententia obtinet*

- a) in rebus *Religionem* concernentibus & inter utriusque Religionis Consortes revera *dubiis*, ac proin non in eo casu, quando e.

P

g. de

- g. de nova prorsus Religione in Imperio toleranda ageretur; p)
- b) in causis, ubi Status tamquam *unum Corpus* considerari nequeunt, ubi causas equidem *politicas*, nexum tamen manifestum sive *realem* sive *personalem* cum Religione habentes intelligimus; q)
- c) in causis, ubi Status *in duas partes* eunt, seu quando *omnes, & soli Catholici unam, & omnes Protestantes alteram* partem constituunt. Huc ut Summos Paciscentes a revolutio liberemus, illa negotia referimus, in quibus nexus equidem cum Religione *perspicue non* adparet, *subesse* tamen aliquo jure *timetur*; ut nihilominus Religio unica sit ratio, cur votorum pluralitas, a Jure Publico Universali præcepta, omissa, & via amicabilis compositionis in hac parte constituta sit; r)
- d) falluntur vero Protestantes quidam, qui hanc *itionem in partes* per *votum commune*, seu per *majora solum*, tamquam *Corporis evangelici*, suffragia obtineri contendunt. s)

p) *P. W. Art. V. §. 52.*

q) *P. W. Art. eodem. Conf. Schenkl cit. loc. §. 400. Schol.*

r) *P. W. Art. & §. eodem, & §. 56.* Quod vero Protestantes omnes causas controversas Religionem sive directe sive indirecte concernentes non nisi amica Compositione terminandas esse voluerint, ratio est: ne ullum præjudicium libertati Religionis, siquidem dissentientes etiam pluralitati votorum adquiescere tenerentur, adferatur.

s) Clara

3) Clara etenim obsunt P. W. *Art. V. § 56.* verba
huicque propositis novo decidendi modo, Imperii
Systemati adeo adverso, Catholici semper, imo
& plures Protestantium merito contradixere,
Conf. Schenkl *cit. loc. §. 401. Schol.*

4) Modis igitur in P. W. Causas decidendi ter-
minatis pronum est:

a) nullum jam locum esse Avto dikiæ, seu
defensioni vi & armis suscipiendæ, nisi in
caussis *liquidis*, & si jus *manifestum*, tentatis
frustra remediis negaretur; t)

b) nec uti Repressaliis licebit, ceu me-
dio violento, & non nisi Gentibus jus bel-
li habentibus in læsione *manifesta*, nec *aliter*
reparanda permissio; u)

c) similimodo jus agendi pro aliis for-
mæ judiciorum, & tranquillitati Imperii
contrarium nullo P. W. argumento nititur
cum equidem *Art. XVII. §. 5.* universis
Transactionis Consortibus, ut leges pacis
tueantur, præcipiatur, sed *læsi* tantum &
lædentis, non autem *tertii* mentio fiat; v)

d) conceditur tamen Catholicis æque ac
Protestantibus jus intercedendi, &
sua gravamina proponendi, modo justos
limites non egrediantur. x)

5) Persuadent id 1) scopus & historia Pacis: 2)
verba Pacis sæpius ac præcipue *Art V. §. 1. &*
55. violentiam, & viam facti prohibentia, qui-
bus non adversantur ea ex *Art. XVII. §. 6.* ut-
pote quæ non nisi de causis liquidis, clavis, nec
alio remedio finiendis intelligenda sunt; 3)
Contextus ipse & verba ibidem *§. 71.* posita:


Et

Et nulli omnino Statuum Imperii liceat jus suum vi vel armis prosequi — si quid controversia — unusquisque jure experiatur, secus faciens reus sit fractæ pacis: 4) ipsa æquitas & transigentium prudentia. Et vero quid æquitati minus consentaneum, quam si paciscentium pars una pacta publica authentice ipsa sola interpretari, imo statim in sui favorem exequi velit? Quid paci & tranquillitati periculosius, quam si equidem Civitatis Membris jus dubium vi armisque vindicare, & extorquere liceat? Fac id licere, jamque data est porta violentiis, imo jus manuarium redibit postliminio. Ita Schenkl §. 401. Schol. 2. Conf. Sündermahler *diff.*: dua de hac re.

u) *Repressalia* igitur circa causas Religionis dubias justissime prohibita sunt sæpius in *Recess*; Imp. ac ipsa P. W. *Art. XVII.* §. 7.

v) Conf. Sündermahler *differt.*: de jure agendi in. caus. relig: non cuius permissio.

x) Litteras *intercessorias* acceptare, & *responsorias* dare tenetur Cæsar vi *Capitulat. Art. I.* §. 11. Quodsi vero illæ nil nisi inquietorum subditorum vanas continerent querelas, quodsi non tam supplicantis, quam jubentis & mipientis speciem præferrent, ipsaque exequutio absque omni necessaria causæ cognitione confestim postularetur, tum quidem lædi iisdem Majestatem Cæsaris, & æquitatem, quis non videt? Plura ad Jus Ecclesiasticum Publicum Germaniæ pertinentia scripsit Zallwein & Rigger in *J. E. Germ.*



45.
38416/28272

Biblioteka Jagiellońska



stdr0024438

